

DISSERTATIONES.

D E

M A N N A,  
ET SACCHARO.

*Proposita in Acad. Gron. & Omland.*

A B

ANTONIO DEUSINGIO,

Med. ac Phil. Doct. Illiusque Prof.

Prim. Celsissimi Principis Gubernatoris  
ac Provinciæ Archiatro.



GLONINGÆ,

Typis JOHANNIS COLLENI, Bi-  
bliopola & Typographi, 1659.





CELSISSIMO PRINCIPI,  
 AC DOMINO,  
 D. JOANNI MAURITIO,  
*Principi Nassoviae, Comiti Casti-*  
*melliboci, Vianda, Dietzia, Domi-*  
*no in Bylstein, &c. Illustris Ordinis*  
*Equestris Ioannitici in Marchia, Po-*  
*merania, Saxonia, ac Wandalia, Pra-*  
*fecto superiori; Ducatus Clivia, ac Co-*  
*mitatus Marchia Gubernatori; Equita-*  
*tus Fæderati Belgii Vice-Generali, &c.*

Domino meo Clementissimo;

CELSISSIME PRINCEPS,



AGNO illi Terra-  
 rum orbis Domito-  
 ri, Alexandro, vo-  
 lupe fuit aliquan-  
 do, ad Diogenis  
 lum se demittere, ac con-

# DEDICATIO

templari cum admiratione Philosophi in summa rerum tenuitate *ἰσχυρίαν*. Similiter haud displicebit Tuæ Celsitudini, cujus Heroicæ Virtutes jam dudum **QUA PATET ORBIS** fulgore pleno radiant, ad hanc Academicam, umbram, paulisper concedere; atque, præ Regum, Electorum, & Imperatorum dapibus, æqui bonique consulere hæc Bellaria Academica, (quæ fortè ad manus sunt, dum Celsitudinis Tuæ, ac tot Celsiss. Principum, præsentia lætamur omnes in Urbe & Omlandia,) ex *Manna & Saccharo* confecta imprimis artificio Naturæ: ut, quos sis erga humaniora studio affectu, Arte simul ac Marte clarus, Borealis hæc itidem Fœderati



J

DEDICATIO.

derati Belgii plaga animadver-  
 tat. Eum suspicit dudum ac ve-  
 neratur in Celsitudine Tua, jux-  
 tà ac in Celsissimo Principe no-  
 stro Governatore, **GUILIEL-  
 MO FREDERICO NAS-  
 SIO**, Domino meo Clementis-  
 simo, Herbornensis Schola Aca-  
 demica, eundemque in Cœlum  
 laudibus extollit Duisburgen-  
 se, (vicinissimum Patriæ meæ)  
 Athenæum, munificentia Sere-  
 nissimi Electoris Brandeburgi-  
 ci erectum ac stabilitum. Nec  
 fieri potest aliter, quin Heroïci  
 ac cœlo sublimiores Animi cœ-  
 lestia illa bona, quibus Musæ  
 beant assedas suos, extollant al-  
 tius, foveant, favoreque passim  
 prosequantur. Sed cur præ tot  
 eximius Reipublicæ nostræ lite-

# DEDICATIO.

rarix Antistitibus Tuam Celsitudinem publicè compellere ausa sit hæc mea tenuitas, non una ratio impellit. Naturalis quidam nexus, indeque fervor animi, quo me Illustrissimæ Domui Nassovicæ atque Auriacæ obstrictum agnosco, ( Celsissimi Principis Auriaci, &c. Moersæque Comititis, &c. natus subditus, ) tenuitati vota viribus ampliora passim addit; idemque animum erigit piosque conatus, quò facultatibus quantumvis annitentibus assurgere datum non est. Præterea, singularis observantiæ cultus Celsitudini Tuæ me vel absentem dudum vendicat devotissimum, atque pertrahunt in obsequium vota animum, ubi rerum agendarum

VI  
DEDICATIO.

darum occasio negatur : dum  
Serenissimo Electori Brande-  
burgico , in Ducatu Clivenſi ,  
(ubi Tu, Celsissime Princeps,  
Electoris loco rerum summate-  
nes,) obsequii jure ac paren-  
di necessitudine, devinctus,  
ibidem & Affines, & Fratres,  
& Amicos complures, Serenif-  
simi Electoris Officiarios ac Mi-  
nistros fideles, agnosco : qui ut  
unà mecum Illustrissimæ Tuæ  
Celsitudinis obsequentissimi ac  
devotissimi cultores se gerunt ;  
ita gratiam ac favorem peren-  
nem ab Eadem unà mecum hu-  
millimo observantiæ cultu po-  
scunt. Deus ter Opt. Max. Cel-  
situdinem Tuam diutissimè sal-  
vam atque incolumem præster,  
Foederati Belgii bono, ac Po-

DEDICATIO.

pularium meorum , meoque ,  
 meorumque solatio atque tuta-  
 mini ! Idemque ille supremus  
 Moderator Rerum , Illustrissi-  
 mam Domum Nassovicam &  
 Auriacam in gloriosissimam ,  
 æternamque Posterorum me-  
 moriam florere porrò atque vi-  
 gere jubeat , ad excelsam sui  
 Nominis gloriam , Ecclesię Or-  
 thodoxæ firmamentum & aug-  
 mentum , Reipublicę nostrę sub-  
 lime decus ac stabilimentum , !  
 Sic devotissimo pectore voveo !  
 sic precor ! futurus perpetuum ,

CELSISSIME PRINCEPS

Celsitudinis Tux


*Groninga, ex Mu-  
 seo meo, Nonis Ju-  
 lii, M CIO CLIX.*

Humillimus

Cliens

A. DEUSINGIUS.

BENE-



BENEVOLO  
LECTORI.

S.

ANTONIUS DEUSINGIUS.



*Um nuper, Benevole  
Lector, haud satis ad  
palatum visa sint Me-  
dicastus quibusdam, ea  
qua circa Unicornu  
ac Lapidem Bezoar exhibuimus,  
ad quod utrumque Medicamenti ge-  
nus imperitum Medicastorum vul-  
gus, cum lethales commiserunt errores,  
prætextus causâ, ceu ad sacram an-  
choram, confugiunt: libuit tedium  
dulci aliquo sapore oblinire: In quem  
finem nobilissimam ac delibatu dignis-  
simam materiam De Manna congef-  
si obi-*

# PRÆFATIO

*si obiter, eamque publicè expenden-  
dam Academicis primùm Civibus pro-  
posui, Respondente Ornatissimo Iur-  
ne Joanne Welhuysen Gronin-  
gano. Adjeci insuper Dissertatio-  
nem de Saccharo, tum ob affinitatem  
cum Melle, cujus species ipsum Man-  
na est, tum quòd Virus præclaris hac  
ipsa materia ventilatione jam olim di-  
gna visa sit. Illustrus Salmasius multa  
de Saccharo tradit in Exercitationi-  
bus Plinianis ad Solinum; Sed an ubi-  
vis vel mentem Autorum, vel rei  
veritatem Vir summus sit assecutus,  
jæ dicent alii: Cum illo olim amicas col-  
lationes epistolicas circa hanc materiam  
instituit, verùm privatas, Clariss. &  
Excellentiss. Vir, D. Adolphus  
Vorstius; Med. Doct. ac primarius  
etiànum in Acad. Lugd. Bat. Pro-  
fessor, Præceptor olim meus, atque  
ante*

AD LECTOREM.

*ante annos duos & viginti in Faculta-  
te Promotor, Fautor & Amicus nun-  
quam sine honoris præfatione mihi no-  
minandus: Ea si aliquando donaren-  
tur luce, præcul dubio & nostris hisce  
adderetur complementum uberius, ac  
scientiæ Medicæ & Naturali plenius in  
hac ipsa materia emolumentum. Orien-  
tales Scriptores ipsosmet in hac utra-  
que materia consuli necessum duxi: quo-  
rum genuinas voces, cum Typis Ara-  
bicis, seu Persicis vel Turcicis, hæc  
destituamur, Characteribus Latinis,  
ut licuit commodissimè, imitari neces-  
sum habui: quod ipsum ut æqui boni-  
que consulatur, rogo. Vale, Candi-  
de Lector, ac sævæ conatibus nostris.*

FRAN.

FRANCISC. VALLESIUS,  
De Sacra Philosophia cap. 57.

**N**Equè enim hunc (Dei concursum) elevo, cum naturales rerum causas investigo, sed laudo infinitam ejus sapientiam, qui ita omnia disposuit, ut etiam quæ sunt portentosissima, videantur bonæ ex parte secundum naturalem rerum ordinem evenisse.

DISSER-





DISSERTATIO  
DE  
MANNA



**D**E *Manna* dicturo,  
Homonomia Vocis ante  
omnia expedienda.  
Veteribus Græcis *Manna*  
dicitur, seu *Μάννα Λι-  
βάνη* *Manna thuris* Diosc.  
br. 1. cap. 83. id quod excussum est  
thure circa magna onera confrecto;  
quamvis aliquibus nihil à thure trito  
et lævigato differre videatur, ut do-  
et Gal. de comp. pharm. secund. loc.  
br. 4. cap. 4. Similiter Plinius lib. 12.  
ap. 14. *Thuris Micas* concussu elisas  
*Mannam* vocamus: quod dum conve-  
nitur evenit, inquit Matthiol. ad Diosc.  
oc. cit.

2. *Purgamentum Thuris Mannam* vocat Gal. Method. med. libr. 13. cap. 5. eamque levi adstrictione præditam esse ait: *Thus*, inquit, puris tantum movendi facultatem obtinet, utpote nullam adstringendi facultatem habens; *Manna* verò etiam corticis thuris paululum est admixtum, unde adstringendi vim habet. Atque ita Gal. Meth. Med. libr. 5. cap. 4. Est *Manna* medicamentum, inquit, quod magis quàm *Thus* adstringit; *Thus* verò quàm *Manna* magis emplasticum. Cùm ergo dicit Diosc. cit. loc. *Mannam* vim habere eandem quam *Thus*, sed aliquanto remissionem; id nequaquam de adstringendi facultate, sed de emplastica intelligendum est.

3. Est ergo *MANNA* Galeno quidém nihil aliud, quàm pulvisculus seu pollen *Thuris* con fracti, cui admixtum est nonnihil corticis thuris; hoc est, exiguæ ex magnis glebis thuris micæ, concussu motuque, dum  
ad nos

ad nos advehitur, elisæ, à thure lævigato diversæ, & cum fragmentis quibusdam exiguis corticis thuris permixtæ.

4. Etiamnum inveniuntur guttæ, (Thuris) inquit Plin. cit. loc. quæ tertiam partem minæ, hoc est x x x i x. denariorum pondus æquant. Quod ab hisce majoribus glebis concussu motuque deteritur, dum transferuntur, *Manna thuris* appellatur, sive in pollinem tenuiorem id redactum sit, sive micæ sint grandiusculæ: namque Dioscoridi magis probatur quæ non modò candida, pura, sed & *granosa* est, cit. loc.

5. Atque ita Thuris substantia olim trifariam divisa fuit, in *Thus* ipsum, *Corticem* thuris, & *thuris Mannam*: de quibus singulis seorsim agit Dioscor. lib. I. cap. 81. 82. 83. Ac creditur vulgò, (ex ipsa etiam Galeni mente,) *Manna thuris* à thure trito, seu pulvere thuris, hoc ipso duntaxat differre, quòd

*Manna* thuris semper aliquid corticis thuris admixtum habeat; pulvis non item: quamvis id quidem minùs videatur congruere menti Dioscoridis, qui *puram*, id est impermixtam magis probat, ac interim *granosam*: Esse autem, inquit, qui admixtis resinâ pini cribratâ & polline, aut etiam Thuris contusi cortice ipsam adulterent.

6. Zacutus Lusitanus de Medicinæ Princ. Histor. libr. 6. cap. 8. per *Thuris Mannam* intelligit *micas* seu *grana Thuris*, ex thuriferis arboribus resudantia, non secus ac mastiche ex mastichinis, ac myrrha ex myrrhatis: Ut adeò *Manna thuris*, à *Thure* simpliciter dicto, credatur differre, tanquam grana thuris ex arboribus thuriferis collecta, à glebis ex iisdem coagmentatis. (Quod nec ipsum menti Dioscoridis magis videtur congruere.) Apud Sylvaticum in Pandectis Medicis tertium quoddam genus *Thuris* (præter Indicum & Arabicum,) refertur, minutum valde &

de & rufum, quod *Manna Thuris* vocetur.

7. Alia *Manna* appellatio occurrit in Botanicis, ubi *Graminis Dactylitis semen*, *Manna* vocatur. De hoc agit Matthiolus in Diosc. com. ad. cap. 28. lib. 4. ubi, illam graminis speciem in aliquibus Germaniæ locis feri ac coli audio, inquit, non minori curâ, quàm cætera frugum & leguminum genera. Si quidem ejus semine, quod *Mannam* appellant, inquit, frequenter vescuntur in cibis, quòd in jure pinguium carniū decoctum, non minorem cum palato ineat gratiam, quàm oryza; cui ego facile præposuerim, inquit: Est enim semen panico milioque longè minus, album, oryzae modo; sed in pila ipsum quoque tundere oportet, ut à suo resiliat putamine.

8. Denique, *Manna* vulgariter denotat *Mel aëreum*, seu *roscidum Lique-rem*, dulcem, qui ex aëre deciduus, sub lucanis horis arborum ramis & frondibus,

bus, herbis, lapidibus, ipsique solo, adhærescit: cujus frequens ad alvum leniendam in Medicina usus est. De hoc Manna impræsentiarum disquiremus: Cujus equidem Vires demum traditæ sunt à Medicis Arabibus; quamvis nec Galeno, & aliis Antiquoribus, substantia ipsa fuerit incognita: Quo sensu Averroës libr. 5. Collig. cap. 55. *Mannam* refert inter Medicamenta quæ à Galeno tradita non sunt; nempe, ut liquet ibid. oppositè ad ea quorum virtutes se exploratas habere Galenus testatur.

9. Utique *Manna* non incognitum fuisse Galeno, liquet ex historia quam recitat ipse libr. 3. de aliment. facultat. cap 39. Memini, inquit, aliquando, cum æstate super arborum, ac fruticum, herbarumque folia, mel quàm plurimum fuisset repertum, Agricolas velut ludentes cecinisse, Iupiter melle pluit. Præcesserat autem nox, ut per æstatem, bene frigida, pridieque calida & sicca fuerat aëris temperies.

peries. Peritis quidem natura interpretibus videbatur, halitus è terra & aquis à Solis calore sublato, & deinde exactè tenuatos, ac coctos, à frigore secuta noctis concretos coaluisse. Apud nos verò rard id accidit; in monte autem Libano quotannis persape. Itaque coria super terram extendentes, & arbores excutientes, quod ab iis desluit excipiunt, & ollas ac fictilia melle implent, vocantque id Drosomeli & Aëromeli, id est, mel roscidum & aëreum.

10. Hujusce mellis aërei itidem terminat Plinius libr. 11. cap. 12. Ubi, Venit mel ex aëre, inquit, præcipueque ipso Sirio explendescente fit, nec omnino prius Vergiliarum exortu, sublucanis temporibus: Itaque tum primâ aurorâ folia arborum melle roscida inveniuntur, ac si qui matutino sub dio suère, unctas liquore vestes, capillumque concretum sentiunt. Hinc & Poëta roscida mella canit. Quin &, ante Galenum ac Plinium dudum cognitum fuisse Manna, (quamvis id minus placeat Johani Monardo Epist. 4.

# DEDICATIO.

rarix Antistitibus Tuam Celsitudinem publicè compellare ausa sit hæc mea tenuitas, non una ratio impellit. Naturalis quidam nexus, indeque fervor animi, quo me Illustrissimæ Domui Nassovicæ atque Auriacæ obstrictum agnosco, ( Celsissimi Principis Auriaci, &c. Moersæque Comitæ, &c. natus subditus, ) tenuitati vota viribus ampliora passim addit; idemque animum erigit piosque conatus, quò facultatibus quantumvis annitentibus assurgere datum non est. Præterea, singularis observantiæ cultus Celsitudini Tuæ me vel absentem dudum vindicat devotissimum, atque pertrahunt in obsequium vota animum, ubi rerum agendarum



VI

DEDICATIO.

darum occasio negatur : dum  
 Serenissimo Electori Brande-  
 burgico , in Ducatu Clivenſi ,  
 ( ubi Tu, Celiſſime Princeps ,  
 Electoris loco rerum ſummate-  
 nes , ) obſequii jure ac paren-  
 di neceſſitudine , devinctus ,  
 ibidem & Affines , & Fratres ,  
 & Amicos complures , Sereniſ-  
 ſimi Electoris Officiarios ac Mi-  
 niſtros fideles , agnoſco : qui ut  
 unà mecum Illuſtriſſimæ Tuæ  
 Celſitudinis obſequentiſſimi ac  
 devotiſſimi cultores ſe gerunt ;  
 ita gratiam ac favorem peren-  
 nem ab Eadem unà mecum hu-  
 millimo obſervantiæ cultu po-  
 ſcunt. Deus ter Opt. Max. Cel-  
 ſitudinem Tuam diutiſſimè ſal-  
 vam atque incolumem præſtet ,  
 Fœderati Belgii bono , ac Po-

# DEDICATIO.

pularium meorum , meoque ,  
 meorumque solatio atque tuta-  
 mini ! Idemque ille supremus  
 Moderator Rerum , Illustrissi-  
 mam Domum Nassovicam &  
 Auriacam in gloriosissimam ,  
 æternamque , Posterorum me-  
 moriam florere porrò atque vi-  
 gere jubeat , ad excellam sui  
 Nominis gloriam , Ecclesię Or-  
 thodoxæ firmamentum & aug-  
 mentum , Reipublicę nostrę sub-  
 lime decus ac stabilimentum . !  
 Sic devotissimo pectore voveo !  
 sic precor ! futurus perpetuum ,

CELSISSIME PRINCEPS

Celsitudinis Tuæ


*Groningæ , ex Mu-  
 saeo meo , Nonis Ju-  
 lii , MDCIO CLIX.*

*Humillimus*

*Cliens*

A. DEUSINGIUS.

BENE.



# BENEVOLO LECTORI.

S.

ANTONIUS DEUSINGIUS.



*Um nuper, Benevole  
Lector, haud satis ad  
palatum visa sint Me-  
dicastri quibusdam, ea  
qua circa Unicornu  
ac Lapidem Bezoar exhibuimus,  
ad quod utrumque Medicamenti ge-  
nus imperitum Medicastrorum vul-  
gus, cum lethales committere errores,  
prae textus causâ, ceu ad sacram an-  
choram, confugiunt: libuit tedium  
dulci aliquo sapore oblinire: In quem  
finem nobilissimam ac delibatu dignis-  
simam materiam De Manna congef-  
si obi-*

PRÆFATIO

*si obiter, eamque publicè expendendam Academicis primùm Civibus proposui, Respondente Ornatissimo Iuvene Joanne Welhuysen Groningano. Adjeci insuper Dissertationem de Saccharo, tum ob affinitatem cum Melle, cujus species ipsum Manna est, tum quòd Virus præclarus hac ipsa materia ventilatione jam olim digna visa sit. Illustrus Salmasius multa de Saccharo tradit in Exercitationibus Plinianis ad Solinum; Sed an ubi-  
 vis vel mentem Autorum, vel rei veritatem Vir summus sit assecutus, j. dicent alii: Cum illo olim amicas collationes epistolicas circa hanc materiam instituit, verùm privatas, Clariss. & Excellentiss. Vir, D. Adolphus Vorstius; Med. Doct. ac primarius etiamnum in Acad. Lugd. Bat. Professor, Præceptor olim meus, atque  
 ante*

AD LECTOREM.

*ante annos duos & viginti in Faculta-  
te Promotor, Fautor & Amicus nun-  
quam sine honoris præfatione mihi no-  
minandus: Ea si aliquando donaren-  
tur luce, præcul dubio & nostris hisce  
adderetur complementum uberius, ac  
scientiæ Medicæ & Naturali plenius in  
hac ipsa materia emolumentum. Orien-  
tales Scriptores ipsosmet in hac utra-  
que materia consuli necessum duxi quo-  
rum genuinas voces, cum Typis Ara-  
bicis, seu Persicis vel Turcicis, hæc  
destituamur, Characteribus Latinis,  
ut licuit commodissimè, imitari neces-  
sum habui: quod ipsum ut æqui boni-  
que consulatur, rogo. Vale, Candi-  
de Lector, ac sæve conatibus nostris.*

FRANCISC. VALLESIUS,  
De Sacra Philosophia cap. 57.

**N**Equē enim hunc (Dei concursum) elevo, cū naturales rerum causas investigo, sed laudo infinitam ejus sapientiam, qui ita omnia disposuit, ut etiam quæ sunt portentosissima, videantur bonæ ex parte secundum naturalem rerum ordinem evenisse.

DISSER-



DISSERTATIO  
DE  
MANNA.



*E Manna dicturo*,  
Homonomia Vocis an-  
te omnia expedienda.  
Veteribus Græcis *Man-  
na* dicitur, seu *Μάννα λι-  
βαύη* *Manna thuris* Diosc.

libr. 1. cap. 83. id quod excussum est  
à thure circa magna onera confraeto;  
quamvis aliquibus nihil à thure trito  
& lævigato differre videatur, ut do-  
cet Gal. de comp. pharm. secund. loc.  
libr. 4. cap. 4. Similiter Plinius lib. 12.  
cap. 14. *Thuris Micas* concussu elisas  
*Mannam* vocamus: quod dum conve-  
hitur evenit, inquit Matthiol. ad Diosc.  
loc. cit.

2. *Purgamentum Thuris Mannam* vocat Gal. Method. med. libr. 13. cap. 5. eamque levi adstrictione præditam esse ait : *Thus*, inquit, puris tantum movendi facultatem obtinet, utpote nullam adstringendi facultatem habens ; *Manna* verò etiam corticis thuris paululum est admixtum, unde adstringendi vim habet. Atque ita Gal. Meth. Med. libr. 5. cap. 4. Est *Manna* medicamentum, inquit, quod magis quàm *Thus* adstringit ; *Thus* verò quàm *Manna* magis emplasticum. Cùm ergo dicit Diosc. cit. loc. *Mannam* vim habere eandem quam *Thus*, sed aliquanto remissionem ; id nequaquam de adstringendi facultate, sed de emplastica intelligendum est.

3. Est ergo MANNA Galeno quidem nihil aliud, quàm pulvisculus seu pollen Thuris contracti, cui admixtum est nonnihil corticis thuris ; hoc est, exiguæ ex magnis glebis thuris micæ, concussu motuque, dum  
ad nos



## DE MANNA.

ad nos advehitur, elisæ, à thure lævigato diversæ, & cum fragmentis quibusdam exiguis corticis thuris permixtæ.

4. Etiamnum inveniuntur guttæ, (Thuris) inquit Plin. cit. loc. quæ tertiam partem minæ, hoc est xxxix. denariorum pondus æquant. Quod ab hisce majoribus glebis concussu motuque deteritur, dum transferuntur, *Manna thuris* appellatur, siue in pollinem tenuiorem id redactum sit, siue micæ sint grandiusculæ: namque Dioscoridi magis probatur quæ non modò candida, pura, sed & granosa est, cit. loc.

5. Atque ita Thuris substantia olim trifariam divisa fuit, in *Thus* ipsum, *Corticem* thuris, & thuris *Mannam*: de quibus singulis seorsim agit Dioscor. lib. i. cap. 81. 82. 83. Ac creditur vulgò, (ex ipsa etiam Galeni mente,) *Manna thuris* à thure trito, seu pulvere thuris, hoc ipso duntaxat differre, quòd

*Manna* thuris semper aliquid corticis thuris admixtum habeat; pulvis non item: quamvis id quidem minùs videatur congruere menti Dioscoridis, qui *puram*, id est impermixtam magis probat, ac interim *granosam*: Esse autem, inquit, qui admixtis resinâ pini cribratâ & polline, aut etiam Thuris contusi cortice ipsam adulterent.

6. Zacutus Lusitanus de Medicinæ Princ. Histor. libr. 6. cap. 8. per *Thuris Mannam* intelligit *micas* seu *grana Thuris*, ex thuriferis arboribus resudantia, non secus ac mastiche ex mastichinis, ac myrrha ex myrrhatis: Ut adeò *Manna thuris*, à *Thure* simpliciter dicto, credatur differre, tanquam grana thuris ex arboribus thuriferis collecta, à glebis ex iisdem coagmentatis. (Quod nec ipsum menti Dioscoridis magis videtur congruere.) Apud Sylvaticum in Pandectis Medicis tertium quoddam genus Thuris (præter Indicum & Arabicum,) refertur, minutum valde &

ele & rufum, quod *Manna Thuris* vocetur.

7. Alia *Manna* appellatio occurrit in Botanicis, ubi *Graminis Dactylitis semen*, *Manna* vocatur. De hoc agit Matthiolus in Diosc. com. ad. cap. 28. lib. 4. ubi, illam graminis speciem in aliquibus Germaniæ locis feri ac coli audio, inquit, non minori curâ, quàm cætera frugum & leguminum genera. Si quidem ejus semine, quod *Mannam* appellant, inquit, frequenter vescuntur in cibis, quòd in jure pinguium carni-um decoctum, non minorem cum palato ineat gratiam, quàm oryza; cui ego facile præposuerim, inquit: Est enim semen panico milioque longè minus, album, oryzae modo; sed in pila ipsum quoque tundere oportet, ut à suo resiliat putamine.

8. Denique, *Manna* vulgariter denotat *Mel aëreum*, seu *roscidum Liquorem*, dulcem, qui ex aëre deciduus, sub lucanis horis arborum ramis & frondi-

bus, herbis, lapidibus, ipsique solo, adhærescit: cujus frequens ad alvum leniendam in Medicina usus est. De hoc Manna impræsentiarum disquiremus: Cujus equidem Vires demum traditæ sunt à Medicis Arabibus; quamvis nec Galeno, & aliis Antiquioribus, substantia ipsa fuerit incognita: Quo sensu Averroës libr. 5. Collig. cap. 55. *Mannam* refert inter Medicamenta quæ à Galeno tradita non sunt; nempe, ut liquet ibid. oppositè ad ea quorum virtutes se exploratas habere Galenus testatur.

9. Utique *Manna* non incognitum fuisse Galeno, liquet ex historia quam recitat ipse libr. 3. de aliment. facultat. cap 39. *Memini*, inquit, *aliquando*, cum *æstate super arborum, ac fruticum, herbarumque folia, mel quàm plurimum fuisset repertum, Agricolas velut ludentes cecinisse, Iupiter melle pluit. Præcesserat autem nox, ut per æstatem, bene frigida, pridieque calida & sicca fuerat aëris temperies.*

peries. Peritis quidem natura interpretibus videbatur, balitus è terra & aquis à Solis calore sublatis, & deinde exactè tenuatos, ac coctos, à frigore secuta noctis concretos coaluisse. Apud nos verò rarè id accidit; in moue autem Libano quotannis persape. Itaque coria super terram extendentes, & arbores excutientes, quod ab iis defluit excipiunt, & ollas ac fictilia melle implent, vocantque id Drosomeli & Aëromeli, id est, mel roscidam & aëreum.

10. Hujusce mellis aërei itidem meminit Plinius libr. 11. cap. 12. Ubi, Venit mel ex aëre, inquit, præcipueque ipso Sirio explendescente fit, nec omnino prius Vergiliarum exortu, sublucanis temporibus: Itaque tum primâ aurorâ folia arborum melle roscida inveniuntur, ac si qui matutino sub dio fuere, unctas liquore vestes, capillumque concretum sentiunt. Hinc & Poëta roscida mella canit. Quin &, ante Galenum ac Plinium dudum cognitum fuisse Manna, (quamvis id minus placeat Johan. Monardo Epist. 4.

libr. 1.) liquet exinde quòd Hesiodi autoritate illius meminerit Theophrastus libr. 3. cap. 9. de Plant. Histor. his verbis : *Sin autem autore Hesiodo mella apesque quercus ferant, &c.*

II. Similiter Amytam, Græcum Autorem, citat Langius libr. 1. Epist. Medic. 64. qui longo ante Galenum temporis intervallo *Mannam* sub aërii mellis nomine exactè describat libr. 1. de Asie ponderibus. Sic enim Græcum Autorem (quem ex Athenæi libr. x 1. citat Illustris Salmas. Exerc. Plinianis in Solinum,) interpretatur Langius : *Mel aërium cum foliis decerpentes, inque Massas Syriacas, aut in globulos effingentes, seponunt : quumque eo uti voluerint, fracta de globulis fragmenta in vasis ligneis dissolvunt, & colatum ebibunt, melle ipso suavius.* Et sanè, si verum est quod ait Mesues de Simpl. cap. 8. Galenum *Mannam* miscuisse *Scammoneo*, ad expurgandam bilem, (quod tamen in Galeni scriptis, quæ habemus, non occurrit;)

rit; ) utique non modò ipsum Manna cognitum habuit, sed & ejusdem vires. Saltem è Græcis Actuarius, libr. de Comp. Med. cap. de Myrobal. *Manna* meminit, non pro *mica thuris*, velut Græci Veteres, sed pro medicamento solutivo; utpote quod ait bilem flavam pellere, majori quantitate sumendum quàm Cassia.

12. Sed ut ex mente Arabum exactiùs in Medicamenti istoc genus inquiramus: Tria distincta vocabula occurrunt apud Arabes passim rerum planè consimilium, scil. *Man* seu *Manna*, *Terengjubin* (pro quo barbari Interpretes *Tereniabin* & *Tereggubim* expriment, ) & denique *Schir-choscht*, (pro quo apud Barbaros passim legitur *Siracost* vel *Xiracost*, itemque *Xirquest*.) Diversis autem Capitibus agit Avicen. de *Man* seu *Manna*, & de *Terengjubin*, seu *Tereniabin*, libr. 2. Can. Ac Capite quidem de *Manna* disertè inter tria prædicta distinguit, addit-

que ibidem quartum iisdem confimile,  
scil. *Mel de montibus Kofrân.*

13. Similiter Serapio *Tereniabin* describit cap. 11. *Simpl. Medic. Mannam* verò tradit cap. 45. Ut alios præteream. Atque ita quoque apud Avic. libr. 3. Can. Fen. 1. tract. 2. cap. 11. inter *Terengjubin* (quam istic Interpres *Mannam* vertit,) & *Schûrchoscht* (quam Interpres vertit *succum fructuum*,) distinguitur; quamvis velut res confimiles, ac confimilium facultatum, ibidem tradantur. Similiter ibid. cap. 30. ad laxandam alvum commendatur *Schûrchoscht* cum sena ad drachmas quinque.

14. Equidem *Terengjubin* passim *Manna* vertitur, ut dictum; verùm Sylvaticus Pandect. Medic. cap. 667. de *Tereniabin*, quidam dicunt quoddam *Manna*, inquit, sed falso: Putat autem ipse esse *mel album*, habens saporem *Manna*. *Siracost* idem interpretatur capit. 613. *Mannam*, vel *succum fructuum*. Certè ex Arabum Interpretibus, qui hætenus operam



operam suam Versionibus, vel Castigationibus Interpretum ; impendunt, nihil certi quoad discrimen trium prædictorum invenimus.

15. Sunt equidem *Terenzjubi* & *Schîrchoscht* vocabula Persica, ab Arabibus in suum usum assumpta : Ac illud quidem propriè à Persis pronunciatur *Terenkubi* in Lexico Persico, ac *Mannam* denotare innuitur à Paraphraste Turca, vel *Mel Basrense*. *Enkubi* utique Persis *Mel* significat ; *Ter* verò recens. *Schîr. choscht* propriè Persis pronunciatur ac scribitur per K. in fine, *Schîr. choschk*, (quamvis etiam scribatur per t.) q. d. *Lac aridum*, seu *succum* ( *dulcem* ) *aridum*. *Schîr* enim (quod *Schêr* potius pronunciatur) propriè *Lac* Persis significat ; sed & pro quavis *lachryma* accipitur, vel *succo* per macerationem, vel exsudationem collecto, scil. sine coctione : sic *Tabaschîr*, (quod passim Interpretibus perperam *Spodium* vertitur, quem errorem

rectè ex Garcia ab Horto & Christ.  
à Costa notarunt alii quoque ) dicitur  
esse succus qui in cavitate arundinis  
Indicę reperitur, teste Ibn Beitar; qui  
à Garcia vocatur *Sacar Mambu*: ( Sed  
de hoc dicemus in Dissertatione de Sac-  
charo : ) Ita Numer. 6. 7. 3, in Persico  
M. S. nostro Exemplari legitur *Schîr-  
Ankûr*, pro eo quod in text. Hebr.  
dicitur *מִשְׁרַת עֲנָבִים* hoc est *made-  
factio uvarum*: In Arabico textu est  
*نكيج Nakijang*, quod vertitur à Clarissi-  
D. Golio in Lexico Arab. *Quicquid ma-  
ceratur de fructuum siccorum genere*, &  
*vinum ex maceratis uvis passis paratum,*  
*sine coctione*: *Choschk* autem vel *Chuschk*,  
*aridum, siccum* notat, ( ut Numer. 11.  
7. 6. ) Atque ita Ibn Beitar alicubi  
*Choschk-enkubin*, vocat *mel siccum seu*  
*aridum*, quod ex Persia affertur, simpli-  
ci melle calidius & siccus. Videtur er-  
go *Schîr-chost* denotare *succum ex plan-  
tis promanantem*, aut quomodocunque  
collectum, induratum, & quasi exicca-  
tum

*tum seu concretum* : quâ quidem vocabuli explicatione quamvis substantia rei seu consistentia utcunque declaratur; ipsa tamen genuina origo nonnumquam definitur, de qua in progressu. Ineptam ac planè commentitiam vocabuli *Siracost* interpretationem, quam Zacutus Lusitanus libr. 6. de Histor. Med. Princ. Hist. 8. confingit, lubens prætereo. Perperam quoque Illustris Salmasius in Solinum, derivat Persicum *Xirquest* (sic Barbari sæpe pronunciant) ἀπό τῆς ξηνείας Græcorum : omnia quippe Gummi genera Græcis ξηνεία dicuntur, inquit, (quasi medicamenta arida;) Solent utique Barbari Arabum Interpretes Literam Arabum vel Persarum *Schin*, quæ valet *Sch*, vel *Sj*, exprimere per *X*, quam Salmasius pro Græcorum ξ substitutam, malè existimat.

16. Congruit prædictæ nostræ explicationi quodammodò id quod tradit Garcias ab Horto, Pro-regis In-

## 14. DISSERTATIO

diæ Medicus, Arom. & simp. Medic. Histor. libr. 1. cap. 11. Ejus (Mannæ) tria agnoscimus hic (in India) genera; ex Provincia VZbeque deportata. Primum genus inquit, (quod diximus Persis Schir-choscht, vel propriè Sebîr-choscht appellari,) utribus conservatum, sapore favi mellis, Xirquest aut Xircast vocatur, id est, Lac ex arbore Quest, (ubi in pronuntiatione & in significatione est hallucinatus:) Rectè quidem, Xîr, inquit, Linguâ Persicâ Lac sonat; nos corrupto nomine Siracost nuncupamus. Est autem Ros quidam, inquit, in eas arbores delabens, aut gummi ex iis destillans.

17. Quòd si hoc primum genus Garciae verè lachryma quædam alicujus arboris habenda sit, seu Succus exsudans, ac non potiùs Ros ex aëre decidens, procul dubio erit Elaomeli de quo Dioscor. libr. 1. cap. 37. In Palmyremo Syrie tractu, inquit, quod Elaomeli vocant, ex quodam caudice manat, oleum crassius melle, sapore dulci: Id cyatbis duobus bi-

*bis bibitum, cum una aqua hemina, crudum biliosumque humorem alvo detrahit, inquit; (quod utique in Mannam similiter congruit.) Plinius libr. 15. cap. 37. Sponte nascitur in Syria maritima (κατὰ τὸ ἄλμυρον, veluti itidem legit Cornar. pro eo quod legitur apud Diosc. κατὰ θαλμυρον,) quod Elcomeli vocant: Manat ex arboribus pingue, crassius melle, resinâ tenuius, sapore dulci. Quid verò mirum talem lachrymam adeò inspissari, seu pingue illud melle crassius dici? cùm vinum Arcadium utribus inditum fumo adeò assiccari soleat, ut non nisi derafum bibatur, teste Arist. libr. 4. Meteor. cap. 10. Interim Hermolai Barbari Judicium probo, quò putat Elcomeli Dioscoridis idem esse quod nostrum Aëromeli seu Mel Aërium. Ut adeò & ipse Dioscorides pridem & Mannam, & ejus usum in Medicina, cognoverit; quamvis generationis rationem non habuerit exploratam; de qua videbimus inferius.*

18. *Alterum Genus Mannæ refert Garcias, dictum Tiriamiabin ut ait, seu Trungibim, ut vertit Bollunensis, inquit, (verùm corruptè pro Terengjubim,) in carduis nasci ferunt, inquit, granis quàm Coriandrum majoribus, colore inter rufum & rubentem (fortè legendum candicantem) medio, quæ ex tribulìs decutuntur. Vulgus planta fructum esse putavit; sed gummi aut resinam esse rescitum est.*

19. Si conferamus Serapionem de simpl. Medic. cap. 11, fortasse lucem pleniorẽ Garciz fœnerabimur: Sic autem refert Serapio ex Isaac Ibn Amram: *Tereniabin, inquit ejus Interpres, est ros cadens de cœlo, assimilatur mellè granuloso aggregato: & est nominatum mel roris. Plurimum quod de ipso cadit est super arbores, qui sunt in terra Choraseni in Oriente, quæ arbores habent folia similia (videtur hîc vocula deesse, fortè similia Erica, ut liquebit ex progressu,) & spinas inquit virides, & flores rubeos, & non*

*Et non faciunt fructum: Et cadit in castella super summitates palmorum, &c. Et plurimum quod de ipso cadit est super spinas supradictas.*

20. Pro spinis hisce, seu pivosis arboribus aut fruticibus (nam Schegjar & arborem & fruticem denotat, quin imò, omnem plantam, quæ truncum vel caulem habet,) accepit Garcias carduos & tribulos, ex dubio aliorum relatu: Ex iis verò granula roris concreta decutuntur, referente Garcîâ, non secus atque ex Galeno intelleximus superiùs, in Libano monte mel roscidum colligi, stratis coriis, & excussis arboribus, ut quod ab iis defluit excipiat. Vocatur verò *Terenkubîn* q. d. *recens mel*, hoc est granulatum adhuc, seu nondum in glebas compactum, aut recentem ex aëre delapsum, non priùs ab apibus collectum, unde & *aërium mel* recte vocari potest.

21. Quòd autem in nonnullis arboribus seu plantis in granula concre-

scat

scat potius, quàm super alias decidens, id utique mirum videri non debet; cum etiam Serapio simpl. Med. cap. 45. itemque Mesue libr. de Simpl. cap. 8. & Avicen. libr. 2. Can. cap. de Man-  
na, dicant *Mannam* virtutem assumere secundum diversitatem arborum super quas cadit: atqui non est eadem omnium arborum aut plantarum habitudo in primis & secundis qualitibus, unde nec æquè facillè condensatur in omnibus. Atque ita docet Matthiolus, in Diosc. lib. 1. cap. 73. nonnullas arborum species *Mannam* retinere, densare, ac cohibere; ex aliis verò arboribus eandem statim, *liquidi mellis instar*, defluere. *Mannam* utriusque consistentia è cælo demissam vidimus in Comitatu Gori-  
tensi, inquit Matthiol. cit. loc. univer-  
sque Foro-Julienſi agro, ac circumvicinis locis, Anno à Christo nato M. D. XLVI. Majo & Iunio mensibus: fuitque mihi am-  
barum colligendarum amplissima facultas. Equidem ea, quæ fici, fraxini, & orneo-  
glossi



glossi frondibus inhaeserat, gummi modo concreverat, colore candida: At quae super Amygdalo, Persica & quercus folia deciderat, mellis modo liquescens ab arbore deluebat, flavo colore. Quo factum est, ut facile crediderim quoddam non sui ipsius facultate gummi modo Manna concreverat, sed foliorum, in quibus delapsa recumbit.

22. Sed audiamus Avicennam, qui difficultatem hinc nobis plenius expediet: Is verò libr. 2. Canon. cap. de Terengjubîn (seu ut Interpres exprimit Tereniabin,) dicit quoddam sit Ros, qui plurimum cadit in regione Chorasân (id est in Parthia,) & locis ultra fluvium (Mavarâ an-nahr, id est, id quod est ultra fluvium, sic vocatur regio ultra Oxum,) & plurimum casus ejus in regione nostra, inquit, contingit super Al-Hbâgj: ubi perperam Interpres vertit super lapides. Est enim Al-Hbâgjo (pro quo Interpres legisse videtur Al-Hbagjer,) teste Ibn Beitare, planta quaedam spinosa, asparagi

asparagi sylvestris instar, quæ Syris & Egyptiis *Aâkoul*, dicitur; quamvis in Contin. Rhasis occurrat pro *Challengj*, quod Persis *Ericam* denotat: *Erica* tamen reverà non est, nec aliqua ejus species, teste eodem Ibn Beitare. Foliorum hujus *Al-Hhâzji* succus expressus, pro singulari caput purgio commendatur apud Avicennam lib. 3. sen. 1. tract. 2. cap. 14. ubi rursus Interpreter perperam vertit *expressionem foliorum Enula*. Neutiquam interim cum *Hhascha* Avicennæ, quæ *Thymum* denotat, confundi debet. Hæc ergo illa planta spinosa est, quam pro *Carduo* vel *Tribulo* accepit Garcias ab Horto ex aliorum relatu: Cujus utique vel gummi vel resina *Terengjubin* nequaquam est, (cùm ne quidem planta gummosa vel resinosa esse videatur;) sed super quam maximè *roris* instar decidit. In quo utique fides habenda Avicennæ, qui hoc frequenter in sua regione fieri testatur.

23. *Tertium genus Mannæ*, commemoratum à Garcia, magnis glebis adhibetur, inquit, admistis plerumque foliis. Calabrina persimilis est hac Manna, inquit, plurisque æstimatur: deferitur autem ex Bazora urbe Persica admodum celebri.

24. Hoc *Tertium genus* Garcie est *Man* seu *Manna*, propriè hoc nomine dicta Avicennæ, aliisque Arabibus: De qua Avicen. libr. 2. Canon. cap. de *Man*, ita habet: *Man* cadit super lapidem vel arborem, & est dulcis, & coagulatur in modum mellis, atque siccatur in siccitatem *Al-madsimugi*, (id est, ejus quod gummi vel resina in modum coagulatum est, *Dsamg* enim communiter & gummi & resinam significat,) veluti *Terengjubîn* inquit, & *Schîr-choscht*, & mel asportatum ex montibus *Kosîân* in deserto, (mel de terra *Cusuram* habet *Interpres*.)

25. Ejusmodi verò *Mel Kosrense*, cui hic *Mannam* assimilari ait Avicen. est quasi

quasi *Quartum genus Manna* : de quo Garcias ab Horto differit porro in hunc modum : *Advehitur interdum Goam in utribus aliud genus Mannæ, ex Ormuz Emporio, melli candido depurato per simile : sed faciliè corrumpitur in hac regione, propterea quòd vitreis lagenis non asservetur.*

26. De Melle equidem capite peculiari, dicto libr. 2. Canon. ait Avicenna, quòd sit Ros occultus, cadens super flores arborum, & super reliqua, quem colligunt apes; estque vapor, inquit, qui elevatur, & concoquitur in aëre, ac transmutatur, atque inspissatur de nocte, ac mellis instar decedit : Quandoque etiam cadit mel veluti quod est in montibus Kofrân, (quod quasi quartum genus Mannæ diximus :) Diversitatem verò habet pro ratione ejus super quod cadit, sive arbor, sive lapis sit : Quodque maximè ex illo manifestum est, id colligunt homines, (estque ipsum Manna;) quod verò occultum, id colligunt apes : puto autem, inquit, quòd labor apum in eo habeat aliquam

quam impressionem. Ex quibus liquet, Mellis ac Manna materiam secundum Avicennam unam eandemque esse; atque hoc inter utrumque intercedere discriminis, quod Mellis tenuior sit, magisque fugiat oculos, materia Manna spissior vel crassior sit, ac magis in oculos incurrat; quodque Mel colligatur ab apibus, atque ab hisce peculiari modo elaboretur, Manna ab hominibus colligatur. Sed de Manna ac Mellis materia plenius disquiremus inferius.

27. Liquet verò ex prædictis, Manna species diversas, nequaquam essentiali discrimine inter sese differre; nisi in quantum pro ratione ejus in quod decidunt, virtutem passim aliquam peculiarem adsciscunt: Est enim *Schirchoscht* sive *Xiracost* Manna compacta, ac succi inspissati instar in utres coagmentata, quæ ex liquido in iisdem coaluisse videtur; *Terengjabin* seu *Tereniabin* est Manna granosa collecta; seu ex granis, feminis coriandri ideam referen-

referentibus quodammodò, congesta; *Manna* propriè dicta, est *Manna* ex particulis minusculis, cujuscunque magnitudinis & figuræ, in glebas majores coagmentata, immixtis etiam passim foliolis, aliisve rebus, quibus dum colligeretur adhærescebat.

28. Ut ergo *Manna* est mel roscidum; ita *Mel* ipsum *Manna* videtur, apum labore in unum liquorem congesta atque elaborata: Quatenus verò *Mel* sensim inspissatur atque exiccatur, ita apprimè τὸ *Schîr-choscht* repræsentare videtur. Cùmque *Terengjubîn*, & *Manna* propriè dicta, nonnisi particularum magnitudine & figurâ, adeoque congestionis modo differant, promiscuè quandoque, etiam apud ipsos Arabes, pro uno eodemque sumuntur: Atque ita Rhazes ad Almanforem libr. 3. cap. 20. inter simplicia medicamenta solius *Terengjubîn* mentionem facit, neglectâ *Mannâ*; velut item *Averroës* Collig. libr. 5. cap. 55. inter ea medi-

ea medicamenta quorum vires Galeno incognitas fuisse ait, solum *Tereggubim*, idest *Terengjubin*, nominat, quam dicit esse ex speciebus antiquæ Mannæ, quæ ex partibus superioribus Syriæ & Indiæ affertur; Serapio verò de Simplic. cap. 11. dicit *Tereniabin* esse Mannam, quæ cadit ex aëre sicut cadit Manna.

29. Nihil hîc addam de *adulterina Manna specie*, cujus meminit Christoph. à Costa libr. Arom. & Medic. cap. de Manna, quam in Ormuz venalem conspici ait, atque in varias Indiæ Provincias deferri; constare autem glebis paulò majoribus quàm Calabrina, neque ita candicare: interim vehementer purgare, ac minoris pretii esse præ reliquis generibus. Compositionem ejus se didicisse ait à quodam Brachmane talem: *Amylum candidum & purissimum*, Mannam cujusque generis, sed præsertim quæ Calabrinam æmuletur, *Scammoneam*, & seminis genus *Visa* di-

B

tum,

*Etiam, quod ex Bengala advehitur, quod Latibridis grano simile est, (injecto interdum polline radicis cujusdam candida lactina, cui nomen Dante,) cum saccharo, pauxillaque aliqua odorata aqua permiscebat, folique exponebat.*

30. *Adulterari item saccharo & foliis Sena, inquit Mesue de Simpl. part. I. cap. 8. sed hæc, inquit, dum mollescit & liquefit, dolum prodit; adeoque ore volutâ, donec liquefcat proditur dolus, monente Lev. Lemnio Hebr. Biblic. Explicat. cap. 4. Aliud adulterina genus describit Lemn. cit. loc. in hunc modum: Colligunt nonnulli, inquit, circa alvearia, illaque loca in quibus apes mellificant, ac favum confingunt, excrementa quædam flavesciente colore, sapore melleo, quæ nonnulli existimant ex aëreo concretu coaluisse; quum nihil aliud sint, quàm excrementitius liquor & saliva, quæ à vespis, fucis, & culicibus prodit.*

31. Ap-



31. Apparet autem ex prædictis, hallucinatum esse Brassavolum, atque post hunc Costæum in Annot. ad dictum Caput Mesuæ, dum putant Tereniabin, idest Terengjubin, esse mel aëreum liquidum, seu non condensatum; Mannam verò esse idem aëreum mel in gummi, ac veluti grana quadam conglobatum. Certè tres prædictæ Mannæ species omnes condensatæ traduntur ab Arabibus, nulla liquida: ita superius §. 24. ex Avicenna retulimus, Mannam, propriè ita dictam, coagulari in modum mellis, atque siccare in siccitatem rei quæ in gummi vel resina spissitudinem abiit, sicut Terengjubin, inquit, & Schir-choscht: Manna itaque, Terengjubin, & Schir-choscht, quoad consistentiam, seu ratione liquiditatis & spissitudinis, nequaquam distinguuntur, cum nulla species describatur liquida; sed omnes instar gummi, seu instar succi inspissati, coagulatae.

32. Modus quidem consistentiæ, seu spissitudinis, diversus est; dum *Schir-choscht* consistentiam seu spissitudinem æquabilem habet, instar mellis duriusculi; *Terengjubin* spissitudinem granulofam; *Manna* propriè dicta inordinatam magis atque inæquabilem, intereaque in glebas compactam. Frustra autem vocum quarundam transpositionem in textu Avicennæ molitur *Costæus*, quòd ita in suum sensum torqueat Interpretem, ac soli *Mannæ* spissitudinem asserat; quamvis ne sic quidem quoad ipsum *Schirchost* se expediat, ut mox patebit: Certè transpositionem textus ipse genuinus Avicennæ non admittit. Et quòd tres prædictæ species ipsius *Mannæ* omnes coagulata sint, nulla liquida, ex iis quoque manifestum esse potest, quæ ex Garcia ab Horto allegavimus.

33. Interim non negamus *Mannam* quoque liquidam existere, si quando nondum in naturalem suam consistentiam

riam condensata est, (velut mel quoque initio, cum primum in cellulas est delatum ab apibus, instar aquæ dilutum existit, docente Arist.) vel quando à causa quacunque soluta est, seu coagulatio ipsa impedita; vel cum fortè est crudior, seu minùs in aëre excocta, & quasi nondum ad perfectam maturitatem redacta: Ita *Manna liquida* superiùs §. 21. mentionem ex observatione Matthioli fecimus; diximusque non super omnibus plantis ex æquo condensari, sed super nonnullis mellis instar diffluere: Tale item fuit *mel illud aëreum non condensatum*, quod Costæus se aliquando vidisse refert in Laudæ patriæ suæ agro, quod æstate calidissimâ, serenis noctibus, supra arbores & plantas universim omnes tam copiosè decidisse ait, ut à rusticis collectum ad Pharmacopæos sit delatum in Medicinæ usum: Tale etiam fuit, de quo Brassavolus, Pharmacopolam quendam (Ferrariæ, ut videtur,) emis-

à quodam Mauritano vas plenum cuiusdam Mannæ melli similis, quæ in Medicamentis non satis laudari potuit.

34. Verùm, quando medicamenta describunt Autores, ordinariè quidem describunt ea prout naturaliter se habent, vel habere debent; non prout per accidens quomodocunque sunt constituta: adeoque *Mannam* tradunt *condensatam*, non *liquidam*. Alioqui sanè ipsum quoque *Schirchoscht*, antequam in eam spissitudinem abit, quam tandem utribus aliquandiu contentum obtinet, liquidius procul dubio est, ac mellis fortè consistentiam habet, vel etiam melle liquidior: (quæ causa est cur in utres recondatur:) ut sanè potiori jure pro *liquida Manna* haberi mereretur, quum *Tereniabin*. Sed quid de *Schirchoscht* Brassavolus & Costæus? aut quomodo circa hanc speciem ex Avicenna se expedient? siquidem, secundum ipsos, reliquæ duæ species & *liquidam* & *spissam* consistentiam.

tiā absorbent; quid ergo inter hanc speciem & reliquas duas erit discriminis ?

35. De *Siracost*, inquit Costæus, & *Melle Cusuram*, quid certi dicamus planè non habemus: (nempe quia in prioribus lapsi sunt, confusione obortā in reliquo se expedire nequeunt.) Putamus tamen, inquit, *Mel ex Cusuram*, *Tereniabin* ipsum esse, quod ex *Cusuram* regione affertur. Atqui *Avicen.* disertè *Mel* illud *Kosorân* à tribus *Mannæ* generibus distinguit: Ac vero simile potius est, mel illud *Mannæ* assimilari, quòd spissitudinem habeat & *Siracost*; differre interim ab eodem, quod secus atque id ipsum, non ab hominibus, sed ab apibus sit congestum: à *Tereniabin* autem planè consistentiæ modo differre, cū *Tereniabin* sit *Manna granulata*, *Mel* autem consistentiam æquabilem obtineat. Prædicti mellis conditionem fortasse declarat id quod habet *Scal. Exercit.* 191. c. 1.

In Troglodytæ parte, quæ dicitur Belgada, mel candidum adeò, ut ne nivibus quidem cedat; durum verò, quasi lapis: Solidum etiam in Calicut, ita ut in sportis contineatur.

36. Similiter hallucinatus est Andr. Bellunensis, (vir sanè diligens, at qui tamen in castigationibus suis ad Gerhard. Cremonensis versionem, non raro ipse vel castigatione, vel explicatione opus habet,) dum in sua Arabicarum vocum Interpretatione *Siracost* dicit esse *Mannam quâ utamur Itali*. Si enim per *Mannam quâ utuntur Itali*, simpliciter intelligat *concretam*, seu *mel æreum conglobatum*, non *liquidum*, (ut Costæus ejus mentem accipit ac probat,) utique *Siracost* à reliquis *Mannæ* speciebus non distinguit, quos omnes *concretas* haberi Arabibus, ex prædictis liquet. Si fortè per *Siracost* intelligat *Mannam in glebas concretam*, qualis *Galabrina* esse solet, falsum dicit; cùm *Siracost* potius sit *instar mellis inspissati*:  
ut patet

ut patet ex antecedentibus. Cæterum *Italica Manna* non est uniusmodi, ut patebit in progressu.

37. *Missâ* itaque *Mannâ liquidâ*, cuius nullibi apud Arabes facta mentio, quòd nempe hæc ipsa sit *concreta* materia, seu potentiâ *concreta* sit; seu quod ex illa concreseat naturaliter ea quæ *Sjirchoscht* vocatur: (quamvis fortè non omnibus locis eandem spissitudinem consequatur, velut & mel;) *Sicca* quidem, seu *arida*, aut *concreta* potius, imprimis juxta Autores gemina statuitur: *Orientalis*, & *Europæa*: (quamvis nec desit *Americana* & *Africana*.)

38. *Orientalis*, seu ejus quæ ex Oriente petitur, duplex species statuitur Matthiolo: Prior *Mastichina*, quæ & *Granata* appellatur, nomine à Granorum mastiches similitudine sumptum: hæc præstantior censeretur: Estque verè ipsum *Terengjabin* Persarum vel Arabum: Altera *Bombycina*, quæ

viliior existit: estque hæc vel *Manna* propriè dicta, scil. in glebas compacta, floccorum lanæ & bombycis effigiem cohærentibus guttulis referens, ut nonnulli volunt; vel fortè sic dicta, quòd lanâ mundâ vel bombyce subjectâ arboribus, excipiat ac colligatur, ut patet ex Andernach, in dial. 5. com. 2. Vel sæpenumerò nihil aliud est, quàm aut evanida & senio exhausta mastichina; aut saccharo aliisque imposturis adulterata, quæ bombycè involuta, (quò ex Oriente allata certius credatur,) ab Impostoribus venditur.

39. *Europæa* varia est; primò prout variis in regionibus provenit: Non enim in Italia duntaxat reperitur; (ubi quidem maximus ejus quotannis proventus, præsertim in Calabria;) sed & Hispaniæ quibusdam in locis gignitur raris annis, teste Valles. Philos. Saceræ cap. 57. Exemi ego aliquando vulgare hoc *Manna* genus, aut *roscedum mel*,



*mel*, inquit Lev. Lemn. Herb. Bibl. Explic. cap. 3. ex plantarum foliis, quum antelucanis horis Academia Lovaniensis pomœria egressus, perquirendis herbis essem occupatus, desinente potissimum verè, aëre tranquillo & placido, nullisque ventis incitato. Ex *Europæo* genere interim *Italica* & præstantissima & frequentissima est.

40. *Duplicem* imprimis *Italia* profert *Mannam*, teste Costæo ad Mesuen: *Brigantiæ*, quæ ex Brigantio Gallia Transalpinæ oppido affertur, videturque ex Junipero & Pino colligi; Et *Calabrinam*, quæ denuò triplex: Optima habetur *frondea*, seu *de fronde* dicta, quæ & *foliorum Manna* cognominatur, ex Fraxini & Orni frondibus collecta, (quæ *Brigantina* similis est,) minutis granulis constans, translucida, candida, gravis, mastiches granis similis, gustu dulcis ac suavis; Similitudinem hæc habet cum Arabum *Teren-*

*gubîn*: Secundas partes vulgò tenet, quæ ramis atque arborum caudicibus infidet, *arborea* inde ac *truncea* appellata; tertias verò quæ herbis, lapidibus, & solo inhæret: utraque hæc *grossa* nominatur, quòd particulis consistent crassioribus, sitque colore minus syncero: In glebas verò compacta utraque, *Manna* propriè dictæ appellationem sortitur. *Arborea* rursus gemina traditur: vel enim *sponte* dicitur promanare; vel è vulnerata arbore promanare, quæ *forzata* nuncupatur. Sed de Ortu & præstantia pluribus dicetur inferiùs.

41. Ex *Calabriensi* in genere ea præstantissima confetur, quæ ex Oenotriæ quodam loco, in quem singulis æstatibus descendit, & ab omnibus excerpitur, defertur, docente Ant. Musa Brassavol. in Examin. Simplic. Notatu verò dignum est, quod refert Brassavol. in Examin Succ. concret. Narrasse sibi Sereniss. Isabellam Reginam,

ginam, Frederici Neapolitani Regis conjugem, hunc locum à Regibus Neopolitanis olim occlusum fuisse, ne quis sine vestigali assumeret; Occluso loco desiisse Mannam, nec descendisse: Eo recluso, & vestigali remoto, iterum descendere cæpisse: Sed rursus clauso & recluso, & postea clauso cessasse: ita ut Reges postea liberum locum reliquerint, & omnibus colligere permiserint: (conf. Jonston. Admir. meteor. cap. 10.) Idem scribitur de Tragafæo Sale in Epiro, cui cum vestigal injunxisset Lyfimachus, evanuit; mox dempto, succrevit. Cælar. Rhodig. libr. 9. cap. 12.

42. Circa *materiam Manne*, ejusque *rationem ortus* seu *genesin*, dubium est. Illam nos quidem statuimus halitum terrestrem, tenui vaporique aëreo commixtum, calore Solis diurno sublevatum, ac contemperatum, tranquillo itidem calidoque aëre coalitui implicito excoctum atque elaboratum, æ-

subsequentis noctis frigore condensatum concretumque, ut gravitate sua decidens subjectis rebus adhærescat : sicque verè *ex Rore* quodam gigni *Mannam* asserimus. An verò & alia insuper sit *materia* aliaque diversa *ratio ortus*, in progressu disquiremus

43. Quòd saltem *Manna materia* sit ea quam diximus; ac *ratio ortus*, ut diximus, se habeat, hinc colligi potest; tum, quòd non nisi æstivo tempore, ubi calor diurnus ferventissimus est, & noctes sequentes frigidiores, *Manna* reperiatur; tum quòd non nisi iis in locis proveniat, ubi Solis æstus intensior est: quamvis etiam peculiarem terræ, locorum, & aquarum, conditionem conspirare rationi sit consentaneum.

44. Quamvis enim id omne, quod ex hoc inferiori globo, Solis actione, in superiorem regionem exhalat, *fumi* seu *halitus* & *vaporis* nomine indigitetur ab Arist. 1. meteor. cap. 7. *Halitus* tamen

tamen illi & *vapores*, cùm mixta sint corpuscula, ( nequaquam pura terra vel aqua, ) qualitates mixtorum, unde educta sunt, participant, sapes, materiæ modum, virtutes, &c. In quibus ergo regionibus terra, atque ea quæ ex terra succrescunt, ita sunt disposita, ut ex iis copiosi halitus dulces, oleosi, ad naturam Mannæ vergentes, elici queant, calore solis ferventiore accedente, qui eos sufficienter eliciat & extollat, aëreque ipso convenientem dispositionem obtinente, ut commodè digeratur materia, elaboretur, coquatur, tandemque noctis frigore condensetur, ac roris instar decadat, ibidem major copia Mannæ produci-  
tur.

45. Quin &, prout ille *halitus* vel magis tenuium, vel magis crassarum partium est, sive ratione materiæ ipsius, sive ob intensiorem aut defectum æstus solaris, materiam elicientis atque eventis, ita vel magis generandæ

nerandæ *Manna*, vel producendo *Melli* aptus est, Hinc in Lithuania, Livonia, vicinisque locis, magnus quidem *Mellis* proventus est, at *Manna* non item. Similiter non idem anni tempus æquè utrique aptum: Ver namque & Autumnus magis *Melli* conficiendo inserviunt; æstas magis *Manna*.

46: Sed dictæ sententiæ refragatur Costæus, Annot. ad Mesuen, existimans, unâ exceptâ Orientali Mannâ, nullam ex rore genitam ad nos afferri; Ac Donatus Altimarus libell. de viribus & different. Mannæ, non modò ex rore generari Mannam censet, sed ex plantis quoque eam promanare; quin &, vulgatæ Mannæ speciem nullam ex rore procreari, neque Calabram, neque Brigantinam; sed gummi, seu succum potiùs quendam esse, ex quarundam arborum frondibus, ramis, & caudice resudantem, in Calabria quidem & Apulia Fraxini & Orni, in Brigantio Juniperi & Pinus: de Quer-

de Quercubus annosis in Calabria, & ficubus, idem alii asserunt. Si apud Brigantinos, inquit Zacutus Lusitanus, ex Altimari persuasione, aut in Neapolitano regno, has arbores cultro incidas, succus aliarum lachrymarum more distillabit: Denique sicuturis Manna, inquit, ex thuriferis arboribus, non secus ac mastiche ex mastichinis, & myrrha ex myrrhatis, per poros arborum, à quibus progignitur resudat, sicut in Libano, & dictis regionibus præcipue, coalescit Manna gummi modo.

47. Secutus fuit in hac opinione Donatus Monachos illos, qui in Mesuen Commentarios scriplere, teste Matthiol. in Diosc. libr. 1. cap. 73. Hosce namque pro certo asserere ait, Sirio ardente Mannam non solum Roris modò super arborum & herbarum folia reperiri, aëris & cœli clementiâ, sed etiam ab arboribus, fraxino scilicet & Orneoglossò, absque aliquo cœli

cœli rore, gummi in modum, incise earum cortice, in lachrymas concrefcere. Quam quidem Monachorum sententiam non admittendam, sed potius explodendam cenfet Matthiolus, ut à rei natura, tum à ratione & à veritate abhorrentem.

48. Quippe, non modò ipsemet Matthiolus vidit ac collegit, in Comitatu Goritiensi, Mannam super varias arbores è cœlo demiffam, tum liquidam tum spiffam (qualis etiam ceciderat in agro Forojulienfi ac circumvicinis locis,) ut in præcedentibus citavimus; sed eandem quoque in agro Tridentino, in Ananienfibus montibus, cecidiffe è cœlo admodum copiofam, præfertim super Lariceas arbores, teftimonio Clariff. Medici Julii Alexandrini, & Petri Spozzalancii Pharmacopæi Ananienfis, (à quo & portionem ad fe miffam refert,) confirmat.

49. Ne quis verò exiftimet, hanc Mannam, quam ex Lariceis foliis legerant



rant Ananienses, è Larice ipsa exsudasse, testatur eandem nihil prorsus resinosi resipuisse: Quin etiam, eandem non solum in arborum foliis observatam fuisse, sed etiam in pratis: adeo ut fænificæ præ Manna à Sole dissoluta falces ab herbis nequiverint explicare. Et quid verò dicent de Manna illa, quæ non modò in herbas, sed & super saxa ac terram ipsam decidere deprehenditur?

L. Ingenue quidem Costæus: De Grossa, inquit, quam ex terra, saxisque & herbis colligunt, quid dicam non habeo; qui nondum pro certo habeam, inquit, an sub fraxino tantum, & orno, vel aperto etiam cælo, colligatur: Quod utique posterius evidentissima testimonia probant. Ac constat ex Plinio, in præcedentibus allegato, eos, qui matutino sub dio versantur, *unctas liquore vestes, capillumque concretum sentire*. Et quid ni naturalis illa causa, quæ, ut roris instar Manna defluat in

in Oriente efficit, æquè in Italia, aut aliis locis calidioribus, posset locum invenire; siquidem ex alia saltem quacunque causa Mannam ibidem provenire non dubitatur? Vel an quæ ratio commoda occurrit, cur sola *Orientalis Manna* sit pro *roscido melle* habenda; *Italica* verò omnis non nisi *promanans de caudice liquor* statuenda.

51. Quòd si contingat ex arboribus quibusdam, cortice inciso, Mannam exsudare; id non secundum naturam, sed ex accidenti contingere, judicat Matthiolus. Quæ enim Manna inciso Arborum cortice, in Apulia & Calabriensi agro, canicularibus diebus, collacrymare deprehenditur, eam nequaquam plantæ ipsius liquorem esse statuit; sed ipsam eandem Mannam, quæ diebus superioribus easdem in arbores ab aëre deciderat: Nam, inquit, cum illis regionibus usu veniat, ut præcæteris prædictæ arbores, (nempe Fraxinus & Ornus,) mellifluo rore affatim

affatim abundeque madescant, fitque cortex Solis ardore nimio sitiens, ac rimosus, magnam liquoris quantitatem intra se absorbet: Quo fit, ut postmodum, exurente caniculâ, inciso eodem corrice, idem liquor exiliat, & in grumos concreascit: qui tamen cum leves fungosique sunt, inquit, ob arboris succi mixtionem, infeliciter operantur, nec alterius Mannæ viribus correspondent.

§ 2. Sed prædictæ de *Manna materia* sententiæ, quæ ex melleo rore coagulari statuitur, sequentia incommoda, ab Altimaro ac Costæo mota, ob stare videntur. 1. Si ex rore, frigoris nocturni vi condensato, gignitur Manna, calore vicissim dissolvetur: quæ enim frigore condensantur, calore solvuntur: At Manna vulgaris, etiam frondea, calore densatur magis, ac non nisi liquore aliquo dissolvitur, quod argumento est, à siccitate, non à frigore concretam esse.

53. II. Cùm

53. II. Cùm in eodem tractatu plures diversorum generum sint arbores, quæ sit quòd non nisi ex certis duntaxat, (v. g. in Calabria & Apulia ex Fraxino & Orno; in Brigantio ex Junipero & Pino,) colligatur? nec iis quidem omnibus, sed nonnullis tantum? nisi ex illis ipsis arboribus potius exsudare Manna credenda sit. III. Imò, obiectâ interdum vesperi Fraxino & Orno linteis, ut ros admitti nequeat, deprehenditur tamen manè frondibus similiter Manna insidere, ut antè; atqui hujus ex rore ortum esse nemo dixerit.

54. Respondemus ad *Primum*: Reverà ordinariè quidem Solis orientis calore iterum dissolvi Mannam: unde antelucanis temporibus colligi debet, ne evanescat: Id autem non minùs de Italica Manna verum esse quàm de Orientali, liquere potest ex eo quod refert Matthiolus in Diosc. lib. I. c. 73. *Cossentia*, inquit, quæ est Calabriae civitas,

civitas, mihi facta fuit copia Mannæ, quæ nocte peractâ à cœlo deciderat super fraxineis frondibus, quæ Julapii perfectè cocti guttas prorsus referebat: *Accepi inibi ab incolis*, inquit, *quodd hæc manè legitur, priusquam Sol exortus admodum excalfaciat: namque postea Sole liquefacta absorptaque faciliè evanescit: Quapropter plerique (us à nonnullis audi- vi, ) ubi in magna deciderit copia, summo manè arborum ramos præscindunt, & in opacis collocant, ubi concretam majori com- modo legunt. Hinc Jonston. Admir. Me- teor. cap. 10. Liquefcit omne Manna So- le, inquit, etiam Orientale, nisi præve- niatur.*

55. Cur verò Manna collectum, & affervatum aliquandiu, non simili- ter calore dissolvatur, ( præterquam quòd collectio ipsa & agitatio, parti- cularum situm mutet utcunque, ipsam- que materiam compingat, adeoque resolutioni promptiori quodammodò officiat, ) hæc causa reddi potest, quod

ex

ex collecto Manna tenuior vapor sensim exhalârit, ac particulæ terrestres, quæ plurimæ insunt, aëream implicantes materiam, arctius inter se coe-runt, unde non nisi affuso humido lique-scit.

56. Ita multa alia in natura reperiuntur, quæ moderato ac tepido calore, dum fortè tenuiores particulæ subsunt, aut crassæ nondum satis compactæ sunt, seu tota substantia minùs etiamnum coagulata est, facile solvuntur & lique-scunt; at quæ vel forti & urenti calori exposita, vel sensim resolutis particulis tenuioribus, vel etiam fortè nullâ factâ evaporatione sensibili, solâ vi frigoris, indurantur planè ac quasi exiccantur, ita ut substantia eorundem consistens, indurata, ac quasi arefacta, non ampliùs simplici calore resolvatur, ut in *resina*, & omni genere *gunni* videre est.

57. Simili ratione contingere potest, ut non nihil Mannæ, in quo particulæ

ticulæ terrestres coëerunt inter sese arctius, atque cohærent tenacius, seu cuius substantia fortè vehementius concreta est, (præsertim cum fervidiore Solis æstu plus terrestris materiæ in altum fuit elevatum, idemque magis excoctum,) non illicò orto Sole dissolvatur, quod & interdium colligi possit: (velut procul dubio apes nonnihil mellis residui, ex nocturno rore, inveniunt interdium, quamvis id ipsum minùs in oculos incurrat :) Ut adeò verum esse queat, quod urget Costæus ex Donato Altimaro, non tantùm ante Solis ortum, sed etiam meridie summâ, & sub Canis æstu ac siccitate, Mannam colligi: Parum tamen utique hoc fuerit; plurimùmque, nisi ante Solis ortum fuerit collectum, tepido Solis calore evanescit.

58. Ad *Secundum* dicimus: Nec in Oriente quidem, ubi Mannam ex rore etiam gigni largiuntur, (quod apud omnes extra controversiam est,) pro-

C

miscuè

miscuè reperitur Manna super plantis quibusvis : Ita namque diximus ex Avicenna *Terengjabin* potissimum colligi ex planta quadam *Al-Hhâj* dicta. Quæ fortè causa est, cur etiam in Oriente quibusdam vel *resina* vel *gumi* esse credatur, quod item *Garcia* ab Horto persuasum fuisse ex relatu aliorum, superius intelleximus.

59. Cur autem non nisi ex certis quibusdam arboribus colligatur, causam esse putat *Matthiol.* earundem arborum occultam quandam facultatem, velut magnetis ad ferrum, & succini ad paleas : nos verò censemus, ex peculiari arborum seu plantarum dispositione, tum quoad primas tum quoad secundas qualitates, pendere, cur potius in hac arbore vel planta concreseat ros ille, seu densetur ac cohibeatur; in alia diffluat, vel absorbeatur, idque vel profundius, subeundo lignum ipsum, vel minùs profundè, corticem duntaxat penetrando, unde



unde quandoque factâ incisione denudò promanare cernatur. Atque ita sanè observamus quotidie, non in omni subjecto ex æquo rorem vulgarem vel pruina repræsentari: dum corpora alia materiam ipsam imbibunt, alia eandem sustinent; in aliis subjectis ros guttatim collectus conspicitur, in aliis diffusus diffluit.

60. *Ad Tertium*: Si verum est quod hîc dicitur, censemus fieri posse, ut quandoque roscidus ille succus, seu melleus liquor, quem cortex calore Solis rarefactus, porosusque, ac quasi rimosus redditus, præcedentibus noctibus copiosè imbibit, vel ad lignum usque transmisit, aliâ nocte forsan, factâ vi frigoris nocturni condensatione ac constrictione circa arborem, per corticis quosdam poros ampliores denudò exprimatur. Veruntamen, quod hac ratione promanat, id procul dubio saporem æmulatur ejus plantæ unde promanat: ut adeò, si quid eâ ratione

promanet v. g. à Larice, id resinofum quid sapere deprehendatur; quod tamen in Manna ex similibus plantis collecto non deprehenditur.

61. Et quamvis etiam absurdum non fit, è quibusdam plantarum generibus nonnihil succi terrestris, qui à plantis ipsis è terra sit attractus, atque per ipsarum substantiam distributus, ibidemque coctus & elaboratus in *melleum liquorem*, per corticem earundem quandoque posse exsudare, ut ita promanans mox gummi instar concreascit; Verisimile tamen omnino est, ejusmodi *succum melleum* è planta quacunque quæ per se ingrati saporis sit, atque aliena à dulcedine, nequaquam posse exudare: Ut adeò ex Larice v. g. non magis queat tali modo promanare Manna; quàm colligi queant uvæ à spinis, aut ficus à tribulis: Cùmque cæteræ arbores, ex quibus communissimè Manna colligitur, nempe *Fraxinus*, *Ornus*, *Iuniperus*, *Pinus*, &c. suâ naturâ

naturâ mellistruæ nequaquam deprehendantur; verisimile unque est, ex ipsis illis arboribus *Manna* illud; quod super easdem colligitur, non promanasse magis, quam mastiche ex quercu, e junipero thus, e pino myrrha exsudare deprehenditur.

62. Cæterum, rationi omnino consentaneum est, plantas ipsas quoque aliquid *mellei succi* e terra allicere, aut intra sui substantiam (pro ratione mutationis ac coctionis quam subit in iis succus) nonnihil q. *mellis* conficere & elaborare, alias quidem copiâ majori, ac qualitate seu dulcedine meliori, aliâs copiâ minori, ac qualitate deteriori. Ita *Arundines sacchariferae* quoddam quasi *mel* copiosissime proferunt, dum succum e terra alliciunt, alterant, commutant, perficiunt, & coquunt: *Sacchari* enim & *Mellis* magna affinitas est; ita ut dulcis ille liquor, qui in *Arundine Saccharifera* reperitur, *Arabibus Asl-Al-Khadib*, *mel arundinum* di-

catur; ipseque Diosc. libr. 2. cap. 104. *Saccharum* esse quoddam mellis concreti genus asserat. Attamen super *Arundine* *Manna* colligi genuinum, non admiserim; nec *Saccharum Antiquorum*, quod apud Indos super folia *Arundinum* invenitur, ipsum *Manna* esse concesserim.

63. Et siquidem verum sit id, quod de suo *Elæomelite* refert Diosc. nempe hunc *succum melleum* ex arborum caudice manare; verè erit *Manna* genus, à melleo rore, seu melle aërio diversum: At cum nostrâ ætate, (quâ magis quam olim terrarum orbis est perlustratus,) id genus arborum, è quarum caudice *Elæomeli* promanet, nondum sit cognitum, pro *Æromelite* seu *roscida melle*, illum dulcem spissumque Dioscoridis liquorem accipimus: Nec admittimus correctionem Salmasii, qui existimans Dioscoridem ignorâsse quid esset propriè *Ελαϊόμηλι*, & unde nasceretur, vult Dioscoridem debuisse dicere,

cere, *Mel esse instar olei liquidius*, quod ipse *liquidam Mannam* interpretatur; sed æquè dubium relinquit quid propriè illa *liquida Manna* sit, & unde nascatur.

64. Ex demonstrata vero *Manna materia ac genesi*, liquet omninò erroneam esse sententiam illam Christoph. à Vega, lib. 2. de art. med. l. 3. c. 11. quâ putat *Manna* parvarum quarundam apum, culicibus crassis similium, opus esse, à quibus gregatim arboribus insidentibus, guttatim, quasi sudor, *Manna* defluat. Cui rectè reponit Senn. Phys. lib. 4. cap. 8. Verisimilius esse, animalcula hæc potiùs allici *Mannæ* dulcedine, quàm id efficere.

65. Notum utique est, insecta varia etiam Apum laboribus insidiari, atque mella avidè appetere: qua de causa Apes in Republica sua etiam huic muneri Cives nonnullos destinatos habent, quæ ad ejusmodi insidias attendant, atque prædones arceant: quod à Virgilio insinuat Georg. libr. 4.

— Pars intra septa domo-  
rum

*Prima favis ponunt fundamina ;  
deinde tenaces*

*Suspendunt ceras : alia spem gentis  
adultos*

*Educunt foetus : alia purissima  
mella*

*Stipant , & liquido distendunt  
nectare cellas.*

*Aut onera accipiunt venientium :  
aut agmine facto*

*Ignavum fucos pecus à praesepibus  
arcent.*

66. Liquet item , quid sentiendum sit de illis opinionibus , quas proponit Plin. libr. II. cap. 12. dubitans an *Mel roscidum* ( quod quatenus conspicuum colligitur ab Hominibus , *Mannam* esse ac vocari diximus ex Avicen. quatenus ab Apibus , *Mel Apum* evadere ; ) an illud , inquam , sit *Caeli sudor* , sive quædam *Siderum saliva* , sive *purgantis se aëris succus* ? Tertia quidem hæc

hæc opinio admitti posset, si illi aëris succo, non ex ipso aëre, vel sublimiori regione; sed è terra & aquis, originem tribuere, Plinio non invito, liceret.

67. At à Cœlo sublimiore, seu Æthere, ipsi originem arcessere Plinius ipse videtur; dum inquit: *Vinam esset & purus ac liquidus, & sue naturæ, qualis defuit primò; Nunc verò è rama cadens altitudine, multumque dum venit fordescens, & obvio terræ halitu infectus; præterea è fronde ac pabulis potus, & in uterculos congestus apum;* (ore enim vomunt,) *ad hæc succo florum corruptus, & alveis maceratus, totiesque mutatus, magnam tamen cœlestis naturæ voluptatem affert.* Sed suam Plinio sententiam relinquimus.

68. Id verò dignum est pleniori consideratione; An mellis propriè dicti, & Manna, planè eadem sit substantia? Quod ipsum colligendum videtur tum ex Plinio; tum ex Avicenna superiùs allegato; velut item

ex Gal. 3. facult. alim. cap. 36. Equidem, quatenus *melleus* ille *ros*, partim inspissatus, ac visibilior redditus, super herbas, frondes, arbores, saxa, aliave subjecta, colligitur ab Homini- bus, ac *Manna* vocatur; partim imbibitur ab ipsis plantis, aut invisibiliter iisdem adhærescens, colligitur ab *Api- bus*, atque in alveolos reconditur, ubi tandem *Mel* propriè vocatur: eate- nus utique una utriusque & *Mannæ* & *Mellis* materia existit: Nisi quòd *Man- na substantia* crassarum magis existat partium; *Mellis substantia* verò partium magis tenuium, ac fortè ipsarum plan- tarum, quibus inhæsit, qualitatibus magis imbuta.

69. Hoc insuper intercedit discrimi- nis, quòd *Mel* in cellulas relatum ab apibus, initio non modò ut aqua dilutum existat, sed & primis diebus ferveat, ut mustum, seque purget, tandemque crassecat circa vigesimum diem, moxque obducatur tenui mem- branâ,



branâ, quæ fervoris ipsius spumâ concrescit, docente Plinio lib. 11. cap. 13. & Arist. 5. histor. anim. cap. 22. secus atque in *Manna* contingit.

70. Huc accedit, quod & Apes ipsæ peculiarem quandam in *Mel* impressionem faciant, hoc est, substantiam ejus à *Mannæ* substantia quodammodo distinctam reddant, peculiari eam imbuendo qualitate, ut ex Avic. docuimus. Præterea, non id solum colligunt apes, quod ex aëre delapsum est, atque ita à plantis, in quas incidit, imbibitum, ipsisque plantis vel floribus invisibiliter adhærescit; sed & multum, ejus quod plantæ ipsæmet, vi radiorum solarium calefactæ, rarefactæ, è terra eliciunt, digerunt, coquunt, temperant, ac per sui substantiam diffundunt.

71. Nempe, *liquorem dulcem* seu *melleum*, quem plantæ variæ suscipiunt è terra, atque vi propriæ substantiæ elaborant & perficiunt, vi radiorum solarium

rium ad extremas earundem partes (quales imprimis sunt flores,) eve-ctum, atque ita per longas ambages perfectè excolatum & excoctum; apes passim eliciunt ac colligunt longè puriorem, magisque exutum alieno sapore, seu ab heterogeneis plantæ succique alieni partibus separatum, quàm vel sponte vi æstus solaris is unquam emanaret, vel arte elici aut exprimi posset: ac optimum quidem colligunt eundem, ubi optimorum doliolis florum est conditus, ut loquitur Plin. cit. loc. Quamvis Arist. lib. 5. Hist. anim. cap. 22. Favos ex floribus apes conficere, tradat; mel non facere, sed purum putumque afferre sicut è cælo defluxit: Quo respicit Seneca Epist. 85.

72. Interea, veluti nequaquam ex omnibus plantis, vel floribus quibusvis promiscuè, mella apes proliciunt; sic neque simpliciter purum mel eliciunt è floribus appropriatis, sed plantæ suæ utcunque redolens condicio-  
nem

nem ac qualitatem : Hinc neque ex omnibus plantis vel floribus ex quibus mel apes eliciunt, æquè dulce, vel probum, vel salubre, colligunt : Videlicet, Ericæ flore, dum utuntur apes, minimè probatum mel efficiunt, teste Diosc. libr. 1. cap. 117. Similiter de alijs.

73. Ex hisce verò liquet, non omne Mel; quod ab Apibus colligitur, ex aëre decidere; sed copiosam illius materiam è terra suppeditari, atque allici à plantis, in iisque vi Solis elaborari ac coqui. Id verò vel inde quoque colligi potest, quòd cum tempestivos imbres serena cœli constitutio sequitur, plurimum mellis gignatur: imbre nimirum succum & materiam plantis è terra suppeditante; Sole verò eundem in dulcem liquorem excoquente.

74. Quamvis itaque magna quidem Mellis portio, ejusdem sit cum Manna substantiæ; magna tamen itidem ejusdem portio plurimum à Manna diver-

sa est: Ut adeò si *Mel* totum spectetur, prout jam confectum ab Apibus, atque in alvearia reconditum, plurimum id ipsum à *Manna* quoad substantiam differre statuendum sit.

75. Hanc verò substantiæ utriusque diversitatem arguunt ea quæ notavit Valer. Cordus in Annotat. ad Diosc. libr. 2. cap. 104. Nempe, 1. *Mel apum* semper, quocunque Veris & Æstatis tempore, in floribus reperitur; at *ros melleus*, seu *Manna*, non semper, sed rarissimè decedit. 2. *Mel apum* tam noctu quàm interdiu in floribus reperitur; at *melleus ros* non nisi tempore matutino. 3. *Mellis apum* circa meridiem plurimum in floribus deprehenditur; at *melleus ros* incalcescente Sole statim perit. 4. *Mel apum* dum in floribus continetur semper est liquidum; at *ros melleus* ut plurimum reperitur concretus. 5. *Mel apum* continetur in floribus; at *ros melleus* super folia plantarum decedit. 6. *Mel apum* non modò per se  
longam

longam vetustatem ferre potest; sed & alia multa in multos annos conservat: at *ros melleus* plurimum per se vix in unum aut alterum annum durare potest, nedum alia à corruptione tueri.

7. In Septentrione maxima *mellis* est copia, v. g. in Lithuania, Livonia, & vicinis regionibus, in quibus tamen rarissimè *rores mellei* conspiciuntur. 8. Si *ros melleus* esset *mellis* materia, seu eadem utriusque substantia, utique *mel* apes colligerent ex foliis potius totaque planta, quàm ex solis floribus; atqui ex hisce imprimis, & quidem ex horum intimis penetralibus *mel* colligunt apes. 9. Hoc addi potest, *mellito rore* delectari apes ut eo nutriantur, non ut exinde *mel* recondant: Hinc Rusticis notum, *mellitos rores* bonum pastum apibus præbere, sed ad mellificationem non conferre. Sed hæc de *Mellis* ac *Manna* differentia.

76. Alia hic Quæstio occurrit; à multis agitata, *An Manna Israëlitarum*

rum (quo ceu cibo quadraginta annos  
in deserto sunt nutriti Exod. 16. Nu-  
mer. 11.) eadem sit cum nostra Manna,  
quâ utimur in Medicina? Affirmat id  
ipsum Fr. Vales. Philos. sacræ cap. 57.  
Levin. Lemnius Herb. Bibl. Explic.  
c. 3. Ac Joh. Franc. Picus, mirandulæ  
Comes, elegantibus hisce versibus:

---

Nu-  
bes

Sed placidum rorem verno lique-  
facta tepore

Gignit, si pulsus nebulis Nox ipsa  
refulsit.

Hæc etiam semen Coriandri imi-  
tata rotundum

Cogitur, & rami frondosa stirpis  
adharere:

Flavam corporibus bilem eductu-  
ra. Sed olim,

Dum Iudæa cohors sitientibus exul  
arenis

Degeret, in pastum cecidit divi-  
nus: Inde

Antonini

*Attoniti Patres, MAN HU,  
dixêre vetustî.*

77. Equidem describitur Manna  
Israëliitarum Exod. 16. in hunc mo-  
dum: *¶. 14. Manè fuit stratus Ros circa  
ipsa castra: ¶. 15. Quumque se elevasset  
stratus ille ros, ecce in superficie deserti mi-  
nutum quid rotundum, minutum, sicut prui-  
na super terram. ¶. 16. Quod videntes  
filii Israëlis dicebant alter alteri MAN HU  
(quid hoc est?) non enim sciebant quid  
esset. ¶. 22. Colligebant illud quovis mane;  
nam incalescente Sole liquecebat. ¶. 31.  
Vocavit autem domus Israël nomen ejus  
MAN: quod erat quasi semen Coriandri,  
album; & ejus sapor velut placenta ex  
farina cum melle. Num. II. *¶. 7. Man  
autem ut semen Coriandri erat; & color  
(seu intuitus) ejus, ut color (seu intui-  
tus) Bedolah.**

78. Nempe Manna nocturno tem-  
pore cœlitus delapsum in terram, pro-  
cul dubio partium erat magnitudine ac  
colore differentium; ut aliæ particulæ  
minores

minores essent, aliæ paulò majores; rursus nonnullæ pruinæ instar, minutissimis particulis striatæ ac squamosæ, per terram stratæ, aliæ conglobatæ, figurâ ac magnitudine semini Coriandri similes; quin & nonnullæ colore albicantes, aliæ forsan subflavæ: Hinc quæ tenuiores erant, facillimè solvebantur in halitus, atque toris instar elevabantur, nisi summo manè, antequam radii solares perstringerent Horizontem, colligerentur; quæ majores erant, ac formâ & magnitudine Coriandri semen referebant, duriusculæ, durabant paulò diutius, at nisi & ipsæ tamen ad auroram legerentur ocysus, facillè solis tepore liquecebant, atque evolabant; collectæ verò, mox gummi vel resinæ instar indurescebant, ut teri possent, atque in panes concinnari.

79. Quæ sanè si conferantur cum superius declaratis; apparet *Mannam*, quo pasti sunt Filii Israël in deserto, non



non malè convenire cum *Manna* nostra: Planèque eidem congruit *descriptio Manna* apud Mesuen de simp. Med. part. 1. cap. 8. quæ ita habet: *Manna est ros, cadens super quasdam plantas ac lapides, &c.* (similiter super terram:) *Diversificatur autem secundum diversitates rerum super quas cadit: cadens enim super lapides, est sicut gutta parva, quæ congelantur, (hoc est, secundum textum sacrum, minutum rotundum quid, concretum sicut pruina; ) & fiunt sicut semen (ut semen Coriandri inquit Scriptura, quod ipsum quoque in virente etiamnum & germinante herba album est, tersum, politum, perfectæ figuræ sphaericæ, ) &c.* Ex ea qua cadit super lapides melior est qua est sicut semen album, inquit Mesue, (quod est quasi semen Coriandri, album, dicitur Exod. v. 31.) post illam verò in bonitate est, qua est subcitrina, dicente Mesue, (hoc est, cujus color ut color bdellii: sic enim vocab. *Bedolah* vertitur à Tremell. & Junio.)

Nec

Nec Sapor ipse quoque nostræ Mannæ malè congruit: Reverà enim est *Manna cruda sapor*, ac si farinæ purissimæ seu amyli quippiam in pultriculam esset cum melle permixtum: *irita* verò ac *contusa coctaque & igne parata*, saporem panis oleati referebat: Numer. 11. 8. 8.

80. Notandum circa vocabulum *Bedolah*, cui intuitu externo seu colore comparatur *Manna* Numer. 11. 8. 7. verti id quidem à Tremell. & Junio *Bdellium* (quod gummi genus *subflavescentis* est coloris;) at idem dubium seu obscurum haberi ab Interpretibus Belgis, qui ideo vocabulum Hebræum servare maluerunt: Idem occurrit Genes. 2. v. 12. ubi conjungitur cum *Sardonyce Lapide*; ut adeo illic pretiosum aliquem lapidem, aut simile quid, denotare videatur: Utrobique in Persico nostro Pentateucho M. S. redditur *Bolour*, quod *Crystallum* denotat: similiter Rabbi Salomo Jarch. Numer. 11. *Crystallum* reddit: quæ equi-

equidem interpretatio non male ipsi Manne in comparatione externi intuitus congruere videtur, cum optima Manna, Massichina seu Granata dicta, albicans ac quodammodo pellucida existat, ut ex præcedentibus liquet.

81. Sed occurrit difficultas, quâ ratione Manna nostra, quæ Medicina est solutiva, pro cibo esse potuerit Israëlitis? quâ ratione factum, inquam, ut tali cibo continuè usurpato, corpora non planè laxarentur ac dissolverentur? An verò miraculum potius in eo statuendum, quòd Deus ex Medicina laxativa commodum cibum constituerit, quàm quòd cibum, qui non reperiebatur in deserto, supernaturali ratione suppeditaverit?

82. Respondemus, qualitatem ac naturam hujusce cibi satis ab ipsismet Israëlitis esse proditam, quando Numer. 21. v. 5. *Anima nostra nauseat, inquit, super cibo isto levissimo: Quod autem cibi leves, & qui solidam substantiam*

stantiam corporibus non tribuunt, medicamentorum quoque rationem habeant, ac purgandi polleant facultate, testatur Hippocrates. Quin & lenientibus medicamentis hoc peculiare inest, ob eam quam cum natura habent familiaritatem, ut facile in nutrimentum abeant, præsertim si non aliquanto post usum eorum alia alimenta assumantur: Quid ergo mirum Mannam Israëlitis in alimentum cessisse, utpote qui eâ solâ vescebantur.

83. Ac videtur omnino talis cibus maximè Israëlitis fuisse idoneus, quin imò necessarius; qui nempe initio Medicamenti rationem haberet, ad expurgandam cacochymiam, quam ex usu cucumerum, peponum, porrorum, cœparum, & alliorum, (quorum ipsi meminerunt Num. XI. V. 5.) in Ægypto contraxerant: At qui deinceps porro assuetis in idoneum benignumque cederet alimentum.

84. Certè

84. Certè consuetudine quandoque res alienissimæ redduntur naturæ familiares: ut & venena ac pharmaca sensim per assuefactionem in alimoniam verti tradantur, apud Lang. Ep. med. libr. 1. Epist. 12. Sic nonnullos venenis enutritos diu vixisse, refert Johan. Bruyerin. de re Cibaria libr. 1. capit. 22. Consuetudine factum, ut Thrasias Pharmacopola, & plerique in Græcia pastores, integros Ellebori manipulos citra noxam devorarent & concoquerent; cujus frequentes potiones, ob familiarem ac diutinum pharmaci usum, Eudemum illum Chium nec vomitu nec alvi potione purgare poterant, ut est apud Theophrastum lib. 9. de hist. plant. cap. 18.

85. De Puella, præsentissimo Nappelli veneno nutrita, referunt Arist. in libr. de Regim. Principum, & Averr. in Proëm, 3. Phys. itemque Gal. lib. 3. de Nat. simpl. quæ puellari venere decora, à Rege Indorum Alexandro magno,

magno, dolo, muneri data, cujus scintillationes, & serpentum more nitantes oculos, cum Aristoteles illius Præceptor vidisset, Cave tibi ab hac, inquit, ô Alexander: hac nempe tibi exitium paratur: Nec iudicio Aristotelis defuit eventus: Nam plerique proci Virginis commercio intoxicati interierunt.

86. Quod si verò consuetudo ex venenis cibum potest efficere idoneum pro corpore sustentando ac corroborando; quantò magis ex medicamentis naturâ propriâ alimentosis? Accedente imprimis speciali Dei concursu, quo non modò in cibum id medicinæ genus ordinabatur & efficiebatur, sed eundem quoque suavissimum, qui, si Apocrypho Scriptori habenda fides, (Sapientiæ 16. v. 20.) ad omnem voluptatem, & omnem convenientem gustum poterat temperari; quod non sine divino miraculo fuisse factum existimandum.

87. Et sanè, *Manna* assuetis non laxare alvum, nec leniente ullâ virtute corpus afficere, sed nutrimentum iisdem suppeditare conveniens, ex *Fuchſio* libr. de Compos. Med. liquere poreſt : qui hoc argumento *Manna* à Medicorum uſu explodere conatur, quòd levem admodum vel omnino nullam ſerè ſolvendi, alvumque ſubducendi vim habeat : *Quod iis comper- tum eſt*, inquit, *qui juxta Libanum fuerunt* : Nam reſerunt, *Indigenas ejus montis*, cum abundè eâ ſatientur, nihil tamen ladi, aut alvum ſibi quoque pacto ſubduci ſentire ; ſed eâ tanquam obſonio nutriri ; *Quapropter cum melli*, inquit, *quodammodo ſimilem facultatem habere conſtet*, ſacile eâ carere liceret, &c.

88. Fidem equidem hîc *Fuchſio* habemus, vel iis qui *Fuchſio* hunc *Mannæ* effectum retulerunt ; ſed ex uſu quotidiano & aſſuefactione id *Libani* montis *Incolis* evenire, cenſemus. Improbandum interim id doctiſſimi

D

Viri

Viri iudicium, quo ex effectu Mannæ circa Libani Incolas deprehenso, posthabitâ rationis investigatione, effectum ejusdem manifestissimum, qui non nisi invitis sensibus ipsi potest denegari, conetur evertere, ac utilissimo medicamento Artem medicam privare. Sed hunc sufficienter redarguit Matthiol. in Diosc. lib. 1. cap. 73. Certè ob consuetudinem solam, & usum assuetum, Libani Incolæ Mannâ non solvuntur; secus atque alii eidem minus assueti: (veluti post usum frequentem cujuscunque medicamenti, non eundem ampliùs vel æquè validum effectum observamus.) Similiter Israëlita in deserto huic cibo assueti, vim ejus medicamentosam non ampliùs experti sunt.

89. Nequaquam tamen ad extenuandam Dei gloriam hæc obliquo & impio flexu trahenda sunt: quasi quid Dei Potentiæ detrahatur, si etiam, ubi vel maxima edit miracula, Naturæ mini-



ministerio, ultra vires ordinarias ac naturales impulsæ vel evectæ, uti credatur. Certè facit hoc potiùs ad extollendam infinitam Dei sapientiam, quàm omnipotenti suo consilio sic omnia disponit ac dirigit, ut etiam ea, quæ verè portentosissima existunt, videantur aliqua ex parte secundùm naturæ ordinem evenire, ac saltem non sine mediis à Deo conditis institui.

90 Sic passim Deus mediis naturalibus uti consuevit, in exercendis summis miraculis: ubi tamen media ipsa per divinam omnipotentiam ultra universæ Naturæ vires extollit; ac quæ solo jussu nutuque suo efficere potuisset, nullo adhibito naturali subjecto, ea passim voluit, (ac vult etiamnum,) peragere rerum naturalium (quarum ipse effector ac moderator est,) adminiculo ac ministerio: quod multis exemplis declarat Levin. Lemn. cit. loc.

91. Interea multis modis stupendum Dei miraculum in deserto, non

modò circa *Manna conversionem in cibum*, (quâ nempe levissimo hoc alimento, ut vocatur Numer. 21. 7. 5. corporum robur & solida eorum substantia fuit conservata & resecta;) sed & circa ejusdem *productionem ac substantia modum* se prodidit, multumque eidem supra vulgaris Mannæ genesin, adeòque supra Naturæ cursum ordinarium, viresque, accessit. Namque 1. *Manna vulgare* non nisi stato anni tempore generatur, (scil. circa Vergiliarum exortum, vel Sirio splendente;) at *Israëliitarum Manna* omnibus anni temporibus descendit.

92. 2. *Vulgare Manna*, quo anni tempore cadit, quibusvis septimanæ diebus promiscuè cadit, majori minorigve mensurâ: At *Israëliitarum Manna* præcisè die Sabbathi non cadebat; reliquis diebus cadebat eâ semper mensurâ quæ sufficiebat Israëlitis; ac speciatim die Veneris duplâ semper mensurâ supeditabatur. Exod. 16. v. 17. 23. 28.

93. 3. *Vul-*

93. 3. *Vulgare Manna* non nisi certis in locis cadit; *Israëliitarum* descendebat quibusvis in locis in deserto, ubicunque *Israëlitæ* iter faciebant; dum vagabantur in deserto quadraginta annos. v. 36.

94. 4. *Vulgare Manna* durare potest & conservari ad aliquod tempus: (quippe quod ex Alexandria *Ægypti* affertur, *Masticbinum* dictum, saltem ad annum in suis viribus persistit, teste Matthiolo; similiter quod describit Mesue: quod verò in Italia provenit, præsertim Calabrinum, pluribus etiam annis incorruptum permanet, ut vel ad quinquennium asservari queat:.) At *Israëliitarum Manna*, servatum in crastinum diem, vermes producebat ac foetebat, ibid. v. 21. præterquam quod die veneris colligebatur, illud quippe deponnebatur asservandum in crastinum, nec tamen foetebat, nec vermis in eo erat, ibid. v. 24. 25. quod verò reservabatur in memoriam, ut recor-

D 3      darentur

darentur panis quem quadraginta annis comederant in deserto, (Exod. 16. 32. 33.) id in plura ætatum sæcula durabat.

95. 5. *Vulgare Manna* molle est, & ad trituram ineptum: quamvis & in Persia duriusculum colligi tradatur, & quod teri queat; unde & illud, quod cadit super Al-Hhagj à nonnullis pro resina habetur, ut dictum superius:) Isrælitarum, utut incalescente Sole liquesceret nondum collectum, non secus ac vulgare; collectum tamen durum erat, ut resinæ alicujus aut siccioris gummi instar in pollinem redigi posset: quippe molebant ipsum molis, tundeant rudiculâ, coquebantque in cacabo, ac conficiebant ex eo placentas subcineritias, Num. 11. v. 8.

96. De *Viribus Manna* partim constat ex præcedentibus: *Medicamentum* certè est *alimentosum*, velut & Mel: *Vsum* ejus esse pro Saccharo legimus *ad suum* in potu aquâ soluto Nomadicis Pastori-

Pastoribus, qui Targæ colunt solitudines. Scal. Exerc. 164. Similiter Avic. (in cap. de Tereniabin,) & Mesue, *sedare sitim* testantur. *Temperatum est* in qualitatibus, seu nullius excessus, Mes. paulum tamen vergens ad calorem, Avic. Leniter alvum solvit, cum aliqua absterfione, Avic. educitque choleram proprietate quadam, cum facilitate, Avic. Mes. Coctum citius operatur, intenditurque vis ejus admixto Hyssopo, Al-Hhagj, simili; mixtum verò aliis medicamentis promovet earum operationem, eamque faciliat; quippe dulcedine suâ eadem gratiora reddit, Mes. Confert tussi, (imprimis ea Manna quæ cadit super tamariscum. Serap.) & lenit guttur ac pectus: quin & miscetur in confectionibus magnis, propter excellens juvamentum quod est in eo, Serap. Simpl. Med. cap. 45. *Dosis ejus ab aureis 10. ad aureos 20.* Avic. Serap. (Text. Arabic. habet *mihskbâl* pro eo quod *aureum* vertunt: Est au-

tem *mishskbâl* pondus sesquidrachmę: )  
 Matthiolus *Italica Manna* propinandę  
 mensuram definiť *trium* aut *quatuor un-*  
*ciarum*; *Orientelem mastichinam*, id est  
 probatissimam, parcius exhiberi ait;  
 minüs enim in solvendo esse imbecil-  
 lam.

97. Quoad *delectum Manna*: Judice  
 Mesue, ex ea quidem quę *super Lapides*  
 cadit, melior est quę est *sicut semen al-*  
*bum*, estque *dulcis*, & *recens*; post illam  
 verò in bonitate est, quę est *subcitrina*:  
*Fusca* verò & *canosa*, ( hoc est, quę  
 cecidit *in terram*, ) & *antiqua*, non est  
 bona. Ex ea verò quę cadit *super plan-*  
*tas*, melior est illa, quę est *pauca per-*  
*mixtionis* cum foliis, & est *subalbida*,  
 & *recens*. Hęc Mesue.

98. Sed dubitatur, utrũ melior  
 sit ea quę *super Lapides* cadit, an quę  
*super plantas*. Vulgo quidem *pręstantior*  
 censetur ea quę cadit *super plantas*; ac-  
 que ex hac *pręstantissima* omnium,  
 quam *frondeam* appellari superiũ dixi-  
 mus,

mus, quia hæc minimum recipit ab iis, nec est ingrati odoris. Sed aliter sentire videtur Mesues, qui, dum ordine à meliori ad deteriore[m] enarrando progreditur, primum locum ei quæ *super Lapid[es]* cadit assignat. Ac rationi certè id ipsum consentaneum videtur: Etenim quæ cadit *super plantas* suscipit de virtute plantarum, & est cum permixtione particularum foliorum & florum, teste Mesue, secus atque contingit in ea, quæ *super Lapid[es]* cadit. Atque hæc ipsa est sententia Valles. Philos. Sacr. cap. 57. ubi, præstantius id esse dicit, quod cadit *super Lapid[es]*, quia alterum suscipit de virtute plantarum, (tametsi vulgò, inquit, pretiosior est quæ *de fronde* vocatur: ) Additque porrò, constat quod simile est *semini*, esse quod *super Lapid[es]*, idque esse *grandioribus partibus* quàm alterum, atque si simul album sit, esse optimum; parum verò ab hoc deficere, quod *subcitrinum*, scilicet colore *Bdellii*.

99. *Quoad Regiones*, ubi cadit *Manna*: *Optima* quidem est *Orientalis*, præsertim *Mastichina*; raro hanc haberi ait *Matthiolus*, afferrique evanidam & virium expertem, quam *Bombycinam* vocant, quam eâdem mensurâ quâ *Italicam* propinamus, inquit. In *Orientalis* ac legitimæ *Mannæ* inopia, multi quidem, *Matthiolo* teste, eâ tantum, quæ *Frondea* vocatur, utendum putant, ceu solâ legitimâ; cæteras rejiciunt, ceu perniciosas: quare & *Neapoli* *Lege* omnes, exceptâ frondeâ, interdicuntur. Ipse tamen *Matth.* *vulgarem Mannam*, & *Calabram*, & *Brigantinam*, etiam *arboream*, tutissimum esse *Medicamentum* asserit, ubi *serosi humores* & *biliosi* sunt expurgandi; quod & à *Viris* maximis frequentissimè observatum se nosse testatur.

100. Cæterum in genere *optima* censetur, quæ *recens*, *splendens*, *candicans*, & in purissimos grumos concreta, gustu *melleum* præ se ferens *dulcedinem*; sive  
super



*super Lapides ceciderit, live ex stirpibus odoratis & salubribus sit collecta, nullis furculis aut folliculis implicata: Deterior verò est citrina: Pessima, fusca, canosa, antiqua. Atque hæc de Manna.*

Sequentia ex Keckerman. libr. 6. System. Phys. cap. 10. libet subjungere, atque aliorum examini ac judicio relinquere. *Manna dicitur à MANNAH, id est, à distribuendo, inquit: nam Manna idem est quod portio unicuique distributa, de qua Numeri 11. Et mox: MANNA autem Polonicum, etiamsi ex foliis herbarum aut arborum nasci aut crescere videatur, tamen 1. cum ex foliis divelli aut dejici facile queat; 2. cum nullum semen habeat, aut aliud deferri plantarique possit, ex rore gigni Poloni certò affirmant: Sed medicamenti nullum habet usum, sed tantum alimenti; vocatur die Schwaden Ante annos verò paucos Poloni aliud etiam pretiosius & dulcius Manna genus invenerunt, quod ruri prostratum subtile est ac*

D 6

*sacca-*

# 84 DISSERT. DE MANNA.

saccaro simile, quod butyro modicoque sac-  
cario decoctum cum Italogum delicatissimis  
ferrulis & jusculis certare facile posset. Est  
autem aliud Manna rusticorum, *der Mehl-*  
*daw* / (credo respondere ei quod no-  
stratibus dicitur *Honig-daw* /) quod po-  
tius vitium roris est, & ex putrefacto cras-  
soque rore in frugibus nascitur, instar que  
tela aranea frugibus adharet, intra quam  
telam generatur vermiculus, noxius & per-  
nitiosus frugibus & arboribus, & sic per an-  
tiphrasin dicitur RUSTICORUM MAN-  
NA. Hæc Keckermannus.

F I N I S.



DISSER-



DISSERTATIO  
DE  
SACCHARO.



Eluti MANNÆ

Mel affine est; sic  
Saccharum Mellis species  
existit: Illud Aër ge-  
nerat; istud colligunt.

Apes; hoc è plantis pro-  
gnatum confit plurimum  
Arte. Circa hoc verò non  
una difficultas occurrit:  
dum nec Veteres Recentioribus,  
nec forsan inter se Veteres,  
nec Græci Arabibus, in  
essentia rei declaranda  
congruere videntur; insuper-  
que variae species ejusdem  
ab Arabibus traditæ, ac re-  
rum diversarum confusæ  
distinctiones, quin & Aucto-  
rum optimorum versio-

D 7. nes

nes ineptæ nonnunquam, ac barbaræ passim, difficultatem adaugent. Unde non exiguum in Artem incommodum irrepsit; ac noxium quandoque pro Cardiaco se ingessit.

2. Huic difficultati expediendę eximii Viri, Manardus, Fuchsius, Matthiolus, alii, suam operam impendunt; ac inter cæteros incomparabilis Salmasius in Exercitat. Plinian. in Solinum Part. 2. circa hanc materiam disquisitionem instituit, multaque deduxit; at tenebras nondum in totum discussit: Allaborabimus igitur obscuritati residuæ, si pote est, lucis aliquantillum affundere.

3. *Saccharum* Latinis quod appellatur, ac Barbaris *Zucharum*, Arabibus ac Turcis etiamnum *Suckar*, Persis ac Indis *Schakar* & *Sakar* vocatur, Dioscoridi *σακχαρον*, Galeno *σάκχαρ*; Recentioribus Græcis, Salmasio teste, *σάκχαρ* & *σάκχαρις*, (ut μέλι,) Hesychio *σάκχαρον* dicitur.

4. Est

4. Est autem *Saccharum*, Dioscoride teste, libr. 2. cap. 104. mellis concreti genus, quod in India & felici Arabia super Arundines (ἐπὶ τῶν καλάμων,) reperitur, consistentiâ Sali simile, ac dentibus etiam Salis modo fragile. Ubi Jan. Ant. Saracen. in Schol. *Saccharum Priscorum*, inquit, quod Archigenes à Salis similitudine *Sal Indicum* appellavit, ex iisdem arundinibus ex quibus & nostrum excipiebatur: idcirco μέλι καλάμινον (*mel arundineum*) Arriano dictum: Sed illud, inquit, sponte extra arundines, jam senio confectas, lachryma aut gummi modo concresebat; hoc nostrum succus est, è fuis ipsius arundinibus expressus: qui quidem coctus in formas pyramidales hodie cogitur.

5. Galenus de simpl. medicament. facult. libr. 7. cap. de Melle, *Sacchar*, inquit, ut vocant, quod ex India atque felici Arabia convehitur, πνεύματα μὲν ὡς φασὶ καλάμοις, accrescit quidem, ut ajunt, circa calamos, & ipsum  
mellis

*mellis est species*, minùs certè nostrate dulce, inquit, sed adsimiles ei vires obtinens, quoad abstergendum, desiccandum, & digerendum: Porro quatenus nec inimicum stomacho est, ut nostras, nec sitim affert, eatenus ab illo substantiâ differt. Similiter inter detergentia Medicamenta nominat *Saccharum*, 8. Meth. Med. cap. 4.

6. Paulus Ægineta l. 2. c. 54. *Sacchari* ad linguæ scabritiem meminit, ex Archigenis autoritate, sub nomine *Salis Indici*, his verbis: Archigenes autem docuit & *Sal Indicum*, quod colore quidem & substantiâ nihil à communi dissidet, *saporem verò mellitum* est, lentis instar vel ad summum fabæ quantitate comestum, affatim humectare.

7. Similiter Avicenn. libr. 2. Can. cap. de Saccharo, meminit *Sacchari* cujusdam, quod dicitur *reperiri super arundinem instar Salis*: Et l. 4. Can. fen. 1. tract. 2. cap. 22. ad asperitatem Linguæ commendat *Salem qui asportatur ex India*,

*India* ; quem inquit esse in colore *Salis* ,  
& dulcedine *Mellis* .

8. Plinius libr. 12. N. H. c. 8. *Sac-*  
*caron* , inquit , & *Arabia* fert , sed lau-  
datius *India* : Est autem mel in *harundi-*  
*nibus collectum* , *gummi* modo candi-  
dum , dentibus fragile , amplissimum  
nucis avellanæ magnitudine , ad Me-  
dicinæ tantum usum. Hunc locum  
corrigit Salmasius , ac distinguendum  
vult hoc modo , in *harundinibus colle-*  
*ctum gummi* modo , candidum , &c.  
nempe , est succus melleus , ex arun-  
dinibus exsudans , iisdemque *gummi*  
modo adhaerescens , dum calore Solis in-  
duratur , sicque concretus *Salis* effi-  
giem repræsentat.

9. Seneca Ep. 84. Ajunt inveniri apud  
*Indos mel in arundinum foliis* , quod aut  
ros illius cæli , inquit , aut ipsius arun-  
dinis humor dulcis & pinguior gignat.  
Nempe dubitavit an *Saccharum* illud , sit  
ipsarum *arundinum succus concretus* , seu  
super folia arundinum , vel calamos  
ipso ,

ipſos, coactus ac coagulatus; an verò *mel aëreum*, quod vulgo *Manna* vocatur.

10. Sed de quo dubitabat Seneca, id pro certo affirmat Alexander Aphrodisæus Probl. libr. 2. ubi, *Quod Sacchar* Indi appellant, inquit, *mellis coagulum* est: Sole cogente rores, convertenteque ad mellis dulcedinem: quod idem monte etiam Libano fieri certum est, inquit. Sic verò *Saccharum* illud *Vetèrum* planè pro eo quod *Manna* vocatur, ab Alexand. Aphrod. obtruditur.

11. Similiter Isidorus libr. 20. Originum, *Saccharum* pro *Manna* exhibet his verbis: *Antea autem mella de rore erant, inveniebanturque in arundinum foliis: unde Virgilius: Hactenus aërii mellis cœlestia dona. Siquidem hucusque in India & Arabia reperitur coagulatum ramis inbarens in similitudinem Salis. Adeòque & hic planè Saccharum Priscorum cum aërio melle, seu nostro Manna, confundit.*



dit. In eundem errorem delapsus est Avicen. circa *Sacchari* quoddam genus, quod *Suckar Al-Oscher* vocat peculiari capite libr. 2. Can. dum interim *Veterum Saccharum* non ignoravit à *Manna distinctum*, utpote cùm de *Manna*, ejusque speciebus, peculiaribus capitibus pertractet lib. 2. Can. Sed de illo *Suckar Al-Oscher* agemus inferiùs.

12. Revera autem res omnino diversissimæ sunt *Saccharum Veterum*, nostraque *Manna*: ut rectè notatum à Matthiol. ad cap. 75. libr. 2. Diosc. *Hæc* namque ros est melleus in plantas decidens; at illud succus melleus, ex arundinibus exsudans, ac gummi in modum concrefcens: Promanat autem hic *Saccharinus liquor*, seu tenuior præstantiorque medullæ arundinum sacchariferarum portio, non tam ex foliis, (super quæ *Manna* potissimum decedit, vel observatur si decidat,) quàm ex ipsis calamis; idque vel è latere, sponte aut per incisionem aperto, vel per

per internodiorum fissuras: ubi calore Solis concrefcit, inſpiſſatur, & indureſcit, velut *Saccharum bodiernum* calore ignis addenſatur.

13. Habent equidem *Saccharum Priſcorum* ipſumque *Manna* nonnulla communia: Etenim 1. Utrumque ad commune *mellis genus* pertinet; eſtque ſua utrique nativa dulcedo. 2. *Manna* quidem, ( quæ in monte Libano frequens, ) eſt quaſi *mel ſponte concretum*, non ab apibus collectum; ſimiliter & *Antiquorum Saccharum*; licet diſſimili modo. 3. *Manna* alvi ſolutivam facultatem habet; ſimiliter quodammodo *Saccharum* omne, ( quamvis de vulgari id neget Salmaſius, ) imprimis verò illud, *quod ſuper Arundinem invenitur*, ſicut *Sal*, docente Avicenna, lib. 2. Can. cap. de Zaccharo: quamvis id Dioſcoridi nonniſi *ευκοίλιον* dicatur, ideſt alvo conveniens ſit, leniat, ac ſaltem alvum non adſtringat.

15. Veruntamen, *Saccharum illud Priscorum* non de nocte tantum coagatur, sed interdum potissimum; nequaquam verò incalescente Sole dissolvitur & evanescit, sed magis concrescit & induratur: secus atque *Manna*. 2. *Saccharum Priscorum* dentibus salis modò fragile est; *Manna* liquefcit potius sub dentibus, ac lentescit. 3. *Saccharum Priscorum* solis arundinibus adhærescit; *Manna* in varias plantas, quin & in lapides, ac terram ipsam, decedit. 4. Rectè Nearchus apud Strabonem lib. 15. de *Calamis* refert, quod *mel facere* dicantur, absque apum opera, hoc est, ut Salmasius exponit, mel illud gigni ex ipsa arundine, seu arundines ex se ipsis mel facere, non accipere id è cœlo, ac non de cœlo rorem mutari.

15. Ita vidit Langius ex Madera in Hispaniam allatas arundines, quibus *Saccharum purum* accreverat, ut refert ipse Epist. 64. lib. 1. Ac Matthiolum, se non ita pridem accepisse refert à Viris

à Viris fide dignis, qui divi Thomæ Insulam, itemque Maderam lustrant, adhuc iis in locis *Saccharum* inveniri, in arundinibus sacchariferis concretum, (illi non dissimile quod arte fit & *Candidum* appellatur,) postquam ab illis spontè emanârit gummi modo.

16. Arabes quoque hoc *Saccharum Antiquorum* non ignorârunt: quod ipsum peculiarem Sacchari speciem constituerunt, à *Manna* ( ut dixi ) distinctam: Sic Avicenn. libr. 2. Can. Capite de *Suckar* ( quod est in versione Cremonensis cap. 755. ) inter reliquas *Sacchari species* mentionem facit *Sacchari* cujusdam, quod *Saljemâni* vocat, idest, *Sal-jemanicum*, seu *Arabia felix*, ( *Iemen* enim Arabiam felicem denotat: ) Adhibet autem Avicenna Latinum vocabulum *Sal*, ex quo vetustiore Autore nescio; ac unum compositum facit vocabulum *Saljemâni*, pro quo Interpres legit *Şalimani*, vel *Sulimani*, unde *Sulimenum* reddidit. Est autem

# DE SACCHARO. 95

autem hoc *Sal-Iemanscum* illud ipsum *Saccharum*, quod Diosc. Gal. & Plinius, reperiri testantur (loc. sup. citatis,) in *Arabia felici*.

17. Ab hac verò specie discernit Avicen. cit. loc. aliud genus *Sacchari*, quod dicit reperiri *super arundinem instar Salis*: Hoc nempe illud esse existimo, quod ex *India* convehitur, cujus item meminere prædicti Autores: Sic namque Avic. l. 4. Can. fen. I. tr. 2. c. 22. *Salem* vocat, qui asportatur ex *India*, colore *Salis*, & dulcedine mellis, quem ad asperitatem linguæ commendat. Ipseque Plinius quoque aliquod discrimen inter *Indicum* & *Arabicum Saccharum* constituit, cum inquit cit. loc. ferre *Arabiam Saccharum, sed laudatius Indiam*.

18. Videntur autem bonitate tantum, seu nobilitate ac puritate hæc duo genera ab invicem differre; atque de utroque dici utrumq; quod dicit Avic. sc. *super arundinem inveniri sicut Sal*, & *assumi ab arundine sicut gummi*: Hoc enim

enim ipso distingui videntur à *melle arundinis* ibidem dicto ab Avic. ( quod & inter Sacchari species recenset , ) ac *vulgari nostro Saccharo*. Nisi fortè *Sal Iemanico*, ceu peculiari speciei, competat ab *arundine assumi sicut gummi* ; *Indico* verò , *super arundinem inveniri sicut Sal* : Namque de *Sale Iemanico* dicit magis lenitivum esse, ac imprimis *Al-fenîd* seu *Al-penîd* ( quo *Saccharum Penidium* dictum indigitari non est dubium : ) *Assumptum sicut gummi ab arundine* ( quo idem illud *Sal Iemanicum* videtur indigitare, ) oculum abstergere, &c. Alvum solvere imprimis id quod *super arundinem invenitur sicut Sal*; *Saljemanicum* verò, ac illud quod *rubrum* vocat, leniendi facultatem fortiolem habere.

19. Interim videtur quandoque Avicenna hoc universum *Sacchari* genus, quod *super arundinem reperitur*, dubium reddere, ac quasi id quoque inter *Mannæ* species reputari posse censet,

seat, suspicionem injicere. Etenim cap. seq. (quod in versione Cremonensis est 756.) aliud *Sacchari* genus traditur, quod *Sucker* שוכר *Al-Ooscher* vocat, dicit quidem & de hoc ipso, esse sicut frustra *Salis*, sed interim addit, ipsum esse *Mannam*, qua cadit super *Al-Ooscher*. Sed de hoc genere *Sacchari* (ut vocatur,) cum circa id ipsum magni viri variè se torqueant, operæ pretium est, aliquanto plenius disquirere.

20. Primò quidem circa ejus pronunciationem seu scriptionem multipliciter variant Interpretes: Cremonensis *Albusar* exprimit, Bellunensis *Albasser*, alii, (ut apud Serapionem libr. Simp. cap. 50.) abjecto articulo præpositivo *Al*, pronunciant vel scribunt *Haboscher*, seu *Haboscer*, alii *Hoasfer*; alii *Albosor*, alii *Alossar*, alii *Albasser*, &c. Nec mirum, tantam in scriptione occurrere discrepantiam, quæ ut magnam partem, ita tamen non in totum à Scribariorum in obscura voce

ra voce exprimenda incuria vel temeritate profecta est: quippe orta plurimum a difficultate quæ est circa representationem primæ literæ radicalis: Ea enim cum sit gutturalis litera *Ain*, respondens Hebræorum *א*, nullo characterē vel characteribus Europæorum exprimi apta est: dum itaque ea adjunctam habet vocalem *o* vel *u*, à nonnullis pronunciatur ut *Habo*, ab aliis *Ho*, ab aliis *Hu*, ab aliis *O*, &c. quin & cum vocales non sint de essentia dictionum, sed duntaxat pronunciationi inserviant, adeoque rarò ab Orientalibus adnotentur; nonnulli pro *o* vel *u*, addiderunt *a* primæ radicali, ac pronunciarunt *Ha*: Vulgari modo eorum qui Hebræas literas tractant, pronunciari posset *Gno* vel potius *Ngo*, *g* consonante ut *G* Germanorum, seu Persarum aut Turcarum *K* punctatum; Nos facilitatis causa *Oo*, pronuntiabimus: Secunda autem radicalis est *Schin*, valens *Sch*, seu *Sj*. unde

*Ooscher*



DE SACCHARO. 99

*Ooscher* vel *Ooschar* exprimimus, vel cum minori aspiratione *Ooscer*. Circa hanc vocem ac varias ejusdem pronuntiationes, ipsumque illud *Sacchari* genus minùs cognitum, plurimus est Illustris Salmasius Exercitat. in Solin. part. 2. pag. 1312. & seq. contra Scallig. Exerc. 165. ut operæ pretium sit in rem ipsam plenius inquirere.

20. Est igitur *Suckar Al-Ooschar*, teste quidem Avicen. *Manna cadens super Al-Ooschar* (nempe plantam ita dictam, de qua inferius,) & est, inquit, sicut *fructa Salis*, (ubi sanè putem confundi toto genere diversa, Mannam scil. & succum è planta exsudentem, concretum:) Estque in ipso, inquit, cum dulcedine, pauca stipticitas & amaritudo, (ita namque vertendus textus;) Similiter Beitar, *Saccharum quod in arborem seu plantam Ooscher incidit, frustuli Salis similitudinem referens*, inquit, cum dulci sapore stipticitatis quippiam & amaritudinis habet. Et est ex eo, inquit porro

Avic. aliud *Iemanicum* (id est *Arabia felix*), album; aliud *Higjazium*, (id est *Arabia Petraea*; *Higjâz* enim *Arabiam Petraam* significat, sicut *Iemen Arabiam felicem*: Interpres illud *Agizium* corruptè reddit,) *vergens ad nigredinem*: Estque *abstersivum cum stipticitate in ipso*; acuit *visum*; confert *pulmoni*: Confert *Hydropi cum Lacte Al-luffâbh*: (ubi Interpres perperam vertit *cum lacte camela noviter fata*; alii apud *Serapionem* habent *cum lacte Mandragora*, sed fortè ne sic quidem convenienter: est enim *Luffâbh Arabibus* item illud ipsum, quod *Gen. 30.* vocatur דודאִים *Doudaïm*, quod & illic minùs commodè *Mandragora* vertitur; *Persis Dest-ambouje* dicitur: sed de hoc alibi egimus.) *Non facit sitim*, inquit porrò *Avicenn.* sicut reliquæ species *Sacchari*, quoniam *dulcedo ejus est pauca*; est *bonum ventriculo & hepati*; & confert *renibus & vesicæ*.

22. Apparet itaque *Avicennæ Saccharum Al-Ooschar* *Manna speciem* esse;  
(in quo

(in quo longè aberravit à vero, ut patebit in progressu;) videturque interim omnino illud *Sal Iemanicum*, de quo cap. præced. inter species Sacchari dixerat, diversum esse ab hoc *Saccharo Iemanico*, quod hîc Mannam esse contendit, dum hoc speciem *Sacchari Al-Ooscher*, distincti nimirum à præcedentibus speciebus, constituit: At malè igitur hoc *Saccharum Al-Ooscher*, seu hanc Mannam, dicit esse sicut frustra *Salis*, in quo denuò id, quod à priori voluit distinguere, cum eodem, vel saltèm cum *Saccharo Indico*, quod dicebat *inveniri super arundinem sicut Sal*, confundit.

23. Serapio lib. de Simp. cap. 50. ex Abn Mesuai, *Saccharum* inquit, quod affertur ab *Al-Iemen*, est simile *Mastichi*, & dicitur *Zucharum Haoscher*; estque bonum stomacho, propter paucam amaritudinem quæ in eo est. Ubi videtur hoc ipsum quod *Saccharum Haoscher* seu *Al-Ooscher* vocatur, quod-

que dicitur esse *simile mastichi*, accipiendum pro eo, de quo dicebat Avicenna cap. præced. *assumi sicut gummi ab arundine*; Atqui sic denuò id ipsum, quod Avicenna istic *Sacchari* speciem faciebat, adeóque à *Manna* (de qua aliis Capitibus agit,) distinguebat, cum illa *Manna specie* confundi videretur, quæ *Masticbina*, à granorum similitudine, seu *Granata*, appellari solet: E contrà denuò *Manna* non respondent quæ ex eodem Autore citat Serapio his verbis: *Taberzet* (id est *Saccharum purissimum*,) *non molificat sicut Saljemeni*, (id est *Sal Arabia felicis*;) & *Zucharum quod affertur ab Hegen* (corruptè pro *Higjâz*, id est *Arabia Petraea*) *similatur frustis Salis*: Ubi sanè utraque species *Sacchari Al-Oschar*, 2<sup>h</sup> Avicenna tradita, *Sali* assimilatur, quod utique *Manne* non competit; sed congruit id ipsum planè *Saccharo Arabico* Dioscoridis, Galeni, Plinii, atque illi *Saccharo* quod & ipse Avicenna  
cap.

cap. præced. inter species Sacchari *Salem* appellavit.

24. Idem Serapio, ex Isaac Ben-Sulaimen, de Saccharo *Al-Oscher* ita loquitur: *Zucharum ex regionibus Heigen* (corruptè pro *Higjâz*;) quod nominatur *Zucharum Haoscher*, est minus speciebus aliis in dulcedine, & plus in siccitate; Ex alio Autore addit, quando bibitur non facit sitim, propter paucam dulcedinem. Hoc utique illud Saccharum, quod commendat Avicenna ad Linguae æstum seu adustionem, libr. 3. Can. fen. 6. tr. 1. cap. 19. ubi Interpres reddit *Saccharum Albaizen*; at textus ipse habet *Zuckar Higjâz*: Consimile hoc illi est, quod Avicen. libr. 4. Can. fen. 1. tr. 2. cap. 22. *Salem* vocat, qui asportatur ex India, quem istic ad asperitatem Linguae commendat. At sanè hoc *Zaccharum* perperam pro *Saccharo Al-Oscher* habetur, ut patebit in progressu.

25. Apparet interim ex prædictis, Arabes ipsos Sacchari *Priscorum* non ita

plenam habuisse cognitionem, quin id multoties pro *Manna* habuerint. Cur autem amaritudo & stipticitas insit *Saccharo* illi *Iemanico*, quod *Mannæ* speciem facit *Avicenna*, ratio est, quod *Manna* assumat virtutem ejus super quod cadit, dicente *Avicenna* cap. de *Manna*: Quia itaque illa *Manna* species, quam pro *Saccharo* *Al-Ooscher* accipit *Avicenna*, aliique nonnulli Arabes, incidit in plantam aliquam amaritudine & adstrictoriâ facultate præditam, de hisce in sapore nonnihil participat.

26. Cæterum, quod attinet plantum *Al-Ooschar* non videtur hæc omnibus Arabibus æquè nota fuisse, cum non ubivis illius sit proventus, sed in *Ægypto* potissimum, *Syria*, ac *Palæstina*: Hinc *Avicenna*, ac nonnulli alii Arabes, qui eam minùs habuerunt exploratam, cum *Saccharum* *Al-Ooschar* non magis novissent, crediderunt id esse *Manna* speciem, quæ super

per plantam *Al-Oofchar* potissimum decider; velut in Avicennę patria Man-  
na potissimum cadit super plantam  
quandam *Al-Hâgj* dictam, ipso teste:  
Cùmque *Sal-jemanicum*, seu *Saocharum*  
*Arabia felicitis*, hoc est, *Saccharum Ara-*  
*bicum* Dioscoridis, Galeni, Plinii, non  
novissent magis exactè, (veluti & ipse  
Avicenna vocab *Salis* Latinum  
ipsi tribuit, undecunque acceptum,) *existimârunt*, illud *Saccharum Arabia*  
*felicitis* dictum, esse *Saccharum Al-Oofchar*:  
Unde nonnulli, teste Clariss. D. Go-  
lio, in *Lexico Arab.* volunt esse *Sac-*  
*charum rubrum*, roris instar in eam ar-  
borem *Oofchar* incidere solitum: Aliis ve-  
rò, teste eodem Cl. D. Golio, est *Al-*  
*Oofcher* arboris spinosa & gummisera spe-  
cies; cujus fructus tubercula inflata, quę  
& hoc nomine appellantur, alba: qui ha-  
tenus ad verum propiùs accedunt;  
dum verò addunt, *duleia Sacchari in-*  
*star*, (unde *Suckar Oofchar* dicatur,) *planè à vero aberrant.*

27. Ex Autore aliquo Arabe olim notavi *Al-Oofcher* esse Arborem, cujus fructus vocetur *Chersaa*, (finali y) credo malè scriptum pro *Chervaa*, quod *Ricinum* significat, teste Ibn Beitare, (de quo apud Diosc. libr. 4, cap. 164.) qui ipso etiam Dodonæo referente *Keruagh*, & *Cherua major* dicitur, atque è cujus semine oleum paratum vocatur *oleum de Cherua*: à Barbaris autem Arabum Interpretibus vertitus passim *Cataputia*: Certè *Ricinus* ipse *Cataputia major* vocatur; (nisi fortè potius *Catapotia* dicatur, quod nempe semen pilulis, quæ *Catapotia* dicuntur, sit inclusum :) Ac testatur Serapio, secundum alium aliquem autorem *Haboscher* esse speciem *Tithymalli*: *Cataputiam* utique *Tithymalli* speciem esse notum est.

28. Apparet utique ipsis etiam Arabibus plantam *Al-Oofchar* dubiam esse: (cujus quidem speciem aliquam *Taxum* constituit Avicen. libr. 2. Can. capite peculiari de *Oofchar*) ut mirum non



non fit, apud varios Autores per *Sacchari* *Al-Oofchar* appellationem diversa, quin imò maximè dissidentanea, confundi. Videtur autem Abrianisa apud Serapionem per *Al-Oofcher* intelligere plantam aliquam, quæ non nisi æquivocè dictum *Saccharum* proferat, seu *Lac* aliquod è planta exsudans, inspissatum, quod non nisi externâ facie *Saccharum* repræsentet, dum interim viribus à *Saccharo* longissimè distat. Equidem *Sacchari* nomen, *Salmasio* teste, multis etiam aliis succis tribuitur, sed non nisi congelatis, ita dixerim, inquit, seu coagulatis, ut *Sacar Mambu*, *Sacar Tenga*, quorum illud sponte nascitur, hoc factitium ex liquore quodam palmeo, quod ab Indis *Iagara*, vel *Iagra* vocatur.

29. Dicit autem Abrianisa, *Haboscer* seu *Oofcher* habere lata folia, (folia *Platani Ricino* tribuit *Diosc.* at majora,) & nasci uno tempore, (scil. annuam esse plantam, æstivam, quod etiam

Ricino competit : ) *Et habere Zucharum*, ( *Lacteum succum inspissatum proferre*, scil. qui teste Bellon. libr. 1. Observ. cap. 76. in officinis pigmentariorum Constantinopoli vulgò appellatur *Tigala*, Linguâ Græcâ vulgari credo, quasi τὸ γάλα, vid. hac de re Salmasius part. 2. Exercitat. in Solin. pag. 1312. ) *quod Saccharum egreditur*, inquit, *ab oculis ramorum*, & *à locis foliorum ejus*, ( velut *Saccharum Veterum*, quod *Sal Indicum* vocatur, similiter ex Arundinibus exsudat, atque ita concrefcit : ) *Et in Saccharo ejus est amaritudo*, inquit, ( credo intensam satis, cùm causticam facultatem habeat, ut mox subjungit ; ) *Et egrediuntur ab eo mala sicut testiculi camelorum*, ( hæc poma non malè congruunt tuberibus Ricini Americani, ) & *egreditur ab illis pomis res quadam adurens, ita ut non possit fieri cauterium cum re meliori eâ* ; ( certè *Tithymallorum* species causticâ vi præditæ sunt, atque Lac fundunt, ) hinc,  
quando

quando inciduntur folia *Haboscher*, emittunt lac, quod colligitur in Majo mense, & ponunt in eo coria, & non remanet in illis pilus: Reliqua porro, quæ *Abrianisa* in plantæ descriptione refert non malè *Ricino* congruunt. Est autem *Ricinus* ea planta *Jonæ* Prophetæ, quæ brevi tempore succrescebat, at quam erosam à verme indignabatur.

XXX. Nisi potius hoc *Saccharum Al-Hooscher*, sit succus inspissatus *Apo-cyni Syriaci*, seu *Palaestini*, vel *Egyptiaci*, quod & *Periploca Syriaca* dicitur, de quo vid. *Dod. Herb. l. 13. c. 20. in Addit.* ubi & *Saccharum Al-Hooscher* ex hac planta provenire ait; ipsaque plantæ descriptio planè congruit superius traditis: Plantam inquit Lactis plenam esse, quod sponte exsudat, magnâ quantitate, sensimque inspissatur, similitudinem cum gummi *tragacantha* quodammodo acquirens: Ex floribus loco fructus prodire duo poma, seu sacculos quasi, qui testiculos refe-

E 7

rant;

rant; hinc nomen ipsis tributum *Beid-alsar*, ut est apud Prosp. Alpin. q. d. *Beid Al-Ossar*, id est *ovum Ossar*.

31. Cum itaque hoc *Saccharum Ooschar* verum *Saccharum* non sit, ut neque pro *Manna* potest haberi; utique plantam *Ooscher* Avicennæ, unde ipsius *Saccharum Al-Ooscher*, quod *Mannam* esse ait, denominatur, aliam aliquam plantam esse existimandum est; vel *Saccharum Al-Ooscher* non nisi equivocè *Saccharum* statuendum est. Nisi fortè eodem *Sacchari* nomine indigitari credendum sit, & *Mannam* quæ super illam plantam decidit, & succum ex eadem exsurgentem *Sacchari* in modum concretum.

32. Certè fieri non potest ut *Lac Al-Ooscher*, quod ex incisæ plantæ foliis effluit, vel ex iisdem exprimitur, inter caustica principatum obtineat, & efficacissimum sit psilothrum ad coria depilanda; at pars tamen ejusdem *Lactis*, sponte concreta in ipsa planta,

planta, seu *Saccharum* illud *Al-Oofcher*, conferat pulmoni, non faciat sitim, sicut reliquæ species sacchari, sit bonum stomacho & hepati, conferat renibus & vesicæ, ut tradit Avic. Quamvis equidem nonnulla sint, quæ non parem virtutem exerant intus sumpta, & extus admota, velut sinapi, quod, cum quarto gradu calefaciat & exiccet, sitque vesicatorium, inter condimenta tamen sumptum nihil nocet.

33. Omnino autem & *Lactis*, & *Sacchari* ex eadem planta *Oofcher*, meminit Isaac ben Sulaimen apud Serapionem de Simpl. cap. 50. *Zucharum*, inquit, ex regionibus Heigen (*Higjâz*, idest Arabiæ Petrææ,) quod est nominatum *Zucharum Haoscer*, est minus speciebus aliis in dulcedine, & plus in siccitate, quare non aufert sitim, inquit, sicut aliæ species zuchari, (secus atque Avicen.) & habet operationes laudatas in doloribus renum: Et quando bibitur cum Lacte *Mandragoræ*

goræ (*Luffábh*) confert Hydropifi. Et *Lac* quidem *Haoscer*, inquit, quando bibitur cum lacte *Mandragoræ*, facit hanc eandem operationem, & est fortioris operationis & magis apparentis, nisi quod est magis periculosum habentibus complexionem calidam. Ita ergo omnino *equivocè* tantum vocatur *Saccharum*: Videtur autem esse Medicamentum aperiens, deobstruens, abstergens, purgans, ac imprimis serosos humores educens: quæ certè & *Ricini granis* competere patet ex *Fernelio* l. 5. *Meth.* cap. 12. aliisque.

34. Ad *Sacchari veri* Historiam revertamur: *Diversa Cannarum genera* esse statuit *Illustris Salmasius*, ex quibus *Veterum* colligebatur, atque è quibus fit arte nostrum *Saccharum*. Hæ modicæ sunt, & *Papyro* similes, inquit, ex quibus *hodiernum Saccharum* coctione conficitur, succo priùs expresso: *Amplissimæ* illæ in quibus nascitur *Saccharum Mambu*, quod verum ac legitimum

# DE SACCHARO. 113

mun est *Saccharum Priscorum*, inquit.

35. Ita Christ. à Costa lib. Arom. & Medic. in India nascentium, capite de *Tabaxir*: Inveniuntur interdum hæ arbores, inquit, sive Arundines, vocatæ Mambu, in quibus nascitur *Tabaxir*, (sic hodie vocant *Saccharum* quod ex illis Arundinibus colligitur, de qua appellatione inferius,) tantæ magnitudinis & crassitie, ut ex eacymbas faciant, quæ binos viros capere possint, non quidem eas excavantes, sed relictis solum duobus internodiis excidentibus.

36. Hoc nempe est quod refert Plinius, lib. 7. cap. 2. In India tradit Arundines tantæ proceritatis, ut singula internodia alveo navigabili ternos interdum homines ferant. Ac lib. 16. cap. 36. Harundini quidem Indicæ arborea amplitudo: navigiorum etiam vicem præstant, si credimus, inquit, singula internodia.

37. Gar-

goræ (*Luffâbb*) confert Hydropifi. Et *Lac* quidem *Haofcer*, inquit, quando bibitur cum lacte *Mandragoræ*, facit hanc eandem operationem, & est fortioris operationis & magis apparentis, nisi quod est magis periculofum habentibus complexionem calidam. Ita ergo omnino *equivocè* tantum vocatur *Saccharum*: Videretur autem esse Medicamentum aperiens, deobstruens, abstergens, purgans, ac imprimis serofos humores educens: quæ certè & *Ricini granis* competere patet ex *Fernelio* l. 5. *Meth.* cap. 12. aliisque.

34. Ad *Sacchari veri* Historiam revertamur: *Diverfa Cannarum genera* esse statuit *Illuftris Salmafius*, ex quibus *Veterum* colligebatur, atque è quibus fit arte *noſtrum Saccharum*. Hæ modicæ ſunt, & *Papyro ſimiles*, inquit, ex quibus *hodiernum Saccharum* coctione conficitur, ſucco priùs expreſſo: *Ampliſſimæ illæ in quibus naſcitur Saccharum Mambu*, quod verum ac legitimum



DE SACCHARO. 113

mum est *Saccharum Priscorum*, inquit.

35. Ita Christ. à Costa lib. Arom. & Medic. in India nascentium, capite de *Tabaxir*: Inveniuntur interdum hæ arbores, inquit, sive Arundines, vocatæ Mambu, in quibus nascitur *Tabaxir*, (sic hodie vocant *Saccharum* quod ex illis Arundinibus colligitur, de qua appellatione inferius,) tantæ magnitudinis & crassitie, ut ex eacymbas faciant, quæ binos viros capere possint, non quidem eas excavantes, sed relictis solum duobus internodiis excidentes.

36. Hoc nempe est quod refert Plinius, libr. 7. cap. 2. In India tradit Arundines tantæ proceritatis, ut singula internodia alveo navigabili ternos interdum homines ferant. Ac libr. 16. cap. 36. Harundini quidem Indicæ arborea amplitudo: navigiorum etiam vicem præstant, si credimus, inquit, singula internodia.

37. Gar-

37. Garcias ab Horto ( Proregis Indiae Medicus , atque Regionis rerumque ibidem *αὐτόνους*, ) Arom. & Med. Hist. libr. 1. cap. 12. Id quod nunc vulgò Arabibus & Turcis *Tabaxir* ( de quo dicemus inferiùs , ) Indis vocari *Sacar Mambu* ait , quasi dicas *Saccharum de Mambu*, inquit , quoniam Indi arundines sive ramos illud proferentes *Mambu* vocant : Attamen nunc etiam , inquit , *Tabaxir* vocare coeperunt , quoniam eo nomine petitur ab Arabibus , Persis , & Turcis , qui id mercimonii causâ ex India in suas regiones exportant.

38. Arbor autem , in qua gignitur *Sacar Mambu*, Garcia describente , interdum magna est , & instar Populi procera ; interdum minor , ramos ut plurimum erectos , frequentibus nodis distinctos , palmi tamen longitudine ab invicem dissitos , habens ; folium olivæ longius : *Inter singula internodia liquor quidam dulcis generatur ,*  
*crassus*

# DE SACCHARO. 115

*crassus veluti amyllum congestum, & similicandore, interdum multus, nonnunquam verò perpauca: sed non omnes Arundines seu rami eum humorem continent, inquit; at ii duntaxat quos Bisnagar, Batecala, & pars Provinciae Malabar profert. Hic autem liquor concretus interdum nigricans & cinereus invenitur, sed non ideo improbatur: Nam aut ob nimiam humiditatem, aut quod diutius ligno inclusus permanferit, hunc sibi colorem conciliat; non autem ob arborum incendium, veluti nonnulli putant; siquidem in nonnullis ramis, quos non contigit ignis, niger etiam invenitur.*

39. Ex hac descriptione Garciae colligitur, non generari *Sacar Mambu* in arborum majoribus truncis, sed in minoribus earundem ramis, quamvis nec in omnibus, nec omnibus in locis: Certè singularem illius Sacchari raritatem esse, inde colligere licet, quòd  
*magno.*

*magno emi testetur* Garcias cit. loc. ac commune ejus pretium in Arabia esse, ut *pari argenti pondere ematur* : quod equidem raritati Sacchari Veterum videretur respondere.

40. Veruntamen, aliquid discriminis inter *Veterum Saccharum* atque hoc *Sacar Mambu* intercedere videtur : Etenim Saccharum Veterum Dioscoridis, Galeni, Plinii, *arundini extrinsecus gummi vel salis instar accrescebat* ; ut patet ex allegatis locis : at verò *Sacar Mambu* intus in cavitate continetur, seu *inter internodia*, ut habet Garcias, generatur concretus este liquor ; ac colorem mutat prout diutius ligno inclusus permanferit : præterea, *Saccharum Veterum* dentibus *salis modo fragile* existebat ; at *Sacar Mambu* est liquor veluti *amylum* congestus, adeoque fragile non est, sed potius lentescens atque ore liquefcens.

41. Verisimile interim videtur, eundem liquorem, qui in arundinum cavita-

cavitatibus amyli instar coagulatur, parte aliquâ sui tenuiore, (adeoque minùs frequenter,) vi radiorum solarium elici, transudare, ac temporis tractu concrefcere in consistentiam atque duritiem Salis; sicque ipsi ligno, seu nodis arundinum, gummi instar extrinsecus adhærescere: quod fortè demum *verum Veterum Saccharum* habendum sit. Cæterùm longè diversissimum esse hoc *Saccharum Mambu* à *Saccharo nostro* seu *vulgari*, patebit inferiùs.

42. Interea, circa, *Tabaxir Arabum*, (quod Persicum est, atque à Persis ad Arabes traductum, pronuncians autem potius *Tabâschîr*, per *sch*, estque prima *Tib*, existente *Alif* post *B*.) cùm hoc nomine nunc Indis denotetur *Saccharum Mambu*, ut refert Garcias ab Horto, necessaria hîc occurrit disquisitio: Equidem à Ger. Cremonensi apud Rhafen ad Almanforem lib. 3. cap. 36. itemque in Avic. lib. 2. Canon. cap. de *Taba-*

*Tabaschir* (quod est in Latino c. 616.) redditur *Tabaschir Spodium*; periculoso sanè errore, si intelligatur metallicum illud (cùm aliud *Spodium* verum non sit,) de quo Diosc. libr. 5. cap. 85. quod non nisi in externis affectibus adhibitum fuit à Medicis vetustioribus; cùm tamen *Arabum Tabaschir* passim ab hisce in affectibus internis adhibeatur.

43. Utique *Tabaschir Arabum*, cardiacis medicamentis annumeratur ab Avic. lib. de Cord. Med. tract. 2. itemque libr. 2. Can. Et ad cohibendum sanguinem in alvi fluxu commendatur libr. 3. Can. fen. 16. tr. 1. cap. 4. Velut item *Trochisci de Tabaschir* præscribuntur ab eodem, libr. 5. Sum. 1. tract. 8. intus adhibendi ad restinguendam febrem acutam, tertianam, cholicas, &c. quæ sanè in *Spodium Antiquorum* nequaquam possunt congruere. Similia de *Tabaschir* ex variis Autoribus refert Serapio, lib. Simpl. cap. 342.

cap. 342. ubi tamen corruptè legitur apud Interpretem ( vitio Typographi vel Scribariorum, ) *Sataischir*, pro *Tabaschir*: Speciatim ex Rhase dicitur ibidem, fortificare stomachum, & conferre syncopi, & cardiacæ calidæ, quando datur in potu ex eo.

44. Sed neque admittenda est sententia Salmasii, qui post Garciam, & alios, existimat *Arabum Tabaschir*, esse *Saccharum Mambu*, quod interim cum *Veterum Saccharo* unum idemque facit. Etenim, *Saccharum Veterum* quatenus adsimiles melli vires habet in abstergendo, & digerendo, Galeno teste, *calidum* utique habendum est; idemque affatim *humectare* dicitur *Æginetæ*; unde *nec fitim affert*, veluti vulgare mel, Galeno rursus attestante, locis suprâ citatis: At *Tabaschir frigidum* existit in 2. grad. *siccum* in 3. docente Avicennâ locis allegatis; seu, ut Serap. refert ex Rhase, *frigidum & siccum* est in tertio gradu.

45. Præ-

45. Præterea *Saccar Mambu*, seu *Veterum Saccharum*, *dulcis liquor* est; in colore *Salis*, & *dulcedine mellis*, ut ex *Avicenna* citavimus; unde *mellis species* à *Galeno*, seu *mellis concreti genus* à *Dioscoride* constituitur: At *Tabaschîr amaritudinem* aliquam habet, teste *Avic. libr. 2. Can. in proprio Capite*: Cujus etiam *amaritudinis in sapore* meminit *Serapio ex Rhase, lib. Simpl. cap. 342.*

46. Quin &, cùm *Tabaxîr* passim *adstrictoriam facultatem* habere dicatur, ab *Avicen. aliisque*, *Saccharo* tamen *omni leniendi facultatem* tribuunt; imprimis verò illud habere *solutivam facultatem*, inquit *Avic. (lib. 2. Can. cap. de Zuckaro,)* quod super *arundinem* invenitur instar *Salis*, hoc est, *Antiquorum Saccharum*; Quin & *Diosc. suo Saccharo resolvendi seu discutiendi facultatem* tribuit, quippe illitum ea discutere ait, quæ *pupillis tenebras* offundunt; dumque *assimiles melli* habere vires, quoad



quoad abstergendum & digerendum Galeno dicitur, utique adstrictoriâ facultate frigidâ præditum non est.

47. Insuper *Sacchari Veterum*, (quod cum *Saccharo Mambu* idem habetur, aut eidem non admodum dissimile est,) ejus inquam, quod super arundinem invenitur sicut *Sal*, quodque sicut *gummi* ab arundine assumitur, mentionem facit Avicen. in capite peculiari de *Suc-karo*, idemque inter *Suckari* species collocat; At à *Sacchari* speciebus suum *Tabaschîr*, quod seorsim tradit, eo ipso manifestè distinguit. Similiter *Serapio*, aliique *Arabes*.

48. Hoc addo, *Tabaschîr* Avicennæ dicuntur adusta radices *Cannarum Indicarum*, seu earundem cinis, (dum enim impulsu ventorum extremitates earundem colliduntur inter sese, incendium concipere dicuntur, referente Avicenna;) Atqui *Veterum Saccharum* gummi vel *Salis* instar ipsis arundinibus (integris) adhærescit, teste  
F. Diosco-

Dioscoride, Galeno, Plinio, aliis, etiam iis quas ignis non tetigit, attestante Garcia ab Horto.

49. Denique inter *Cannam Avicenna*, cujus radices adustæ *Tabaxîr* esse dicuntur, & *Arundinem Indicam*, quæ Saccharum fert, plurimum intercedit discriminis; Hæc quidem *Avicennæ* disertè vocatur *Kadsb Af-Suckar*, arundo Saccharina, (in capite de Suckaro;) Illa verò *Al-Khanna*, vel, (ut alibi) *Al Khannah* (in cap. *Tabaschîr*, lib. 2. Can.) Est autem *Khanna*, seu *Al-Khanna*, propriè *Ferula*, cujus variæ species sunt: Ita namque *Silphium* seu *Laserpitium*, *Sagapenum*, *Euphorbium*, *Galbanum*, *Hammoniacum*, gummi sunt, seu inspissati succi, ex arboribus ferulaceis sui generis provenientes, in Syria, Armenia, Media, Lybia, Mauritania, &c. ut constat apud Diosc. lib. 3. cap. 94. 95. 96. 97. 98.

50. Hinc & τὴν *Khannah* propriè pro ipso *Galbano*, *Bârzed* Persis dicto, accipitur,

tur ( planta scilicet pro gummi ex ipsa planta resudante,) ut alibi monuimus: quandoque & pro *Hammoniaco* occurrat: Quippe Ibn Bejtari *Al-Khanna* in Mauritania seu Andalusia vocatur *Kelach*; at *Kelach* Ægyptiis significat idem quod *Osback* Persis, pro quo Arabes dicunt *Woschack* & *Woschagj*, quod denotat *Hammoniacum*: Eaque Ferculæ species, unde *Hammoniacum* provenit, propriè *Tarthouth* Arabibus dicitur, docente Avicennâ in cap. de *Osback* seu Ammoniaco, ubi Interpres simpliciter *Ferulam* vertit.

51. De *Tarathît* (quod est Plur. *Tarthouth*, ) peculiari capite agit Avicen. dicitque esse frustra ligni nodosi vel corrugati, (ut vertit Interpres,) seu corrupti potius, aut fortè fungosi; virtutem habere balaustiae, stipticam, stringere, & retinere fluxum sanguinis, ac convenire dysenteriae, bibitum in lacte caprarum. &c. (Bellunenſis *Hypocistidem* interpretatur, Syl-

vaticus fungum inquit esse, qui nascitur in radice rosæ caninæ, sive secundum Avicennam, inquit, barbæ hircinæ, cujus succus exiccatus sit *Hypocistis*: Sed præter mentem Avic.) Illa utique viribus saltem non malè conveniunt cum *Tabaschîr*. Quicquid sit, teste quidem Avicenna, *Tabaschîr* provenit à quadam *Ferulæ* specie, in India nascente, habeturque pro ejusdem radicibus adustis, seu earundem cinere.

52. Plurimum autem inter *Alkhannam*, idest *Ferulam*, & *Arundinem*, intercedere discriminis, vel exinde liquet, quòd de *Arundinis* quidem speciebus agat Dioscorides l. i. c. 114. de *Ferula* autem seorsim lib. 3. cap. 91. Perperam itaque *Canna* passim cum *Arundine* confunditur: Quod ex parte quidem agnovit Andr. Bellunenſis in Interpretatione Arab. Nominum, at planè rem expedire non potuit, dum inquit, *Alchanna* seu *Alcona* sunt arbores subtiles longa, habentes nodos sicut *Canna*,

DE SACCHARO. 125

*Canna*, ( idest arundines, ) sed differunt eo quod huiusmodi *Alchanna* non habeat cavitatem, & Arabes utuntur eis loco lancearum; & ex his reperiuntur arbores grossæ, ex quibus conficiuntur vasa magna utilia. Et *spodium*, inquit ( id est *Tabaschîr*, ut vulgo vertunt, ) fit maxime ex radicibus arborum prædictarum subtilium combustis.

53. Distinguendum verò inter *Al-Khanna*, per *Kaf* seu *Kh*, de quo hîc, & *Al-HHanna*, per *Lit*. *Hba* gutturalem, quod & *Alchanna* Interpretes pronunciant, Sylvaticus *Henne* habet; Hoc enim denotat *Cyprum*, de quo *Diosc.* lib. 1. c. 124. atque de hoc peculiari capite agit *Avicenna*. Præmittendum quoque non est, quòd in *Lexico Pers.* dicatur *Tabaschîr* à *Turcis* vocari *Tebescir* ( primâ Literâ *T.* simpl. ) At *Turcæ* *Tebeschîr* vocant *Cretam* puriorem seu præstantiorem.

54. Saltem apparet ex dictis, nec Arabibus, nec Persis, nec Turcis,

vocem *Tabascîr* propriè notam esse pro *Saccharo Mambu*. Nec verò est quòd propriam seu geminam & *Schîr* in compositione seu terminatione respiciamus significationem, quod nempe Persis *Lac* designat: Id enim ipsi Avicennæ utique (qui ipse fuit natione Persa,) incognitum esse non potuit; at qui nihilominus *Tabascîr radices Canna adustas* esse dicit. Nisi fortè velimus intelligere succum, per adustionem Cannarum seu Ferularum ad radices earundem exsudentem, ibidemque concretum, qui *Tabascîr* vocetur: ut ita *Tabascîr* sit concretum quid circa radices cujusdam Ferulæ, atque ex iisdem quasi exsudans, aut fortè excrecentia quædam fungosa, (veluti radicibus *Cysti* adnascitur aliquid mali punici cytino simile, quod *Hypocistis* dicitur, Diosc. lib. I. c. 127.) quæ in cineres redacta in usum Medicum veniat.

55. Equidem Persis *Tebâh* vel *Tebeh*, *putridum* denotat, ut & *devastatum*, *destructum* ( si fortè id quippiam ad significationis originem investigandam queat conferre ; ) *Schîr* verò, seu *Schêr* potius propriè, quidem *Lac* significat, sed & omnem *succum* qui aliunde vel suâ sponte vel pressione promanat, itemque *lachrymas* inspissatas; ut exposuimus in dissert. de Manna. Ut adedò deceptus fuerit magnus *Salmasius*, cùm existimavit *Schîr* seu *Schêr* Persis dici Græcorum *Ξηρόν* : Græci enim, inquit, *Ξηρόν* & *Ξηρίον* propriè vocant medicamentum aridum, & quod in pulverem redigi potest vel vice pulveris inspergi : tale est, inquit, *Saccharum Mambu*. Erroris causa fuit, quòd viderit Vir Illustris, *Schîr* Persarum à Barbaris Interpretibus exprimi *Xir*, per *X*, quod illi Interpretes certè non pronunciant more Latinorum, quibus *X* valet Græcorum *Ξ*, sed more Hispanorum quibus valet *Sch*, vel *Sj*. Nam-

que reverà illud *Xîr* exprimitur Persarum literâ *Schin*, quæ valet *Sch*. Modestè autem subjungit vir summus, *Viderint Lingua illius periti*: Conjecturam duntaxat suam voluit exprimere.

56. Ceterùm eadem vox Persarum, quæ pronunciata ut *Schêr*, (nempe vocali paulùm ad *e* vergente,) significat *Lac*, pronunciata ut *Schîr*, sono penitus vergente ad *i*, *Leonem* significat: An fortè hinc ratio petenda, cur Græci recentiores *Hammoniacum* itemque *Laserpitium*, (quæ item inspissati quidam succi, seu Gummi quædam species sunt,) λεοντόγαλα *Lac Leonis* vocent, teste Salmasio? scilicet τατ' ἐξοχῆν hisce succis tribuendo, quod pluribus commune est, ac interim indigitando tale *Lac*, seu talem succum inspissatum, qui Persis sub eadem appellatione *Leonem* significet: id quidem aliis perpendendum relinquimus.

57. Patet ex prædictis, *Tabaxîr* Avicennæ aliorumque Medicorum Arabum,



Arabum, nequaquam esse *Saccharum Veterum*, seu *Saccharum Mambu*: Sed neque hoc ipsum Indis olim insignitum fuisse nomine *Tabaxîr*, colligi potest ex Garcia ab Horto, loc. superius cit. ubi, *Indigenæ nunc etiam*, inquit, *Tabaxir* vocare caperunt, quoniam eo nomine petitur ab Arabibus, Persis, & Turcis, qui id mercimonii causa in suas regiones exportant. Nempe, cum jam pridem dubitatum sit de *Tabaxir* Arabum Medicorum, ac nonnulli crediderint id esse *Saccharum*, mercatores id nominis rei alienæ (ut sæpius contingit, præsertim si spes lucri affulgeat,) imposuerunt, atque sub nomine *Tabaxir Saccharum Mambu* nunc petunt. Sic valent vocabula ut nummi.

58. Sed quid ergo verè *Tabaschîr* Arabum esse dicemus? aut potius quid pro eodem incognito in usum Medicum adhibebimus? *Spodium* Græcorum id nequaquam esse diximus; ut-

pote quod metallicum, ac non nisi externis affectibus adhiberi solitum: Nempe, τὸ σποδίου seu σποδός Græcorum *Pompholygi*, (quæ *Toutia* est Arabum, teste Ibn Beitare,) affine Medicamentum est: specie enim tantum, non item genere distant, dicente Dioscoride lib. 5. cap. 85. Utriusque communis materia *Cadmia* existit: Namque, (præterquam quod *Pompholyx* seu *Tutia* etiam oriatur ex fumo, qui elevatur, ubi purificatur æs à lapidibus & stanno eidem admixtis,) docente Avicenna cap. de *Tutia* libr. 2. Can. sublimatur etiam *Cadmia*) *Kilimia* vocata Arabibus,) quodque inde elevatur in altum, est *Tutia* bona; quod verò residet inferius, est *Cadmia* quæ nominatur *Spoudous*, (idest σποδός, seu *Spodium*:) Idem similiter declarat Marnard. Annot. in Compos. Mesuæ, distinct. 8. ad Confect. Troch. de Spodio; idemque colligi potest ex Diosc. cit. loc.

59. Notandum interim, mendum esse in text. Avic. unius literæ, quippe posita est lit. *Kaf* pro *Phe*; (inter quas unius puncti discrimen,) sicque pro *Spoudous* seu *Spodos* legitur *Skoudous*, se *Skudus*; at pro hoc expressit Interpres *Sukkudus* vel *Succudus*, more Arabum ac Hebræorum, qui nunquam duos consonantes in eadem syllaba conjungunt non intercedente vocali. Liquet autem ex dictis, quod & notatum ab Illustri Salmasio, malè Garciam ab Horto *σποδῶν* & *Tutiam* eandem facere. Quod est verum, inquit Salmasius, si *Cadmia* eadem cum *Spodio*: Nam *Tutia* est *Cadmia*, inquit. Similiter Amatus Lusit. Cent. 1. Cur. 31. Contendit *Tutiam* esse *Cadmiam*. Dioscoridis, non verò Pompholygem. Sed ipsum quoque Illustrem Salmasium, acante eum Amatum Lusit. hîc in errore versari, liquet ex præcedentibus.

60. Quamvis autem *Tabaschîr* Arabum, *Spodium* Græcorum non sit; reverà tamen habendum esse pro *Antispodio* quodam, patet ex ipsius viribus, superius descriptis: idemque agnoscit Manardus Annot. in Compos. Mésuæ distinct. 8. Ita nempe ipso quoque Dioscoride docente libr. 5. cap. 86. deficiente *Spodio*, *Antispoda* in illius locum sufficiuntur: quæ varia ibidem proponit, modumque parandorum describit. Parantur autem ex Myrti foliis, floribus, & baccis, aut ex sylvestris olivæ cauliculis, aut ex malis cydoniis, aliisque variis ibidem recensitis, in cinerem certâ ratione redactis; quæ pleraque, veluti Spodii vires habere traduntur, ita & tutò intus exhiberi possunt; ac cardiacam vim habent ideo quod spiritus cohibeant: à qua facultate etiam id quod Arabum Interpretes *Spodium* vertunt, (scil. *Tabaschîr*) commendatur apud Avicenn. lib. de virt. Cordial. Certè talibus convenienter

venienter assimilari potest *Tabaschir* Arabum, videlicet *Radices illa Cannarum adusta*, seu earundem cinis.

61. Atque ita Joh. Manard. Annot. in Compos. Mel. distinct. 8. in Confect. Trochisc. de Spodio, Recentiores, inquit, Avicennam sequentes, *Antispodium Spodio* præferunt, maxime id quod ex *Cannarum radicibus exussis*; licet sint alia plura præstantiora, ut quod ex myrto, vel olea, vel lentisco. Huc pertinet id quod habet *recias* ab Horto, c. 13. *Ea Tutia*, inquit, (perperam Græcorum *σποδόν* pro *Tutia* haberi paulò antè innuimus,) quæ nos hîc utimur, quamque in Lusitaniam & Hispanias, reliquasque occidentales regiones exportant, è metallicis conflata non est, sed ex eorum est genere, quæ Dioscoridis *ἀντισποδία* appellantur. Mihi enim retulit Mercator, harum similiumque rerum curiosus indagator, se certò accepisse à Persicis Negotiatoribus, hanc *Tutiam*, (seu *Spodion* hoc) in *Quirmon* Persia regione

& Ormuz finitima, fieri ac conflari è cineribus arboris cujusdam istic nascentis, nomine Goan, qua fructum ejusdem nominis profert, cortice & putamine constantem: Corticem verò & nucleum, qui putamine clauditur, edules esse.

62. Apparet ex suprà dictis, periculosam esse in re Medica dubiarum vocum versiones; ut longè satius sit, easdem immutatas relinqui, quàm perperam in usitatiorē linguam transferri. Notandumque, ubi apud Arabum Interpretes, aut Recentiores quoscunque, occurrit *Spodium* in medicamentis intus sumendis, nequaquam intelligendum esse *Spodium* Græcorum, seu metallicum illud medicamentum; sed *Antispodium* quoddam: Cujus loco, cùm destituamur dubio atque increto Arabum *Tabaxîr*, commodè *Ebur ustum* sumitur, teste Fernelio libr. Meth. Med. cap. 23. quod in Dispensatorio Cordi variis in locis substitui potest; quia, teste Jac. Sylvio

vio libr. i. de medic. simpl. natura, Ebur totâ substantiâ corroborat, & conceptum juvat, frigidumque sic- cumque est primo gradu. Malè autem nonnulli *Anisopodium* fieri censent ex ossibus Elephanti crematis, ossa quippe Elephantum in Medicina nullius esse usus, (ut nec instrumentis & operibus faciendis,) sed ab Indis abjici, solos dentes in usum venire, testis est Garcias ab Horto cap. 13. & 14.

63. Sed hæc de *Tabaschîr* Arabum, putatio nimirum *Veterum Saccharo*, seu *Saccharo Mambu*: Ad *Saccharum* ipsum revertimur. *Aliud Sacchari genus*, præter id quod Salis instar *Harundinibus* adhærescere diximus, *Veteribus* cognitum fuit; diversum tamen interim quoque ab hodierno nostro. Nempe, ex *Arundinibus* quibusdam, vel earundem radicibus, succum exprimebant, quo vel crudo ac suapte facultate fermentato, vel etiam decocto forsan, ceu *liquido melle*, tum in potu, sum

tum & in cibo fortassis pro condimento, nec non in medicina, utebantur.

64. Hunc *succum melleum*, seu *saccharinum liquorem*, Avic. lib. 2. Can. cap. de Saccharo, vocat *Ast Al-Kadsb*, *Mel arundis*; quod quidem *Mel*, quamvis dicto loco distinguatur à *Saccharo*, quando dicuntur *Mel arundinis* & *Saccharum* non esse inferiora melle in abstergendo & mundificando, &c. diserte tamen illud inter Sacchari species ibidem refertur, atque in ipso illo capite de Saccharo de eodem agitur: ut adeò illic per *Saccharum* à melle arundinum distinctum, intelligatur *Saccharum vulgare*, ac imprimis *Saccharum illud Veterum*, de quo jam antè diximus, cui & ipse Galenus adsimiles melli vires in abstergendo tribuit. Alioqui l. 4. Can. fen. 1. tr. 2. cap. 8. *Mellis arundinum* mentionem faciens Avicen. diserte addit, id esse *Saccharum*: Substantiâ nempe id ipsum cum *Saccharo vulgari* unum idemque est;



est; spissitudine tantum ac consisten-  
tiæ modo diversum.

65. Præter Arabes tamen alii hunc  
melleum succum *Sacchari* nomine, quod  
sciam, non indigitant; rem ipsam  
tamen frequenti in usu habuerunt.  
Tale namque Saccharum in India &  
Ægypto frequens esse solebat: Ejus-  
que mentionem facit Lucanus (quem  
C. Cæsare & L. Cæsiano Coss. natum  
esse constat,) de Indis loquens,

*Quique bibunt tenera dulces ab  
arundine succos.*

66. Arundinum illarum in Ægy-  
pto nascentium dulcium, unde mel-  
leus ille humor exprimebatur, memi-  
nit Gal. 4, de simpl. med. facult. ubi  
molles radices calamorum, maximè  
Ægyptiorum, dulces esse ait. Ac Stra-  
bo in quodam Æthiopie loco καλά-  
μους Ἰνδικῆς *Arundines Indicas* plures  
nasci prodit: Ut verisimile sit, certo ge-  
neri Arundinum hoc nomen inditum,  
etiamsi non solum apud Indos nasce-  
retur.

retur. De hoc Arundinis genere, melleo succo turgente, Varro apud Isidorum, hic versibus canit,

*Indica non magna nimis arbore  
crescit arundo,*

*Illius è lentis premitur radicibus  
humor,*

*Dulcia cui nequeunt succo contem-  
dere mella.*

67. Similiter Solinus, Plinii contemporaneus, cap. 65. de India scribens, inter alia ita ait: *Qua palustria sunt, Arundinem creant ita crassam, ut fissis internodiis lembi vice vestiet navigantes: E radicibus ejus exprimitur humor dulcis ad melleam suavitatem. Atque ex Isidoro refert Salmasius, In Indicis stagnis nasci arundines, qui calami dicuntur, ex quorum radicibus expressum suavissimum succum bibunt. Strabo (qui sub Octaviano celebris fuit,) libr. 15. ex Erasistrate memorat τὰς εἰς τῶν φυτῶν καὶ μάλιστα τῶν μεγάλων καλάμων γλυκίας καὶ φύσει καὶ ἰψήσει, Radices plantarum, praesertim*

DE SACCHARO. 139

*praesertim magnarum arundinum, & naturâ & decoctione dulces.* Huc pertinet illud Statii Papinii, (qui Nervæ Imperatoris temporibus claruit,) libr. 1. Sylv.

*Et quas præcoquit Ebofia Cannas.*

68. De hac *Arundine Saccharina* etiam intelligi vult Salmasius Exercit. in Solin. part. 2. pag. 1312. *Ferulam* illam *arboream* Insularum Fortunatarum, quæ expressa reddebat aquam potui jucundam ac dulcem. Narrat Plinius, post Jubam, inquit Idem, (p. 1018.) in quadam ex insulis Fortunatis *Ferulas* surgere ad arboris magnitudinem, candidas, quæ expressæ liquorem reddunt potui jucundum. Similiter, In Hispaniola tradunt Cannas gigni, inquit ibidem, ex quibus melleus & saccharinus succus educitur, sed coagulari non posse.

69. Sed de isto genere Arundinum, melleo liquori reddendo aptarum, dubitatur,

bitatur, an idem sit cum illo, quod præcedens Sacchari genus, Salis Indici nomine indigitatum, proferre diximus? an verò genus quoddam diversum? Idem illud, nempe magnum, ac in arboream amplitudinem exurgens, à Solino, Isidoro, ac Srabone intelligi, ex citatis locis apparet: ac verisimile id ipsum reddit Salmasius, licet invitus, dum eidem accenseri vult Ferulam arboream Insularum Fortunatarum.

70, Veruntamen non valde magnum esse illud Arundinum genus, insinuat Lucanus, dum canit

— *tenera dulces ab arundine  
succos.*

Similiterque Varro, dum inquit  
*Indica non magna nimis arbore  
crescit arundo.*

Atque in hac sententia est ipse Salmasius, qui putat Veteres nonnullos harundines istas, ex quarum radicibus exprimitur dulcis humor, confudisse cum

cum illis harundinibus, qui Saccharum ferunt, seu quibus Saccharum adhærescit: Statuitque Cannas illas Indicas, quæ ipsæ vel quarum radices expressæ *mellum* illum Veterum *humorem* reddebant, easdem planè esse cum illis Cannis, quæ nobis hodie Saccharum, sic vulgo nominatum, generant.

71. Ac de hisce quidem, hæmodica sunt, inquit (pag. 1022.) ac Papyro similes; amplissimæ illæ, in quibus nascitur Saccharum Mambu, quod verum ac legitimum est Saccharum Priscorum: Hæc plenas esse statuit, non inanes & cavas; secus atque arboreæ illæ se habent. Atque ita de Arundine illa Solini, quam dicit fissis internodiis lembi vice vestigare navigantes, atque è cujus radicibus inquit exprimi dulcem humorem: Hæc est *Harundo Mambu*, inquit Salmasius (pag. 1311.) super quam concrevit Saccharum Mambu; non ex hujus radice *humor dulcis* exprimebatur, sed ex alia minore,   
cujus

cujus humor expressus & coctione densatus, *Saccharum hodiernum* dat.

72. Dissentire hîc Costæum observo, qui Annot. ad Mesuæ libr. 1. Secret. Med. distinct. 1. in initio, *Antiquorum Saccharum*, salis modo coactum, dentibus ut *Sal fragile*, ac *splendidum*, ex eadem planta provenire, ex qua nostrum *Saccharum vulgare*, discas, inquit, ex *India Commentariis*; adhuc enim apud *Beibecalam India* tale videre est, iisdem *arundinibus sponte adnascens*, ex quibus reliquum purius atque impurius conficitur. Hæc eadem Scaligeri sententia est, quam Salmasius impugnat.

73. Et sanè, quid obstat quò minùs ex radicibus etiam majorum *Arundinum* æquè succus aliquis melleus exprimi queat, qui apud Veteres in usu fuerit, atque nunc ex *arundinibus minoribus* totis succus exprimitur, qui in *vulgare Saccharum* coctione redigitur? Certè Veterum testimonia, *Solini*, *Isidori*, *Strabonis*, disertè hoc innuunt :

innunt: Videreturque hoc ipse Salma-  
sius asserere (pag. 1312.) ubi, *quod*  
*ex Cannis Saccharinis exit*, inquit, &  
*densatur calore*, ejusdem penè faculta-  
tis, imò aliquanto etiam majoris, cum  
succo ipso Cannæ, quo expresso &  
decocto *factitium Saccharum* paratur.  
Ex una itaque eademque Canna pars  
succi sponte *exit & densatur calore Solis*,  
sicque in id quod *Sal Indicum* vocatur,  
cogitur; pars alia exprimitur decoquitur-  
que in *Saccharum factitium*, seu nostrum  
vulgare.

74. Atque ita fortè ex utroque illo  
Arundinis genere, majore & minore,  
utrumque Sacchari genus proveni-  
re statui aut credi potest: quamvis for-  
tè Veterum illud Saccharum, spon-  
te exsudans, alibi magis, alibi minùs  
proveniat; fortè etiam ex aliquibus  
Cannis non nisi unum genus, atque  
ex aliquibus fortè neutrum: Utraque  
saltem Arundo, tum magna illa, tum  
parva, dulci liquore imbuta est, quid  
ni ergo

ni ergo ex utroque genere, annoso jam existente, quippiam fortè exsudet? quid ni ex utroque quid exprimi queat?

75. Liqueat ex dictis, *Arundinem Saccharitum* quamcunque Veteribus fuisse cognitam: ac non modò *Saccharum* noville sponte exsudans, & calore Solis concreescens in Salis consistentiam; sed & dulcem liquorem ex eadem exprimi solitum ab incolis locorum. De Arte verò excoquendi ejusmodi mellei succi, qui ex Cannis elicatur, & coagulandi, ac penè in lapideam duritiem cogendi, ut fit in *Saccharo* hodierno, quid judicandum, quid statuendum? Hanc prorsum incompertam Veteribus fuisse audacter pronunciat Illustris Salmasius; nec admodum dubitat sententiam ferre consimilem Quercetanus, *Diætet. Polyhist. sect. 3. cap 8. Cocturâ* interim Veteres quandoque usos fuisse, constat ex Strabone & Statio superiùs citatis:  
Sed



Sed eâ usi videntur tum ad purificationem, tum ad meliorem succi conservationem.

76. Talem *decoctionis* rationem, usitatam etiamnum ætate Recentiorum, describit Platearius de Simpl. Medic. Lit. Z. cap. 2. ubi *Zuccara* sic fit, inquit: Cannæ illæ in quibus crescit radicatus rescinduntur, cum sunt maturæ; earum summitates abjiciuntur, ad mensuram 1. vel. 2. palmarum, & statim infiguntur terræ in specie graminis; reliquum incisum per frustula terunt in mola, & liquorem cum fustibus recipiunt in vasculis, & totum missum in caldarium cogunt, & videtur totum transire in spumam; & haurientes ponunt in vasculis rotundis, & sic ponunt in angulis domorum; statimque cooperit palea: & superaspergunt aquam frigidam, & inde fortius ebullit: & quantò plus excoquitur & depuratur, tantò magis minuitur substantia, & magis dealbat.

tur. Illud verò cui modicum aquæ aspergitur, remanet citrinum; & illud valde calidius unde neque in acuris debet dari, & dicitur *Zuccara mellita*. In eodem cucurculo circa fundum quandoque tale est; superius verò album & laudabile. Item cum aceto coque donec exuratur; & forma inde Magdaleones, optima suppositoria sunt in acutis contra ventris constipationem. Hæc Platearius.

77. Talem ergo *Cocturam liquidam* Veteres item parârunt, atque asservârunt fortè tum pro potu, tum pro condiendis cibis, tum pro usu in Medicina: At succum illum mellitum in panes atque pyramides redegisse, solidamque quâ nostrum saccharum servatur substantiam, nullibi reperitur: Ut adeò *Saccharum hodiernum*, quâ tale, quoad externam formam, Recentiorum (saltem post Galeni tempora,) inventum videatur habendum.

78. Nomen itaque antiquum *Sacchari* servatur; sed rei planè diversæ accommodatur. Quippe arundo ex qua Veterum *melleus liquor* exprimebatur, qui ipse in usum servabatur, nunc equidem secatur, tunditur, molitur, premiturque ad succum eliciendum, qui deinde excoquitur, ad eam spissitudinem, eamque duritiem atque candorem, tandemque in eam metæ formam, quam passim in nostro *Saccharo* cernimus, in ligneis quibusdam vasculis, deducitur. Hæc verò ejusdem materiæ mutatio varia, ut insignem formæ accidentariæ, ita & quodammodò virium diversitatem, procul dubio inducit.

79. De Arundine ipsa, ex qua *vulgare Saccharum* paratur, hæc refert *Marnard*. Epist. 2. libr. 2. quæ à Siculis & Lusitanis se cognovisse testatur. *Planta*, inquit, ex qua exprimitur succus, humectis locis proprio semine *furculisve* seritur, *exteriore quidem specie*

G 2 arundini

arundini magnæ similis, interiore substantiâ valde dissimilis: pulposa enim est, gravis, mollis, & succi plena, quum arundo e contrario sit levis, dura, vacua; & propterea milio potius Indico, quod melicam vocant, quam arundini similis. Ejus copiosum in Siciliae & Canariæ Insulis proventum commemorat. In Medera, Syria, ac Indiæ Insulis, inquit Langius Ep. 64. lib. 1. ex succo radicum cannarumque medulla, instar sambuci molli, & succi plena, in subjectam pelvim expresso, in æneis caldariis donec concreseat, aut instar crystalli coalescat, decoquitur.

80. Rem ipsam describit in hunc modum Manardus: Res *Zuccharum* dicta, tantoperè nunc mensis experita, ut in proverbium abierit, non esse escam quæ Zaccharo vitietur, nihil aliud est, quàm succus è proprii generis planta bene contrita expressus, calore ignis plus minúsve excoctus, coactus,

ctus, & defœcatus; in *Zuccharum* tantò candidius & durius evadens, quantò plus coctionis defœcationisque toleraverit. Ex diversa autem ejusmodi defœcatione & coctura, contingit *varios ei perfectionis numeros* adscribi, ut quoddam *summum* dicatur & *perfectissimum*, à fine nomen vulgo accipiens, quia videlicet ad finem bonitatis pervenerit, candore, duritie, suavitate præcipuum. (*Finum* hoc à puritate, ac tenuitate substantiæ dici, videri queat, Belgis *syjn* / detractâ nimirum omni fœculentâ materiâ; quamvis cum Monardo sentiat Costæus.) Aliud *infimum*, huic penitus contrarium, lentum, humidum, nigricans, insuave, & fœculentum, *prima decoctionis* vocatum. Inter hæc duo extrema, duo quoque sunt media; alterum *infimo proximum*, *secundæ*; reliquum *summo*, *tertiæ coctionis* nominatum. Hæc Monardus.

81. *Infimum* illud, seu ignobilissimum, quod *prima decoctionis* dicitur, foris albidum,

bidum, intus subrubrum apparet, tanquam alio fartum, & foris alio tectum, metis constans peramplis; omnium glutinosissimum est; condituris atque confectionibus siccis ineptum, liquidis autem, nempe Syrupis, conservis, & similibus adhibetur, quia misturâ vilitatem suam tegit. Hoc cum mare sentit, (nam eo naves ad gravitatem saburrant,) efficitur id quod vulgo *Rubrum* vocant. Nonnulli tamen *Rubrum Saccharum* spumam & spurcitiâ Sacchari se coquendo purgantis existimant, ut tradit Jac. Sylvius lxx. I. de simpl. medic. natura.

82. *Optimum* illud, seu *Finum* dictum, quod nempe *quarta decoctionis* esse diximus, durum ac solidum existit, ac mutuo metarum allisu, ligni ficci vel solidi instar sonorum; ob siccitatem verò, ac substantiæ tenuitatem & puritatem leve, dulcissimum ac candidissimum; ac iudice Costæo, siccius ac calore inferius est impuro.  
Tale

DE SACCHARO. 151

Tale *Valentinum* est, in metas pyrami-  
dum æmulas coactum, parvas, librę cir-  
citer unius & dimidię: carissimum hoc,  
& confectionibus siccis aptissimum  
Ei verò & præstantiâ & pretio proxi-  
mum est, quod *Madera* vocatur, (ex  
Insula Madera advectum;) in metas  
id longè majors, 6. 7. 8. 9. 10. libra-  
rum conformatur. Prædictis bonitate  
cedit, quod ex *Canariis* Insulis, (olim  
*Fortunatis*,) adfertur, metis constans  
maximis, 10. vel 12. librarum.

83. *Optimum* dum magis magisque  
coquitur, tandem planè clarescit, at-  
que aluminis scissilis in modum trans-  
lucet: hoc vulgò *Candum* & *Candidum*  
vocant. Quamvis Monardus Epist. 2.  
lib. 2. existimat, Saccharum illud Ve-  
terum, olim ex India vel felici Ara-  
bia asportatum, nunc *Candum* vocari,  
quia nimia *Solis incandescentiâ* multum  
obduruerit: Hoc verò non amplius  
hoc tempore portari, quoniam ex no-  
stro Zuccharo aliquoties excocto, lu-

celli majoris corradendi gratiâ, Sepiasiarli Veneti rem similem facere didicerunt, arundines quoque ipsi immitcentes, supra quas videri possit conglobatum, & gossypio involventes, ut ex orientalibus regionibus in vectum putetur.

84. Falsos illos, inquit Salmas. Exerc. in Solin. part. 2. pag. 1022. qui *Saccharum* vulgò dictum *Candum*, contendunt esse *Veterum Saccharum*: Hoc arte tantum paratur, inquit; *Priscum* illud, (quod perperam dicit esse *Ta-baxir*,) nihil arti debet. Non alii Auctores, inquit, *Sacchari Candi* meminerunt, quàm qui *Saccharum* hodiernum factitium noverunt, ut Myrsus. *Saccharum Candum*, inquit, non à candore dictum, nec à Canna, sed *καυτή*, vel *καυτὸν*, vel *καύνον* Græci recentiores vocarunt, quòd angulosum sit, & quum frangitur, in partes semper diffiliat angulares: Id Græci vulgares *καυτὸν* appellant. Græci Veteres non minus



minùs hallucinati sunt, inquit, qui Veterum Saccharum pro Manna acceperunt: Inter quos Aphrodisæus, (cujus verba superiùs citavimus.)

85. At alibi (pag. 1312. 1313.) Quod ex Cannis Saccharinis exit, inquit, & densatur calore, ejusdem penè facultatis, imò aliquanto etiam majoris, cum succo ipso Cannæ, quo expresso & decocto *factitium Saccharum* paratur. Illud est *Saccharum Candi nativum*, inquit, & longè quidem præstantius illo quod arte fit. Non ergo differt toto genere *Saccharum Veterum*, (quod *nativum Candi* est) à *Saccharo factitio* (seu *vulgarè*) cum non necessariò ex diversis plantis, sed & ex ejusdem Cannæ succo utrumque proveniat, alterum sponte exiens, alterum per expressionem & decoctionem; secus atque contra Scaligerum Vir Illustris urgebat. Cæterum quod attinet vocem *Kand*, hæc ipsa quoque apud Arabes in usu est, atque eadem

apud Avicennam quandoque occurrit: (an eam hi à Græcis, an Græci ab hisce assumpserint, fortè dubium.) Ibn Beitar *Succum* interpretatur, qui ex *Arundine Saccharina* colligitur, ex quo *Saccharum* paratur: Clariss. D. Goliuss in Lexic. Arab. *Mel arundinis saccharifera* reddit, *pecul. concretum*: In Lexico Persi. vertitur *Saccharum*: Vox dubia videtur Orientalibus; adeoque ad Græcos transferenda.

86. De *Saccharo Taberzed* item verbo dicendum: Vocabulum hoc itidem Persicum est, à Persis ad Arabes traductum: ex *Teber*, quod *securim manusalem*, vel *malleum* denotat, & *Zeden*, *percutere*, quasi securi dividendum ob duritiem, quo modo etiam Paraphrastes Turca interpretatur; quippe est saccharum per coctionem ad insignem duritiem, adeoque & puritatem, reductum. Hujus speciatim meminit Avic. lib. 2. Can. cap. de *Zaccharo*, (ubi *album* vertit Interpres,) dicitque frigidius

DE SACCHARO. 155

frigidius esse atque subtilius, scil. præ  
 saccharo communissimo. Ac libr. 4.  
 Can. fen. 1. tr. 2. cap. 22. (quod est  
 de asperitate linguę in febr.) Linguam,  
 ubi viscosa est, fricari jubet cum *Sac-*  
*charo Taberzed*; quod ipsum ibidem  
 distinguit à *Sale* quod *asportatur ex India*,  
 idest, *Saccharo V.terum*, de quo dixi-  
 mus. Serapio verò, lib *Simpl. cap. 50.*  
*Taberzet*, inquit, non mollificat ita  
 sicut *Saljemani*, (de quo item superius:)  
 Ex quibus colligendum, *Saccharum*  
*Taberzed* esse illud quod *Finum* seu *pu-*  
*rissimum* diximus: quod sanè velut ab-  
 stergendi facultate non destituitur, ita  
 præ reliquo saccharo est frigidius &  
 ficcius; adeoque Linguę in febribus  
 viscositate obsitę convenientius: at-  
 que ita Costæus, Annot. in libr. 1.  
*Secret. medic. Mesuę*, distinct. 1. *Sac-*  
*charum* crebrâ depuratione *albissimum*  
 redditum, *Taberzetib*, sicut & *probatissi-*  
*imum Mel Mauritanis Scriptoribus*, nun-  
 cupatur. Equidem *Avic. libr. 2. Can.*

cap. de melle, distinguit inter *mel Apum*, *mel Arundinum*, & *mel Taberzed*; *mel Apum* dicit esse calidum & siccum in 2. grad. *mel Al-Taberzed*, & *Arundinum*, calidum in primo, non siccum, quin imo posse esse humidum in primo: Præterea dicit *mel Arundinum* lenire ventrem; at *mel Taberzed* ventrem non lenire: additque *mel* cuius spuma non rejecta est, inflare atque solvere alvum; at cum rejecta sit, id ipsum minùs facere. Ex quibus colligendum videtur, *mel Taberzed* (improprie ita dictum,) esse ipsum *mel Arundinum* purificatum, seu liquorem *Saccharinum* coctione depuratum, fortè quem superiùs ex Platerio *zuccara* nomine descripsimus.

87. Patet ex dictis, *Saccharum Rubrum*, *Finum*, *Candum*, (quod nunc habetur, nam verum *Candi*, seu nativum, non ampliùs asportatur,) itemque *Taberzed*, vulgaris seu factitii *Sacchari* differentias esse, Quò item referimus

rimus *Sacchari farinam*, seu *pulverem*, non coagmentatum nec redactum in metas. Quando autem innotuerit primum *vulgare Saccharum*, seu, quando ejus parandi ratio inventa sit, incertum est. Hanc ab Arabibus monstratam putat Salmasius; aut fortè ab ipsis etiam Indis primum, post tempora demum priscorum Græcorum. Avicennam primum cocturam *Sacchari* ex *Cannis* expressi, quale ad nos hodie affertur, tradidisse, asserit Jo. Neander in *Avic. vita*, in *Syntagm. de Med. Orig. &c.* nusquam enim, inquit, apud Veteres Græcos talis coctura extat, nec ante Avicennæ tempora in usu fuit. At saltem *Rhasis* quoque, qui Avicennâ prior, aut quo saltem *Præcepto* re gavisus Avicenna, ejusdem meminit *libr. 3. ad Almanf. capit. 20.* ubi *Saccharum* ventrem leni re ait, neque calefacere nisi parum; ac *ibid. cap. 27.* mentionem facit *Zucchari rosati & violati, & Syrupi acetosi de Zucharo facti &c.*

88. Sed & jam pridem Æginetæ (qui ante annum Christi 400. floruit,) cognitum fuisse Saccharum nostrum, existimat Quercetanus, in Diæt. Polyhist. sect. 3. cap. 8. idque colligit ex hisce verbis, *Caterùm Saccharum quod ex felici Arabia affertur, minus dulce est eo quod apud nos est; & aequalem vim habet ad hoc, quòd stomacho noxium est, neque sitim inducit, velut hoc nostrum. Verùm non videtur Vir Eruditiss. ipsum Æginetam consuluisse, qui libr. 7. ubi de melle agit, ita loquitur: Mel etiam Sacar, quod ex felici Arabia invehitur, non tam dulce quàm nostras mel; sed aquales vires possidet, præter quòd nec ventriculum lædit, nec sitim conciliat, veluti nostrum.* Comparat itaque Ægineta Saccharum *Arabia felici*, quod & Mellis speciem facit, (sicut & Diosc. & Gal.) cum vulgari Melle, non cum vulgari Saccharo: Per Sacchar autem ex Arabia felici, intelligit id quod circa calamos accrescit, ut loquitur Galen. hoc est Saccha-

DE SACCHARO. 159

Saccharum illud Veterum, quod Sallis ideam referebat, de quo superius.

89. Nos inventionis laudem ipsis Indis, seu indigenis locorum Arundinem saccharinam ferentium, utpote quibus materia suppetit, relinquimus; cum & primi Arabum Medicorum Sacchari vulgaris meminerint, nec inventores se profiteantur. Non tamen existimem cum ratione statui, id quod vult Lang. Epist. 64. libr. 1. non Arabum tantum, sed etiam Græcorum Medicos (vetustiorum scil.) & ipsum Galenum etiam, vulgari Saccharo usos. Actuarius equidem, (qui ex Recentioribus Græcis fuit,) de comp. med. ex succo vel stillacitio rosarum aut violarum liquore, & Zaccharo, Julapia conficere docet: Simplicissimum, inquit, in potionibus febricitantium medicamen est, quod ex Saccharo & aqua coquentes temperamus; secundum locum tenet, quod ex violarum

rum succo & Sacchare facimus, &c. Sed dubitari potest, an non hîc quoque Veterum Saccharum nativum, (quod Plinio teste ad Medicinæ tantum usum erat,) aut decoctum Saccharinum, quale ex Plateario recitavimus, intelligendum sit.

90. Liquet autem ex antè dictis, quid inter *Melleum arundinum succum*, seu *liquorem saccharinum Antiquorum*, ex eodem arundinis genere expressum, ex quo hodie nostrum Saccharum, atque inter hoc ipsum *vulgare Saccharum*, interfir discriminis: Scilicet est ille dulcis liquor materia Sacchari vulgaris, seu substantia eadem quæ in Saccharo vulgari per coctionem correctâ, purificatâ, atque in formam solidiorem, consistentem, plusque minúsve candicantem, redactâ; adeoque utrumque naturâ specificâ idem est, utut ob diversum materiæ modum, ac puritatis & impuritatis disparitatem, viribus quodammodò diversa.

91. Quod



91. Quod si verò itidem similem succum exprefferint Veteres ex radicibus aliarum Arundinum, specie differentium, scilicet Mambu dictarum, aut aliarum quarumcunque, quarum succus coagulari non potuerit, quales in Hispaniola esse ajunt, aut ex fertilaceo quocunque genere Insularum Fortunatarum; utique cum hæ plantæ specie differant ab illo arundinum genere, unde Saccharum vulgare paratur, specie quoque differre *Saccharinum* ejusmodi liquorem à vulgari *Saccharo* statuendum est, ad eoque & facultatibus dubio procul plurimum discrepare.

92. Præterea, hinc liquet, quid de *Saccharo Veterum*, solidiore illo, quod Sali assimilarunt, statuendum sit? Et an natura illius eadem statuenda, cum *Saccharo nostro*? Nempe, si etiam ex radicibus Arundinum Mambu exprimatursuccus qui in vulgare Saccharum concoquatur; *Saccharum illud Veterum* ultrò accrescens ramis ac foliis

foliis illius arundinis, à vulgari illo, ex iisdem arte parato, nequaquam specificè differet; sed diversum erit solummodò: attamen interim nec substantiæ modo, nec per omnia viribus, eidem simile: v. g. quatenus *Veterum Saccharum* quidem *situm non affert*, teste Gal. libr. 7. de simpl. med. fac. cap. de Melle, itemque Ægin. libr. 7. at *factitium* illud ex arundinum earundem succo, fortè situm inducit, ut de vulgari dicemus inferiùs.

93. Eadem ratio erit, quæ dicta, seu nullum essenziale discrimen erit, si fortè ad summitates arundinum minorum, ex quibus ordinariè *vulgare Saccharum*, in Madera, Sicilia, Creta, Rhodo, & Cypro Insulis, ac etiam in Ægypto, ipsaque America, paratur, conſingat quandoque aliquid Sacchari in formam Salis concreſcere. Ut adeò de hiſce verum dici queat, id quod pertendit Jul. Scaliger, hanc ſolam eſſe differentiam *Sacchari Veterum* & ho-

& *bodierni*, quòd illud ex harundine sponte manabat, nostrum hoc exprimat & coquatur ad candorem & spissitudinem: cùm utique discrimen essentiale nequaquam inferat, nec rei naturam vel essentiam mutet, si vel Solis virtute succus saccharinus purior elevetur, à fæculenta portione abstraatur, exsudet, concreascet; vel artificis industriâ succus expressus vi ignis coquatur ac purificetur, sicque in saccharum coctione cogatur: Quamvis nequaquam idem substantiæ modus utrobique relinquatur, nec æquè attemperata sit causæ utriusque (nempe Solis & Ignis) ἐνέργεια, adeoque nec per omnia eadem relinquatur Sacchari utriusque virtus.

94. Contrà verò, illud *Saccharum vulgare*, quod ex peculiari specie arundinum, vel potius planta arundini externâ specie duntaxat simili, (qualem tradit Manardus, cum quo consentit Salmasius,) paratur, id non poterit cum

cum *Saccharo Mambu* specie convenire :  
 Ut hisce quidem accommodari queat  
 id quod vult Salmasius, (pag. 1019.)  
 non duntaxat diversa esse, sed fronti-  
 bus adversis esse opposita, hoc est ; toto  
 genere ab invicem differre : Specificum  
 certè discrimen inter hæc intercedere ,  
 non minùs quàm inter plantas ipsas  
 atque earundem succos , necesse est.  
 Causa erroris hîc fortè Scaligero extitit,  
 quòd non nisi unum genus Arun-  
 dinum saccharinarum agnoverat, un-  
 de *Veterum Saccharum* sponte prodierit,  
*hodiernum* verò arte paretur. In simili  
 utique errore versatum fuisse Jan. Ant.  
 Saracenum, ex antè citato loco lique-  
 re potest ; nec non Matthiolum.com.  
 in caput Diosc. de melle : Similiter  
 Lang. Epist. 64. libr. 1. ubi, Quum  
 in regionibus orbis quæ Saccharife-  
 runt, arundines Sacchari sint ejusdem  
 speciei, naturâ soli differentes, nemo  
 mihi persuadebit, inquit, Saccharum  
 quo modò utimur, ab Antiquorum  
 per

per decoctionem facto, esse diversum. Quibus verbis, præter identitatem arundinum specificam, supponit Veteribus eandem Sacchari per decoctionem parandi rationem, quæ nunc in usu est, cognitam fuisse; at inter *nativum Veterum Saccharum & factitium hodiernum* plus quàm diversitatem agnoscere videtur; sed præter rationem, suppositâ unicâ duntaxat arundinum saccharinarum specie.

95. Quicquid fit, undecunque *Saccharum Veterum* vel *hodiernum* depromatur, discrimen saltem non contemnendum in substantiæ modo ac virtute, inter ipsum *Saccharum Veterum*, quod *Sal Indum* dixerunt, atque *nostrum vulgare*, statuendum videtur. Atque hinc Plinius *Saccharum* suum *ad medicinam tantum usum* adhiberi refert. Dioscoridis *Saccharum* quod consistentiâ Sali simile est, *ζυκοσίλιον* existit, hoc est, ut exponit Salmasius, *ventris incitamentum*; ita namque & Hesychius *Σάκχα-*

εν γινώμενον ἐκ τῆς Ἰνδικῆς, κοιλίας λυ-  
 ατικόν, *alvi solutivum* vocat. Omni qui-  
 dem Saccharo hoc tribuit Avicen. ut  
 superius dictum; sed imprimis ei quod  
*super arundinem invenitur*, in India, at-  
 que *Sali Iemanico*, idest Arabiæ felicis,  
 (quo posteriori *Mannam* indigitare vix  
 dubito.) Præterea oculorum obscuri-  
 tatem abstergere, renes & vesicam  
 exulceratam juvare, de suo testatur  
 Dioscorides: Quæ minùs evidenter  
 vulgari Saccharo competunt. Galenus  
 de *Sacchar* quod ex Arabia felici con-  
 vehi ait, *nec inimicum esse stomacho*, ceu  
 mel vulgare, (*ἐυσόμαχον stomacho utile*  
 dixit Diosc.) *nec sitim afferre* testatur:  
 Ac Avic. l. 3. Can. fen. 6. tr. 1. cap. 19.  
*contra sitim* commendat Saccharum *Al-*  
*Higjâz* seu *Arabia Petraea*: At *Saccha-*  
*rum vulgare* sitim afferre, adeoque mi-  
 nùs stomacho utile esse, testatur ex-  
 perientia, atque attestatur Avic. lib. 2.  
 Can. c. de *Zacchar*. Quâ de causa fre-  
 quentiore ejus usum dissuadet Querc.  
 loc.

loc. cit. ac juvenibus præsertim nocentissimum esse ait. Ægin. lib. 2. cap. 54. (quod est de asperit. ling.) *Sal Indicum affatim humectare* ex autoritate Archigenis testatur. Avicen. id ipsum quod tribuitur Veterum Saccharo, scil. *non excitare sitim, ut reliquæ species Sacchari, perperam suo Al-Ooscher tribuit; de quo rectius Isaac ben Sulaimen apud Serapionem, non auferre sitim* ait.

96. De Viribus Sacchari vulgaris verbo dicendum: Serapio ex Aben Mesue id *calidum* statuit in principio 2. grad. *humidum* in medio primi; Non calefacere nisi parum, inquit Rhases libr. 3. ad Almanf. cap. 20. Avicen. lib. 2. Can. cap. de Sacchar. statuit *mel arundinis & Saccharum* (vulgariter ita dictum,) non esse inferiora melle in *abstergendo, & mundificando*: Certè ipsi quoque Veterum Saccharo Indico & Arabico adsimiles melli vires tribuit Gal. libr. 7. de Simp. med. facult. Similiter Ægineta de Saccharo quod ex Arabia felice

*felice advehitur, aequales melli vires possidere, præter quòd nec ventriculū lædat, nec sitim conciliet, veluti nostrum mel. Dissentire autem quodammodò à se ipso videtur Avicen. quando lib. 3. Can. fen. 1. tract. 2. capit. 8. inquit Mel arundinum, idest Saccharum, ut exponit, propriè mundificativum melius esse melle Apum, quamvis abstersio ejus minor sit abstersione mellis.*

97. Præterea Saccharum lenit pectus, & tollit asperitatem ejus, Avic. teste: Ita de Saccharo violaceo testatur Rhases l. 3. ad Almanf. guttur lenire, & tussim mitigare, facilemque reddere sreatum; atque ventrem lenire; stomachum tamen dissolvere, & appetitum destruere Limitationem adhibet, Avic. scilicet, esse bonum stomacho in quo non generatur cholera: ipsum enim lædit, inquit, propterea quòd ad choleram convertatur, Rhases ne quidem Saccharum rosatum



*fatum* eos, qui calorem patiuntur & ardorem, ullo modo comedere debere, & maximè si æstas fuerit.

98. Est in iplo virtus faciens sitim, minorem tamen quàm facit mel, imprimis antiquum, ut docet Avicen. libr. 2. Can. cap. de Sacchar. At idem tamen lib. 3. Can. fen. 6 tr. 1. cap. 19. commendat *Saccharum* ad linguæ adustionem propter sitim; verùm illud quod vocat *Al-Higjâz*, seu *Arabia Petraa*, nempe illud, quod Avicennæ fortè potiùs Mannæ species est, & propter humectationem convenit; velut & ibidem commendat *Terengjubîn*, speciem nimirum Mannæ aliam.

99. Denique, quorumvis saporum excessum corrigit Saccharum: acia retundit; acida mitigat; salis suavitatem addit; austeritatem domat; acerbam vincit; insipidis saporem conciliat: In cibis pro condimento est; in potu pro oblectamento; in medicina pro tem-

H peraz

peramento : Palato passim infervit ; plurimaque Salis in modum à corruptione conservat.

100. Interim prudenter Quercetanus loc. cit. frequentiore Sacchari usu omnibus interdicit, quòd calidæ sit qualitatæ, & facilè in bilem vertatur. Qui enim avidiores sunt ad Saccharum, inquit, & saccharatas confectiones immodicè deglutiunt, sanguinem sibi retorrent, perpetuam sitim incurrunt, ac foedam dentium nigredinem contrahunt : At juvenibus præsertim nocentissimum est, qui calido & biliolo temperamento esse solent. Tandemque, etsi candidum est Saccharum, inquit, sub candore tamen suo magnam celat nigredinem ; ut & sub ejus dulcedine ingens acrimonia delitescit, aquæ forti par & simile : Ex quo etiam dissolvens ac tam fortis liquor educi potest, qui vel ipsum Solem ( id est Aurum ) in aquam solvat & colliquet. Sic dulcia fallunt !

*Ne Pa-*



*Ne Paginae aliquot vacuae supersint, libet sequentia ad priores Dissertationes, de Unicornu & Lapide Bezoar, Appendicis loco annectere verbotenus desumpta ex Annot. D. Guidon. Patini, Medici Parisiensis, ad Tractatum de Peste D. Nic. Ellain.*

## DE MONOCEROTE.



T portentosus ex-  
titit, qui ex commen-  
ticio de Monocerotis  
cornu manavit abusus,  
sic plurimorum Medi-  
corum laudanda consilia, qui identi-  
dem suo quisque tempore, solidissimis  
rationum momentis illud expugna-  
runt, omnique experimentorum ge-  
nere proscribere aggressi sunt: dubio-  
que procul amandatum prorsus fuisse.

## 172 DE MONOCEROTE.

exolevissetque, si male cautum vulgus, cujus facile luditur ingenium, fraudem non adjuvisset promovissetque, majori fide Empiricis Agyrtisque commodatâ, quàm Medicis, qui ejusmodi ludionum inventum profligare seriò moliri sunt. Verum (Dei benignitate) irritus non fuit illorum conatus. Nam si usquequaque sublatus abusus non est, valde certè attritus penèque extinctus est, veteratorum opproprio, quibus technas fraudesque prorogare volupe est. Quamobrem hîc de eo multis non agam, aliquot duntaxat adductis rationibus, quæ curiosis satisfacere poterunt, ut ultimam huic monstro mactando manum adhibeam. Primò maxima discrepantia dissensioque est inter Scriptores penes Monocerotis essentiam. Secundò in ejusmodi cornibus non sapor, non odor, aliave qualitas existit, quæ luculentum ullum salubritatis effectum prodere valeat. Terriò, cum

# DE MONOCEROTE. 173

cum cornuum materia materia siccissima sit, malè affectum corpus minimè nutrire, nisi forsan exsiccando, valent, quod longè commodius ex boum arietumve cornibus passim obviis efficeretur, quàm ex id genus supposititio, ex mari (ut ajunt) rubro transvecto, ut splendidius vaneat, & auro contra pendatur. Quartò, neque Hippocrates, neque Galenus, aliussve Medicinæ alicujus nominis autor, ullam unquam virtutem cornu Monocerotis ascripsit. Si quid verò ab aliquibus de eo scriptum, id ex auditis aliorumque relatu hæsitanter affirmatum. In re autem tanti momenti, Agyrtis, ex mendacio fraudibusque lucrum captantibus, neque peregrè advenientibus temerè credendum est. Quapropter unumquemque candidè hortor, ne ab hujusmodi captiosa merce ludificari se patiatur, cum longè efficacioribus, præ hoc mentito, cornu Ceruinum, viribus antestet. Eruditissi-

## 174 DE MONOCEROTE.

morum Medicorum autoritate nostra sententia fulcitur, maximè DD. Capellani, Dureti, Petræi, Altini, Scholæ quondam Parisiensis Doctorum; Mercurialis, Baccii, Sylvatici Itolorum; Thomæ Erasti, Germani; sexcentorumque aliorum, quorum rationum momenta diffusius aliàs sumus enucleaturi. Quod si qui adhuc sint, qui fucum sibi fieri aveant, malintque vesanis improbisque nebulonibus, quæstum inde aucupantibus; quam consultissimis candidissimisque hominibus, ex animi sententia rerumque peritia de eo monentibus credere: eis saltem autor fuerim, ut periculum faciant: tumque suo compent damno, quæcunque de ejusmodi cornu mirabilibus memorantur, meras esse nugas: tumque respondere poterunt, quod Apollonius Damidi sciscitanti, num crederet mirandis virtutibus, quæ vasculo ex cornu Monocerotis conflato tribuebantur, festi-

stiv. et

# DE MONOCEROTE. 175

stiviter respondit, *Credam*, inquit,  
ubi rescivero ditionis illius Regem esse im-  
mortalem. Sed hæc satis de Monocerotis  
supposititio cornu. Qui plura velit,  
*Paræum libr. 21. Chirurgiæ* legat, ubi  
strenuissimis rationibus experimentis-  
que anilia de illo ludicro amuleto deli-  
ramenta perdoctè refutantur.

## DE BEZOARDICO LAPIDE.

**S**I Gallicus Democritus jure merito  
Slandandus veniât, quòd molam  
cæteris omnibus anteponat lapidibus,  
ob illius usum generi humano adeò  
necessarium: vice versâ potiorique ra-  
tione Bezoardicum lapidem insectari  
mihi liceat, cum eo velut instrumento  
Empirici sordidique Pharmaceutæ tot  
hominum myriadas miserè circumvè-  
nerint, ex quo lapis iste offensionis  
adinventus est. Lapis, inquam, of-  
fensionis, in quem jam pridem legi-  
tima abdicata medendi methodo via-  
que regia ab Hippocrate & Galêno

commonstrata, turpiter adeo impactum est. Falsis infandisque experimentis fide temerè habitâ. Infandus lapis, à quo tot fere offensi sunt, quot à strenuissimis remediis adjuvi. Facile planumque mihi foret, solidis celeberrimorum Auctorum autoritatibus, velut validissimis machinis, extractum dudum ex isto fabuloso chimericoque lapide ædificium diruere. Sed quia inveteratus iste abusus, lucrionum sordibus & dolis introductus, exolescere incipit, egregio Medicorum, tam infami mangonio infensorum, studio & operâ, non ita multus erò. &c. *Et post.* Rationis cedite potentiæ, tot eximiorum Europæ Medicorum à Domino Guiberto in Medici officiosi & domestici libello curiosè citatorum. Illis cedite, quos hic succenturiabo, ut intelligatis, unam esse æquabilemque toto orbe de eo sententiam. Nicolaus Boccangelinus Hispanus eruditissimus, Imperatorius Medicus in *tractatu*



*statu febrium malignarum & pestilent. capit. 17. ejus usum condemnat, &c Hieronymus Rubeus Ravennas Clementis VIII. Medicus nominatissimus, Comment. in cap. 7. l. 3. Celsi, hujus lapis fallaciam his exprimit verbis. Non diffiteor in febribus malignis, magnatibus virisque illustribus quàm plurimis lapidem Bezoardicum me sæpiusculè præscripsisse ad 8. 10. 16. grana: verum nihil unquam laudabile exinde subsecutum, observatum est, neque sudorem, neque vomitum, neque alvi fluorem, nullumve subsidium aut emolumentum: etsi splendide lapides isti cœmpti fuissent, pro veris nativisque haberentur, ab opulentis & eminentibus viris comparati. Præterea opera pretium facturum arbitror, si moneam lapides illos fictitios esse & adulteratos, quod nobis innotuit in Clementis VIII Pont. Max. felicitis memoria, morbo, in quo ex lapidibus istis supra quadraginta ad nos allatis, ne granum quidem legitimum optimaque nota deprehendere licuit. Martianus Medicus Romanus Commentariis*

# 178 DE BEZOARDICO

mentariis in Hippocrat. qui, nihil præter nomen atque opinionem ex lapide Bezoardico nobis superſſe, ait, circa ullum ſucceſſum; quod veriſſimum ex notis ab autoribus illi assignatis experientiaque comprobatur. Rodericus à Fonſeca, Profeſſor Patavinus celeberrimus, tractatu de febribus malignis, ingenuè fatetur nullum unquam memorabilem ex lapide Bezoardico, ſæpe ſæpius in febribus malignis à ſe exhibito, effectum conſpexiſſe. Præterea, lapides omnes Bezoardicos hodierno die adulterari, ut nulli genuini reperiuntur. Joannes Colla Belluenſis, Italus eruditione clariffimus, Ducisque Urbinatis Medicus cubicularius, libro cui nomen *Cosmiter Medicæus*, longiuſculo de lapide Bezoardico tractatu, illos ſugillat, qui illius uſum citra rationem deprædicant, quique paſſim omnibus in morbis eo promiſcuè utuntur, propter lucrum inde dimanans. Theodorus Angelutius *libr. 3. de Febrib. malign. curat.* eum ſic improbat. Omnibus Medicis

Medicis consulo, ne ejusmodi credant lapidi, neve ullo modo in usum vocent, cum certissimè constet, nullum extare qui adulteratus non sit: multique viri egregii fideque dignissimi profitentur, atque etiam ego met audacter affirmo, ex illius usu nulli unquam agroto optatum fructum successisse.

Thomas Minadous, Medicus Italus etiam clarissimus, his astipulatur libro de febribus malignis cap. 15. Nec admitto (ait) nec in Bezoardico lapide vim ullam occultam deprehendo, qua febribus opitulari possit malignis: meaque sententia est, commenta esse anilesque fabulas, quicquid ab Arabibus de eo scriptum, & a recentioribus etiamnum ventilatum est. Pluries enim variisque in agrotantibus illum prescripsi, sed frustraneo semper eventu. Aloisius Mondella in medicam. simplicium examine; Medicum quendam ait sibi notum, qui lapidem ex hydrargyro & auro fabricaret, quem Bezoardicum nominabat, ex cujus usu plurimè interibant. Paræum libr. 21. cap. 44.

asserit.

mentariis in Hippocrat. qui, nihil præter nomen atque opinionem ex lapide Bezoardico nobis superſſe, ait, circa ullum ſucceſſum; quod veriſſimum ex notis ab autoribus illi assignatis experientiaque comprobatur. Rodericus à Fonſeca, Profeſſor Patavinus celeberrimus, tractatu de febribus malignis, ingenuè fateretur nullum unquam memorabilem ex lapide Bezoardico, ſæpe ſapius in febribus malignis à ſe exhibito, effectum conſpexiſſe. Præterea, lapides omnes Bezoardicos hodierno die adulterari, ut nulli genuini reperiantur. Joannes Colla Belluensis, Italus eruditione clariffimus, Ducisque Urbinatis Medicus cubicularius, libro cui nomen *Cosmiter Medicæus*, longiuſculo de lapide Bezoardico tractatu, illos ſugillat, qui illius uſum citra rationem deprædicant, quique paſſim omnibus in morbis eo promiſcuè utuntur, propter lucrum inde dimanans. Theodorus Angelutius *libr. 3. de Febrib. malign. curat.* eum ſic improbat. Omnibus Medicis

Medicis consulo, ne ejusmodi credant lapidi, neve ullo modo in usum vocent, cum certissimè constet, nullum extare qui adulteratus non sit: multique viri egregii fideque dignissimi profitentur, atque etiam ego met audacter affirmo, ex illius usu nulli unquam agroto optatum fructum successisse. Thomas Minadous, Medicus Italus etiam clarissimus, his astipulatur libro de febris malignis cap. 15. Nec admitto (ait) nec in Bezoardico lapide vim ullam occultam deprehendo, qua febris opitulari possit malignis: meaque sententia est, commenta esse anilesque fabulas, quicquid ab Arabibus de eo scriptum, & a recentioribus etiamnum ventilatum est. Pluries enim variisque in agrotantibus illum præscripsi, sed frustraneo semper eventu. Aloisius Mondella in medicam. simplicium examine; Medicum quendam ait sibi notum, qui lapidem ex hydrargyro & auro fabricaret, quem Bezoardicum nominabat, ex cujus usu plurimè interibant. Paræum libr. 21. cap. 44. asserto.

assertorem advoco, omnesque Bezoardicos Paranympchos & Chymicos ad unum provoco, ut adductis inibrationibus satisfaciant, Chirurgus licet duntaxat ille fuerit; hinc D. Ludovicum Guyonum Dolensem *variar. lection. tom. 1. cap. 10. lib. 1.* Riolanum patrem, Parisiensem Medicum eruditissimum *Comment. in Fernel. c. 17. l. 2.* Andream Laurentium Henrici IV. Gallorum Regis Archiatrum *Consil. cap. 1. & 14. &c.*

---

## C O R R I G E N D A.

PAG. 32. lin. 19. leg. quas. Pagina 37. lin. 4. & 6. vectigali. *ibid.* l. 14 vectigal. Pag. 41. l. 9. mastiche Pag. 97. leg. 6. frustra. Pag. 101. l. 11. frustra. itemque p. 123. l. 17. Pag. 140. l. 19. *magna.* Pag. 141. l. 5. *melleum.*

F I N I S

974253